



# شهریار و حیدر بابا

— مکتوبلار و نظیره لر —



انتشارات فرزانه

۱۸۰۰ ریال



کتابدا وئرلین مینیاتورلار شمالی آذربایجانین معروف  
تفاشلاریندان «فخرالدین علیزاده» نین اثریدر .

## فهرست


- ۱- اشاره ، م. ع. فرزانه ..... ۵
- ۲- شهریارین شعری ، غلامحسین بیگدلی ..... ۸
- ۳- حیدرباباشاعری (مقاله دن بیر قسمت، میرزا ابراهیمف) ..... ۲۶
- ۴- شهریارا آچیق مکتوب ، محمد راحیم ..... ۳۱
- ۵- محمد راحیم حضرتلرینه جواب، استاد شهریار ..... ۳۷
- ۶- قارداشیم شهریارا ایکنیجی مکتوب، محمدراحیم ..... ۴۵
- ۷- دو گؤنمه و سئوینمه ، شهریار ..... ۴۹
- ۸- شهریارا مکتوب ، ب.ق. سهند ..... ۵۳
- ۹- سهندیم ، استاد شهریار ..... ۶۲
- ۱۰- شهریارا ، بختیار وهابزاده ..... ۷۳
- ۱۱- یادیمادوشدی، مدینه گلگون ..... ۷۷
- ۱۲- شهریارلا صحبت، قاسم جهانی ..... ۷۹
- ۱۳- بزگوش (شهریارا جواب شعریندن) محمد مصدق ..... ۸۲
- ۱۴- عزیز شهریارا سلاملار ، راسم کسریمی ..... ۸۵
- ۱۵- دردلی داغلا درده شیرم ، ستار زردابی ..... ۸۸
- ۱۶- شهریارا باش اگیرم، مسعود ادیب ..... ۹۰
- ۱۷- ملیونلارلا اوخوجونون سئویملیسی اولان شاعر شهریارا  
دوستلوق مکتوبی (مکتوب-۱)، توفیق غفاری (دوشگون) ۹۳
- ۱۸- گلمه دین (مکتوب-۲) ، توفیق غفاری (دوشگون) ۹۷



انتشارات فرزانه

شهریار و حیدربابا - مکتوبلار و نظیره لر -  
چاپ متن : چاپ الوان، تهران  
چاپ مینیاتورها : چاپ افست گلشن ، تهران  
چاپ اول، آذرماه ۱۳۵۸ ، ۵۰۰۰ نسخه  
حقوق چاپ و نشر محفوظ است.

- ۱۹- شەرىيار گلمەدى ، محمد آراز ..... ۱۰۰
- ۲۰- گۆبجەدن سىلاملارا! عباسەلى كرىمف ..... ۱۰۵
- ۲۱- قازان كۆشكى! - جنوبى آذربايجانين بۇيوك شاعرى  
شەرىسارا نەزىرە در ، خىراللا كرىمف ..... ۱۱۳
- ۲۲- بۇيوك آذربايجان شاعرى سىد محمد حسين شەرىيارين  
«حيدر بابا» منظومه سینه جواب اثريندن بير حصه ،  
ابوالفضل حسيني (حسرت) ..... ۱۲۹



Handwritten text in Persian script, likely bleed-through from the reverse side of the page. The text is faint and mostly illegible due to fading and the texture of the paper. Some words and phrases are visible, such as "بسم الله الرحمن الرحيم" and "قصه کورگان و فیل".

### اشاره :

بۇيوك سۇزاوستادى شهربارين «حيدر بابا بايا سلام» منظومه سنين اختناق و مىلى حقسىزلىگىن، حكيم سوردوگى ايللرده اورتايا چيخماسى و آز بير مدت ايچرسينده عقله سيغمايان بير ئولچوده يايلىماسى ، بودورده آذربايجانين دوغما ديل و ادبياتى ساحه سينده باش وئرن ان بۇيوك حادثه لردن بيرى حساب ائتمك اولور.

شاعرين اوشاقلق دورهسى خاطرهلرى و حسرتلريله جاغلايان و آذربايجان كند ياشايشيندان جانلى تصويرلر وئرن بو بديعى اثر، خلقين نوزآناديليندن محروم اولدوغى و دوغما يوردوندا غريب كيمى ياشادىغى ايللرده، اوخويانلارين و دينله ينلرين مشترك خاطرهلر و حسرتلر دفترينه چئوريلدى و اونلارين اورهك چيريينتيلارى ايله سسى سه وئردى.

«حيدر بابا بايا سلام» منظومهسى ۱۳۳۲ - نين آخزلاريندا چاپدان چيخار - چيخماز اوگۇنلرين آغير شرايطينه باخما يارق سرحدلرى آشيب اوزاق و ياخين هر يئره او جمله دن شمالى آذربايجاندا يول تاپدى و اورادا بوتون جماعت طرفيندن سونسوز حرمت و هيجانلاقار شيلاندى.

«حيدر بابا بايا سلام» منظومه سنين شمالى آذربايجاندا يايلىماسى شهربارين ياراديجيلىغينا اولان توجه و علاقهنى قات-قات آرتيردى. شاعرين حياتى و ياراديجيلىغى باره سينده كتابلار و بير چوخ علمى-تحليلى مقاله لر يازيلدى ، منظومه نين مضمونلارينا مناسب تابلولار و مينياتورلار چكىلدى و اثرين سۇزلىرى موسيقيه ساليندى. بوايشلرله بير ليكده اونلارچا تانينميش و تانينميش شاعر شهربارا منظوم مكتوبلار و حيدر بابا بايا نئيره لر يازدىلار و بير نئچهسى شهرباران جوابلار آلدىلار.

بو منظوم مکتوبلاردان و نظیره لردن بیر قسمی مطبوعاتدا درج اولماق و «درستم کؤرپوسو» یولی ایله گلیب بیزه چاتمیشدر. ایسترسه حیدرآباد منظومه سینین یارادانی و ایسترسه ده بومکتوبلاری و نظیره لری یازانلاردان حقشناسلیق عنوانیله بونلاری نشر ائتمک قرارینا گلدیک. ضمنا بورا دا بیر نجه نکته نی آرترماغی یئرلی بیلدیک :

۱- مکتوب و نظیره لری یازانلارین چوخونون حقنده معلومات الده اولمادینی ایچون اونلارین قیسا دا اولسون ترجمه حالینی و ئرمک ممکن اولمادی .

۲- شهریارلا مرحوم سهندین بیر-بیر لرنه منظوم مکتوبلاری مضمون جهتیندن بو مسئله لر ایله ایلیگی اولدوغی ایچون هر ایکی شعر کتابداخل اندیلیر .

۳- آذربایجانین مدنیت خادملریندن شرقشناس رستم علی یفین «درستم کؤرپوسو» نون یارانماسیندا شهامتلی و دگرلی ایشیندن ح-رمتله یاد ائتمه کی وظیفه بیلیریک .

م.ع. فرزانه

محقق و ادیب غلامحسین بیگدلی شهریار شعرینین مفتونلاریندان و «حیدر آبا یا سلام» منظومه سینین آدلی-سانلی چاوشلاریندان اولموشدور. او پلردن بری نوز علمی - تحقیقی ایشلرینین عمده حصه سینى شهریارى و شهریار یارادیجیلیغینی تانیتدیرماغا حصر ائتمیشدر. بیگدلینین شهریار یارادیجیلیغینین آیری-آیری ساحه لرینه اختصاص وئرلمیش اونلارجا علمی - تحلیلی مقاله و دانیشیق لاردان علاوه، ایکی مستقل کتابی دا چیخمیشدر. بوکتا بلاردان بیرسی شهریارین حیات و یارادیجیلیغینا اختصاص وئرلمیش «محمد حسین شهریار (مونوگرافی)» ۱۹۶۳ - ده و ایکینجیسی «شهریار - سئچلمیش اثرلری» ۱۹۶۶ - نجی ایلده باکی دا نشر اولموشدر. گله جک صفحه لرده گتیریلن مقاله بیگدلینین «شهریار-سئچلمیش اثرلری» کتابینین مقدمه سیندن گؤچورولموشدر.

توکنمز قدرت و جوشغون بیرالهام توپلامیشدر . صورنا دا سئویملی  
 آنا تورپاغا، بو عظمتلی، قوجامان داغا محبتین افاده‌سی اولان «حیدربابایا  
 سلام» منظومه‌سینی یاراتماقلا اونون آدینی ابدی لشدیرمیشدر.  
 کؤرکملی عالم مهدی روشن ضمیر «حیدربابایا سلام» منظومه-  
 سنین مقدمه‌سینده یازمیشدر: « بوندان سونرا قره‌چمن جاده‌سیندن  
 گلیب - گئچنلر، بوتون اورک صاحب‌لری، بوتون اهل نظرلر اوزلرینی  
 او طرفه توتوب، اوزاقلارداکی بیر نقطه‌یه اشاره ائده‌رک سؤیله‌جکلر:  
 باخ، او، خشک‌ناب یولودر. او، حیدربابا داغیدر، اورا شهریارین  
 دوغما آنا یوردودر...»

شهریار «حیدربابایا سلام» منظومه‌سینی آنادیلینده یازمیش،  
 ئوزی دئدیگی کیمی، اونسی دنیالار قدر سئویدگی دوغما - خلقنه،  
 قوهوم - قارداشلارینا، عزیز یئرلیرینه اتحاف ائتمیشدر.  
 شاعرین اعترافینا کؤره، بو اثرین یارانیب میدانا چیخماسیندا  
 آناسنین بؤیوک رولی اولموشدر. تهرانا گلیب خسته اوغلونا پرستار  
 اولارکن ائدیگی شیرین صحبتلر، او خودوغی کؤزله ماهنیلار شاعرین  
 کئچمیش خاطره‌لرینی دیلسه گنیرمیش، اوره‌گینده مورگوله‌ین  
 حسلری اویاتمیش، کؤنول صفحه‌سینده سولماغا میل ائدن تابلولاری  
 الوان بویالارلا جلالاندیرمیش و شهریارین «حیدربابایا سلام» کیمی  
 عظمتلی بیر منظومه یاراتماسینا سبب اولموشدر. شهریار ئوزی ده  
 ایسته ره‌مین اثرینه یازدیغی مقدمه ده، ایسته رسه ده آناسنین وفاتسی  
 زمانی سؤیله دیگی « ابوای مادرم » آدلی اثرینده بو حقیقتی قلمه  
 آلمیشدر. انله شهریارا نظیره و جواب یازانلاردان شاعر جوشغون دا  
 بونی تصدیق ائدیر:

« ایسته‌سن کی باشا دوشم سؤزونى ،  
 فخر ائیله‌یب توپم او گول اوزونى ،

## شهریارین شعری

کوه به آسمانها نزدیکتر است. کوه مهبط وحی انبیا و  
 از برجسته‌ترین شاهکارهای طبیعت است. آبی که در  
 شکاف کوه از جگر صخره‌ها می‌تراود صافتر و زلالتر  
 است. کوه را با طبع و همت هنرمندان نسبت و  
 پیوندیست، حیدربابا کوه است.

محمد حسین شهریار

شهریارین دوغما آنا - بابا دیاریندا او جالمیش حیدربابا داغی  
 هله اوشاقلیق ایللریندن اونسون اویلاغی، سیرنگاهی اولموشدر.  
 شاعرین اوشاقلیق بشیگی خشک‌ناب، قاییش قورشاق، سنگیلاوا  
 کندلری بو عظمتلی و صفالی داغین اتکلرینده یئرلشمیشدر. شهریار  
 عمرونون ان کؤزل چاغلارینی بو قوجامان داغین طراوتلی آغوشیندا،  
 خیر - برکتلی اتکلرینده، کؤزله یانماجلاریندا، یاشیل چمنلیکلرینده،  
 صفالی، نعمتلی، بول محصوللی کندلرینده کئچیرمیش، آنا یوردون  
 زنگین طبیعتدن گلجهک پوئزیاسی (شعری) ایچون، شیرین خاطره‌لر،

سۆزلرینده باخیب گۆرم ئوزونی ،  
ئوز شعرینی من دانیشان دیلده یاز،  
قوی آچیلسین اوره گیمده باهار، یاز»

یازیلدیقدان سونرا آز بیرزماندا دیلر ازبری اولوب، شهرتی  
هریانی بوروین بو اثرین اوغورلی بیر طالعی واردر . جرأتله دئمک  
اولارکی، چوخ آز، بلکه ده نادر اثرلر تاپیلارکی، «حیدربابایاسلام»  
کیمی، قیسسا بیرمدته چوخ کنیش مقیاسدا شهرت قازانیب، دیلر  
ازبری اولسون .

شهریار «حیدربابایاسلام» منظومه سینده جنوبی آذربایجانین  
فسونکار طبیعتینی، کند خیانتین بیر سیرا خصوصیتلرینی، اوشاقلیق  
دورونون شیرین خاطره لرینی چوخ طبیعی، صمیمی و عین زماندا  
شاعرانه بیر طرزده افاده وترنم ائتمیشدر. اثری اوخودوقجا وطنین  
یاراشیقی منظره لری ، آذربایجان کندینین زنگین حیاتی، دوغما-  
یوردون بوتون گۆزه لیکلری کلیب گۆز قاباغیندا دایانیر. شهریار  
ئوز شعرلرینده مهارتلی بیر رسام کیمی آنا یوردونون گۆزه لیکلرینی  
ائله جانلی تصویر ائدیر، یاراتدیغی بدیعی تابلولاری ائله السوان  
بویالارلا جانلاندیریرکی، اوخوجونی سۆزون اصیل معناسیندا حیران  
ائدیر، هانسی یترده اولسا ، اونی خیالدا حیدربابلین سحرلی و صفالی  
اتکلرینه آپاریب چیخاریر .

«حیدربابا ، ایلدیریملار شاخاندا ،  
ستلر ، سولار شاقیلدا ییب آخاندا ،  
قیزلار اونا صف باغلا ییب باخاندا ...»

بومصراعلاری اوخویاندا آذربایجانین عظمتلی داغلاری، کلیب  
گۆز ئونونده دایانیر.  
«شنگیلاوا یوردی عاشیق آلماسی،

گاه دا گئدیپ اوردا قوناق قالماسی،  
داش آتماسی ، آلماسی - هیوا سالماسی ،  
قالیب شیرین یوخی کیمی یادیمدا ...»

بومصراعلاری اوخویان هانسی آذربایجانلی سوز اوشاقلیق  
گونلرینی ، حیانتین فرحلی چاغلارینی یاداسالماز ؟  
شهریار آذربایجان کندینین یایی، قیشینی، یازینی، پاییزی ،  
باغینی، باغچاسینی، سوروسینی، ناخیرینی، ایلخیسینی، ائل - اوبانین  
طوبونو ، بایرامینی ، خلقین عادت و عنعنه لرینی، معیشت طرزینی  
اینجه لیکلرینه قدرائله تصویر ائدیرکی، اوخوجی، شاعر مشاهده سنین  
دقیقلیگینه ، پوئیک تأثراتین وسعتنه حیران قالیر.  
بو قدر درین مضمونی و اینجه مطلبلری ، مرکب حادثه لری  
بوجوراوره گه یاتان شکلده یاراتماق آنجاق شهریار کیمی بؤیوک سۆز  
استادلارینا قسمت اولان سعادتدر !  
اثرده ترنم اولونان آیریلیق و هجران چیرپینتلاری ، وصال  
آرزوسی، وطنپرورلیک حسلری، هومانیزم دوینولاری درین اولدوغی  
قدرده طبیعی و صمیمیدر :

«بیر اوچیدیم بوچیرپینان یثلین ،  
باغلاشیدیم داغدان آشان ستلین ،  
آغلاشیدیم اوزاق دوشن اثلین ،  
بیر گۆردیم آیریلیغی کیم سالدی ،  
ئولکه میزده کیم قیریلدی ، کیم قالدی ...»

شاعرین آشاغیداکی مخمسینده (اولان) امید، آرزو ، کدر،  
انتظار ، اضطراب حیدربابا داغنین ئوزوندن ده آغیرو بؤیوکدر .  
«حیدربابا ، گۆیلر بوتون دومانندی ،  
گۆنلریمیز بیر - بیریندن یامانندی،



بیر - بیریزدن آیریلمایین آماندی ،  
یاخشیلغی الیمیزدن آلبیلار ،  
یاخشى بیزی یامان گونه سالیبار .

شہریار آنا یوردونا و دوغما خلقنه حصرائندیگی بو ائردہ درین فلسفی فکر لر یوروتموشددر . آتم خو لیا سیلہ بشریتی دهشته سالماق ایسته یین ، انسانلارین دینج و فرحلی حیاتیینی پوزماغا جان آتان امپریالیستلری قامچیلایان شاعر ، صلحی و سعادت تهلکه آلتینا آلانلاری ، غضبکار لیق مقصدیلہ یئی - یئی سلاحلار اختراع ائدندلری لعنتله دامغالامیشددر .

«حیدرآبا ، شیطان بیزی آزدیریب ،  
محبتی اور کلردن فازدیریب ،  
قره گونون سرنوشتین یازدیریب ،  
سالیب خلقی بیر - بیرینین جانینا ،  
باریشیغی بلشدیریب قانینا .»

\*\*\*

«گۆز یاشینا باخان اولسا قان آخماز  
انسان اولان خنجر بتلینه تاخماز ،  
اما حیف کور توتدوغون بوراخماز  
بهشتمیز جهنم اولماقدادر ،  
ذیحجه میز محرم اولماقدادر .»

شاعرین قناعتنه گۆره ، بوتون وجدانلی انسانلار وار قوه لری ایله ، چالیشیب محاربه نین ، قان تۆ کمه نین ، یثراوزونده یثنیدن فتنه - فساد توره دنلرین علیهنسه چیخمالی ، صلحی هر جور تهلکه دن قورومالی دیلار . بیرداها انسان قانی آخماغایول وئرمه مه لیدر لر . انسانپرورلیک ، خیرخواهلیق و دوستلوق جلا دلیم ، فاتحلیگه غالب

گلمه لی ، صلح و سعادت یثراوزونده برقرار اولمالیدر .  
۷۶ بنددن عبارت اولان بو گۆزه ل و درین مضمونلی منظومه بو بند ایله قورتاریر :

«حیدرآبا ، سنین گۆیلون شاد اولسون ،  
دنیا وار کن آغزین دولی داد اولسون ،  
سندن گئچه ن تانیش اولسون ، یاد اولسون ،  
دئنه منیم شاعر اوغلوم شہریار ،  
بیر عمر در ، غم اوستونه غم قالار .»

«حیدرآبا یا سلام» اثرینین بئله موقیبت قازانماسینین سببی نه در ؟ سبب چو خدر : شعریت گۆزه للیگی ، مضمون درینلیگی ، ائتل اوبانین عادت و عنعنہ لرینی ، اوشاقلیق خاطرہ لرینین ، دوغما یوردون و خلقین بوتون مراسملرینی بؤیوک محبتله ترنم ائتمه سی بو منظومه نین مزیتلریدر . م . ع . روشن چوخ حقلی اولاراق دئییر کی ، بو اثر «حیدرآبا دیلینده دانیشانلارین و بودیلی باشادوشنلرین آراسیندا ... الدن - اله گزمیش ، آغیزدان - آغیزا کئچمیش ... مینار و یوز مینلرجه انسانلارین کونول سیر داشی اولموشددر .» آنا دیلینده یارانان بو اثر ، زمانین طلبلریندن ، خلقین ایستک و آرزولاریندن دوغموشددر . خلق بئله بیر اثرین یارانماسینی چو خدان گۆزله بیردی .

شہریارین منظومه سی بیرده اونا گۆره شهرت قازانمیشددر کی ، بو اثر صون دور جنوبی آذربایجان شعرینده ، شاعرین ئوزی دئمیشکن «نوروز گولی و قارچیچکی» مثالیندا اولان نوبارددر . جنوبی آذربایجاندا یاشایان خلق آنادیلینده یارانان شعره بؤیوک احتیاج حس ائدیر . خلقین معنوی احتیاجینن ئوده نیلمه سینده صون دورده ایلک آددیم آتدیغی ایچوندر کی ، هامی شہریاری سئویر ، اونا بیر «قافله سالار» کیمی باخیر . قوجامان معارف خادمی میرزا جبار باغچه بان دوغما خلقی

منیمسه ییب کندلیلری عادی حقوقلاردان محروم ائدنلره لعنت یاغدییران شاعر، اونلاری دامغالاییر. منظومه نین هر بیتتی سانکی آغیر بیر یارالینین اوره گیندن قوپان ناله در. شاعر اینتگین دوستلاری، اوشاقلیق یولداشلاری و همدملری ایچون گۆزیاشی تۆکه رک، سینه سینده فریاد قوپاران هیچقیر تیلارینی گوجلله ساخلاییر :

«گئدنلرین یثری بوردا گۆرونور،

خانم نهم آغ کفنین بورونور،

دالیمجادر، هارا گئدیم، سورونور،

— بالا، گلدین، نیه بئله گئج گلدین؟

صبریم سننن. گولشدی، سن گوج گلدین...»

\*\*\*

«دئدیم : — بالام او ممدسن نولوبدی؟

معلوم اولان طفل بالا نولوبدی،

نه وار، نه وار بورنوندان قان گلیدی،

بیریتل اسیر، باخیرسان ممدسن یوخ،

بو کتده بیر بورون قانی کسه ن یوخ؟»

\*\*\*

«کندلی یازیق چراغ تاپمیر یاندیرا،

گۆروم سیزین بر قیز قالسین آندیرا،

کیم بوسۆزی اربابلارا قاندیرا،

نه در آخر بوملتین گناهی،

توتسون گۆروم سیزی مظلوملار آهی...»

«حیدرآبادیا سلام» اثری ایلك دفعه ۱۹۵۱ — نجی ایلده تبریزده

چاپ اولونارکن بونفیس نشره معاصر عالملردن مهدی روشن ضمیر

و عبدالعلی کارنک معنالی مقدمه لر یازمیش، شهریار نوزوده اونا درین

آدیندان شهریارا خطاباً بئله سویله ییر:

«نه قدر دادلیمیش سنین بودیلین،

ائشیدن کیمی بو، سسینی ائلین،

قوجا، جوان، اوشاق، اوغلان، قیز، گلین،

سنی دینله مگه قاچدیلا رچؤله،

آنام قربان اولسون بوشیرین دیله!»

آز بیر زماندا «حیدرآبادیا سلام» منظومه سنین ایران، ترکیه و

شورالار اتقاقیندا یاییلب عکس صدا دوغورماسی شاعرین الهامینین

داهادا جوشماسینا، منظومه نین آردینین یارانماسینا سبب اولدی.

منظومه نین ایکینجی حصه سی ده چوخ صمیمی و طبیعی در. اثر

بومصر اعلارلا باشلانیر :

«حیدرآباد، گلدیم سنی یوخلیام،

بیرده یاتام، قوجاغیندا یوخلیام،

عمری قووام، بلکه بوردا حاخلیام،

اوشاقلیغا دییم بیزه گلسمین بیر،

آیدین گونلر آغلار اوزه گولسون بیر.»

تخمیناً اوتوزبش ایل غربتده دولاشیب دوغما یوردوناقایدان

شهریار، طبیعت اعتباریله بو قدر زنگین اولان آنا یوردونون اهالیسینی

توز حلال امگی و آلین تری ایله بشجه ریب یاراتدیغی مادی نعمتلردن،

صحیه، معارف، عادی یاشایش شرایطی و حتی ابتدائی مدنیت

واسطه لریندن محروم گۆدو کده سارسیلیر، «گنا هسیز ملتین مظلومیتندن،

آلیشیب — یانماغا باشلا ییر. آرتیق، سانکی منظومه یوخ، حاکم

طبقه نین، ملکدارلارین، عمومیتله، زحمتکش کندلیلری بو گونه سالانلارین،

اونلاری عادی نفت چراغینا حسرت قویسانلارین علیه نه حدتلی بیر

اتهامنامه یاز . ساده امک آداملارینین یاراتدیغی مادی نعمتلی

مضمونلی، بیغجام بیر باشلا نغیج وثرمیشدر. اثرین آخرینده محمد حسین صحافین یازدیغی جواب دا چاپ ائدیلمیشدر.

شاعرین «حیدرآبادیا سلام» اثرینین بیرینجی وایکینجی حصه‌لری بیرلیکده ۱۰۶ بنددن (۵۳۰ مصرعدن) عبارتدر که، بونی یازدیغی نصرت الله فتحی (آتشباک) اثره یازدیغی قیمتلی مقدمه و نظیره سیله برابر، همچنین بیر نئچه شاعرین نظیره و منظوم جوابلاری ایله بیرلیکده «یادی از حیدرآباد» («حیدرآبادین خاطره سی») آدی ایله ۱۹۶۴ - نجی ایلین مارس آییندا تهراندا نشر ائتمیشدر.

مجموعه‌ده اونلار جا شاعرین شهریارا عکس - صدا شکلینده یازدیقلاری اثرلردن نمونه‌لر وثریلمیشدر. بو عکس - صدالارین «حیدرآبادیا سلام» منظومه‌سی ایله نئجه سلسله‌سی، نه کیمی مسئله‌لر قالدیرماسینا دقت یئتیر دیکده معلوم اولور کی، شهریارین بوضروری، تاریخی یارادیجیلیق سسینه سس وثرنلر ال وثریشلی شرایطدن درحال استفاده ائتمیشلر. جواب و نظیره یازانلار یکدیلیلکله خلقین انتظارینی، آنادیلینده یارانان شعره احتیاجینی، شاعرین نظرینه چاتدیریر، آنادیلینده اوخ-ویوب - یازماقدان محروم اولان بیر ملتین تشنه اوره گینین ترجمانسی کیمی چیخیش ائدیملر. همین جوابلارین اساس ماهیتی بودر کی، هامی شهریارین وطن موضوعیندا، آنا دیلینده یازیب - یاراتماسینی بگه‌نیب، بو ایشی حاضر کی، نسلین، خصوصاً روشنفکر طبقه‌سین قارشیندا دوران تأخیره سالینماز مقدس ملی وظیفه حساب ائدیر. مسئله‌نین بوجورقویولوشی بیرداها گؤستریر کی، آذربایجانین قاباقجیل آداملاری ئوز اوره گینی آچماغا، ئوز تاریخی وارلیغینی، منلیگینی بروزه وثرمگه، لیاقت و بارجاریغینی ثبوت ائتمکله امکان آختاریرلار.

شهریاردان الهام آلیب شاعره اینک جواب یازان شخص تبریزی محمد حسین صحاف جنتی مقام اولموشدر. صحاف قیسا و معنالی جوابیندا آنادیلینده یازیلی ادبیاتا اولان احتیاجی چوخ گؤزل و اورهک آغریسی ایله ترنم ائدیر. او آنادیلینین محدود لاشدیریلماسینی، بو دیلده چوخ آز مقداردا اثرلر نشر اولونماسینی ئوزون و ئوز سیماسیندا خلقین بثلینین سینماسی کیمی قیمتلندیریر.

«اثلر بیلیرسن بیر گؤزل گؤلومسن،

سونبولومسن، گؤلومسن، بولبولومسن،

ایتی قیلیج کیمی کسکین دیلمسن،

سنسن منیم آرخام، اثلیم، شهریار،

سن اولماسان، سینار بثلیم، شهریار.»

صحاف جنتی مقام ئوز اوره گینی غم‌لرله دولی یانار بیر داغا بنزه دیر. دائم منگنه ایچرسینده، تضییق آلتیندا یاشادیغینی بیلدیریر. «قار گئتمه‌سه یتردن چیچک چیخماماز» دیهرک وطن ملکونون گلستانیندان غبارین گئتمه‌سینی، وطن چیچک‌لرینین آچیلماسینی آرزولاییر...

مجموعه‌نی ترتیب وثرن یازدیغی نصرت‌الله فتحی ده ئوز ایستهک و آرزولارینی شهریارین شعرلرینده تاپدیغینی بیلدیریر. وطنین نجاتی ایچون ئوزون «سئلره ووران مرداووغلار» خطاب ائدرهک، اونلار- دان کؤمک ایسته‌یر:

«هامی گلدی، بیزه کؤمک گلمه‌دی،

هئج اوزوموز بو دؤره‌ده گولمه‌دی،

کیمسه بیزیم دردی میزی بیلمه‌دی.

گؤزوموزون یاشین بیر کس سیلمه‌دی...»

بو سطرلرین مؤلفی شهریاردان معنوی کؤمک دیله‌یر، شاعری



ئوز وطنینہ قایتماغا ، آنا یوردوندا یاشاماغا ، دوغما دیلینده یازیب -  
یاراتماغا چاغیریر:

«اٹشیمیشدیم سن گتیمیشدین وطنه،  
سلام اولسون ئوز یوردونا گهدنه،  
طایفاسینی، ائلینی یاد ائدنه...»

قوجامان معارف خادمی میرزا جبار باغچه بانین جوابینا گلدیگده  
دئمه لیک کسی، درین معنا داشیان بو شعر دنیا گؤرموش ، تجربه لی  
بیر آتانین ئوز اوغلو نا ائدیگی نصیحت شکلینده در. بوجو ابلا رتکجه  
قوجا باغچه بانین دیلیندن یوخ، سانکی بوتون جنوبی آذربایجان خلقین  
آدیندان شہریار سؤیله یئر:

«سلام ایلەر بوتون ائلمیز سنه،  
باغچامیز، باغیمیز، گولوموز سنه،  
اوزون مدت سوسان دیلمیز سنه،  
دە گؤرک دئمه لی داها نه یین وار؟  
افسوس که سن گنج دیل آچدین، شہریار!»

\*\*\*

«کیچیک اوشاق تازا سؤزه گلنده،  
آیری بیر دادلیق اولور دیلینده،  
لذتی وار آغلا باندا، گولنده،  
ایندی کی دیل آچدین، سوسما، آغلا، گول،  
یامان سؤیله، یاخشی سؤیله، داغلا، گول!»

«کلنل محمد تقی خان پسیان»، «شیخ محمد خیابانی» کیمی  
مشهور اثرلرین، ائله جه ده دیگر مونوگرافیلرین مولفی اولان گؤرکملی  
عالم و یازیچی علی آذری، هم فارسجا، همده آذربایجان دیلینده  
شاعره نظیره و جوابلار یازمیشدر:

«شہریاریم من شعرینه باخاندا،  
شادلیق یاشی گؤزلریمدن آخاندا...  
قارماغینی بولبول گوله تاخاندا،  
دئییر گوله : انیگینی باخاندا،  
گوزوم گولر، گول اوزووہ باخاندا.»

دیهن شاعر، گؤز یاشلاری ایله دولی، آلولی چاغیریشی  
بوتون مصرعلا ریندا شعله چکیر.

شاعر جیب ساهر ئوز نظیره سینده بؤیوک شاعر دن ینی اثر لر  
یاراتماسینی دؤنه - دؤنه رجا ائدیر. شہریار آنادیلینده یازیب -  
یاراتماغا چاغیریر، بومستله نی حاضر کی شرايطده اونون یارایجیلیغین  
اساس وظیفه سی آدلاندیریر.

گنج شاعر لردن عنایت الله امین پور دا شہریارین بوادی مکتبین  
یشتیشمه لریندن بیردر. «حیدر بابایا سلام» منظومه سی وزن و اسلوبینا  
صادق قالان گنج شاعر ئوز اورهک سؤزلرینی چوخ ساده و صمیمی  
بیر طرزده افاده ائدیر:

«آی «بیر گؤزن» شہریارین اشعاری،  
بیر - بیریندن گؤزهل اولموش آثاری،  
بیتلره ایشیق ساچان افکاری،  
سلام اولسون اونون هر بیر سؤزونہ،  
اودلی سلام، سوزلرینہ، ئوزونہ!»

عنایت الله امین پورون هر سطر ی شہریارین درین مضمونی،  
شعرلرینین آلوی ایله شعله لنمیش، یانار قلبینین ایستک و آرزولاریندان  
قوت آلمیشدر.

شہریارین شعر قدرتی، سؤز الهامینی صراف نظریله سیرا تندن  
یازیچی جوشغون اونسی اورکدن بگه نیر. «... سنین یازدیقلارین

گۆز لدر «گۆزل»، «سن شعرین معناسی، شعرین ئوزوسن»، «صنعتین انسانا جان باغیشلاپیر» - دیهن جوشغونون خطابی تعریف وترنمدن داها چوخ طلبدر. او، ائلین، اوبانین، خلقین، وطنین منافعینی ئون پلانا چکیر، وقتیلہ آناسنین شہریارا سؤیلہ دیگی فکری وطن آدیندان بیر داها خاطر لادیر. بو بئله بیر آنادر کی:

«سؤیلہدی: - گل، اوغول، اونوتما منی،

دولان ئوز یوردوندا داغی، چمنی،

ییل کی، آنا وطن اونوتمارسنی،

گل سال نفسینی آنا یوردونا،

الهام آل ائلیندن چات مرادینا!»

شہریارین وطنپور آناسنین شاعر اوغلونا سؤیلہ دیگی بو فکری

مولف شعر دیلی ایله بئله بیان ائدیر:

«دئبیر لر کی بیر گون مهربان آنان،

اوشاق ایکن سنہ سؤزلر آنلادان،

دئمیشدی شعرینی ائشیدن زمان،

لاللارین آنالار دیلین بیارکن،

اوغومون قانمیرام شعر لرینی من.»

جوشغونون فکر ینجه، شہریارا یانقلی و توتارلی مصراعلارلا

خطاب ائدن شاعرین تکجه شاعرین دوغما آناسی یوخ، بوتون

آنالارد:

«سنین آنان کیمی بیر چوخ آداملار،

گۆندہ ریرکن سنہ اودلی سلاملار،

وئریدیلر بیرده بئله پیاملار،

دیہر دیلر نچون بیزیم شہریار،

ئوز آنا دیلیندہ یازمامیش اشعار؟»

لکن ایستہ گیمیز بودر شہریار،

بیزہ ئوز دیلیندہ دیہ سن اشعار،

یاراداسان درین معنالی آثار،

ائلیندن آلسان شرین الہامین،

ائللرہ وئرہ سن اورہک پیغامین.»

سئویندیرجی حالدر کی، بو ضرورتی امیدان قاباق حس

ائدن ده شہریارین ئوزی اولموشدر. ایندی ده باشقا لاری اونا

قوشولموشلار.

جوشغون ئوز گۆزل، درین معنالی مصراعلاریندا وطنین افتخار

دوغوران کچمیشینہ، پارلاق تاریخینہ، شرفلی مبارزہ و حیات یوللارینا

نظر سالیر، بیر چوخ خادئہ وقهرمانلاری خاطر لادیر و شہریاردان رجا

ائدیر کی: «شاعریم! تانیتدیر آذربایجان.»

جوشغون آذربایجانین یشتیردیگی بیر چوخ عالمیر، سر کردہ لر

و تاریخی شخصلر حقندہ اثر لر یار اتماق فکرینی اورتایا آتیر. شہریارین

صنعتکار لیق قدرتینی بوتون درینلیگی ایله درک ائدہرک، اونون یار ائدیگی

اثر لرین جهانشمول اولاجاغینا اینانیر. وطن موضوعوندا یازیب -

یار اتماغی آرزو ائدیر.

جوشغون، نہایت آذربایجان دیلینین زنگینلیگینی، ہر جور

درین معنالاری، مرکب فکر لر ی افادہ ائتمکدہ مثلسیز امکاملارا مالک

قدرتلی بیر دیل اولدوغونی ترنم ائدہرک، بیرداہا آنا دیلینین وسعتندن

دانیشیر:

«بو دیلدہ مینلرجه بایاتیلار وار،

یوز مینلرجه وار در بو دیلدہ اشعار،

آنالاردان قالمیش سانلماز آثار،

ہر آغیر مضمونی بشجر در بو دیل،

هردرین معنای گؤچوردر بو دلیل.»

جوشغونون بوتأثیرلی، درین معنالی شعری توز دیلینی سئوه،  
توز منلیگینی درک ائدن کنیش خلق کتله لرینین باغریندان قوپموشدر.  
بوتون بو نظیره وجوابلار، اونلارین اساس مضمونونو تشکیل  
ائدن وطن موضوعی، آنادیلی مسئله لرینین بو قدر تأثیرله ایرهلی  
سورولمه سی تصادفی دگیل. جنوبی آذربایجاندا آنادیلینده مطبوعاتین  
آزلیغینی (صحیح تعبیر ایله اصلا اولمادیغینی - ف)، آنادیلینده تحصیل  
ویارادیجیلیق امکاناتلارینین محدودلیغینی (اساساً اولمادیغینی - ف) نظره  
آلساق، قطعیتله دییه بیله ریک کسی، بورادا آدلارینی چکیب نمونه لر  
گؤستر دیگیمیز شعرلر عمان کیمی جوشوب - داشان خلق عشقینین  
کیچیک بیردالغاسیدر.

سئویندریریجی حالدرکی، یالنیز جنوبی آذربایجاندا ویراندا  
دگیل، همچنین شمالی آذربایجاندا شهریارین سسینه سس وثره،  
اونونلاهمفکر، هم مسلک اولدوغینی بیلدیرن شاعرلرینینی بیردسته سی  
یارانمیشدر. اونلار توز آتشین مصراعلاریندا شهریارین تمثالیندا  
جنوبی آذربایجان خلقین ان گؤزله نماینده لرینی، خلقین معنوی  
قدرتینی، لیاقتینی، استعداد و ذکاسینی تقدیر و ترنم ائدیرلر. یالنیز  
شاعرلر دگیل، یازیچیلاردا شهریار شعرینه بؤیوک مارق گؤستریر،  
احاطه لی مقاله لر یازیرلار. خلق یازیچسی میرزا ابراهیموفون مقاله سی  
بونا پارلاق مثالدر.

«حیدر بابایا سلام» منظومه سی، شهریارین بوئولمز شاه اثری  
صنعتکارلیق، خلقی لیک، فکسر درینلیگی، خلق مدركلیگیندن  
دوغان آفوریزملرین گوجی، هابئله سلیسلیک، روانلیق جهتدن  
آنادیلیمیزین زنگینلیگینی، گؤزه للیگینی و اینجه لیگینی بیرداها ثبوت  
ائدن پارلاق نمونه در. بو، ائله بیر منظومه درکی، آذربایجان کلاسیک

شعرینین ان یساخشی عننه لرینی اوریزینال طرزده دوام ائتدیریر.  
نظامی شعرینده کی انسانپرورلیک و بشری محبت، نسیمی شعرینده کی  
مسلک عشقی، اعتقاد و دوشوندوردن متفکرلیک، خطائی شعرینده کی  
وقار، ساده لیک، خلق روحونا یاخینلیق، فضولی شعرینده کی درین  
صنعتکارلیق، مدر کلیک و تأثیر قدرتی، قوسی و صائب شعرینده کی  
بیغجاملیق و آفوریزم، واقف شعرینده کی حیات و انسان گؤزه للیگینین  
ترنمی، صابر و معجز شعرینده کی پوئتیک کسه ر، احتراض... - سانکی  
بونلارین هامیسی شهریار شعرینده تجسم ائتمیشدر. «حیدر بابایا سلام»  
منظومه سینده ابدیلشدیرن و بو قدر کوچلی عکس - صدا دوغوران  
محض بو کیفیتردر.

مرحوم علی آقا واحدین شهریارا اتحاف ائدیگی آشغیدا کی  
غزل آذربایجان خلقین شهریار صنعتنه اولان سونسوز محبتینین پارلاق  
افاده سیدر:

گنجشیدی خوش گونوم اگر اول گلغذار ایله،  
اغیاره منت ائتمز ایدیم آه و زار ایله،  
من اول صفا کی، عارض جاناندا گؤرمیشم.  
هر گز دگیشمهرم اوننی یو زمین باهار ایله.  
بیلمز وصال قدرینی هر عاشیقه م دیهن،  
تا یانمایینجا دردوغم و آه و زار ایله.  
معشوقه عاشقیله تانیمیشدر عالمه،  
قیمتله نیر قاش ایله اوزوک، زرعیار ایله.  
دیوانه یممی من ینه زنجره باغلانام،  
سالمیش کمنده عشق منی زلف یار ایله؟  
کوی نگاره لایقی یو خودور هر عاشقین،  
من تاپمیشام بو کعبه به یول اعتبار ایله.



عشق اهلینی طبیعت توی امتحان ائدیب،  
مجنونی درد هجر ایله، منصوری دار ایله،  
واحد! بو شعری تبریزه گؤندرمک ایستهرم،  
قسمت اولایدی بیر گؤروشک شهریار ایله.

افسوس کی، امانسیز تولوم علی آقا واحده شهریار لاگؤروشکم  
امکانی وثرمه دی...

« حیدرآبادیا سلام » منظومه سی شهریارین هله لیک آذربایجان  
دیلینده یازدیغی یگانه اثر در. شهریارین اساس شعر دیلی فارس دیلی در.  
اونا یالینز آذربایجان شعرینده دگیل، همچنین بوتون شرق شعرینده  
گنیش شهرت قازانديران دورد جلدن عبارت مکمل دیوانیدر. شاعرین  
چونخلی چاپ ائدیلمه میس اثر لری وارد کی، بیر صبر سیز لیگله اونلارین  
نشر اولونماسینی گؤزله بیریک .

بومجموعه ده ترجمه سینی اوخوجولارا تقدیم ائدیگیمیز  
« گنجینه نین افسانه سی»، « ایوای آنام»، « استالینگراد قهرمانلاری»،  
« قارداشیم اوغلی هوشنگ»، « شعر و حکمت» و دیگر شعر لری، همچنین  
شاعرین بیر نچه قصیده، غزل، رباعی و باشقا شعر لری اونون عظمتلی  
شعرینین یالینز بیر حصه سیدر کی، اونلاری آذربایجان دیلینه ح.  
بلوری، ع. مبارز، م. سیدزاده، ب. آذراوغلی، م. زهتابی، خ. رضا،  
ا. حسینی و ف. صادق چئویرمیشدیله. بوگونکی جنوبی آذربایجان  
و ایران شعرینین ان ینی و یوکسک مرحله لریندن بیرینی تشکیل ائدن  
شهریار شعری پارلاق نوو اتورلوق نمونه سیدر. بونولا برابر،

۱- بومقدمه ۱۹۶۶ - نجی ایلده یازلمیشدر. بو مدتده شهریار آذربایجان  
دیلینده بیر چوخ دگرلی شعر لری یازمیشدر. بو شعر لری بیر قسیمی حتی مطبوعه تدا  
دا درج ائدیلمیشدر. ف.

شهریار شرق شعرینین گوجلای عنعنه لری اوزه رینده یشتیشمیش، همچنین  
غربی اروپا و دنیا شعرینین مثبت تأثیرینی دویموش بیر صنعتکار در.  
بیز شهریارین اثر لرینده خاقانی، نظامی، سعدی، مولوی،  
مراغه لی اوحدی، جافظ، همچنین شکسپیر، ولتر، تولستوی و  
بوکیمی بدیعی سؤز اسنادلارینین آدلارینین تئز - تئز چکیلدیگینی  
گؤروروک. بو بؤیوک صنعت بهادرلارینین، خصوصیله حافظین  
گوجلای تأثیرینی ئوزه رینده حفظ ائدن شهریار هئچ بیر اثرینده  
آچیلیمیش جیغیر لا گئتمیر، همیشه ینی سؤز، ینی فکر دئمگه چالیشیر  
و بونا دا نائل اولور.  
شهریار شعری گوجلای، مترقی ادبی عنعنه لرله صداقتین و  
نووا تورلوقون وحدتیندن یارانمیش بیر شعر در.

اثرده خلق حیاتنین صحنه‌لری بئله‌جه بیر - بیرلرینی عوض ائدیر:

قاری ننه گئجه ناغیل دیننده،

کولک قالخیب قاپ - باجانی دؤینده،

قورد گئچینین شنگولوسون یئینده،

من قایدیب بیرده اوشاق اولتیدیم،

بیر گول آچیب اوندان صوراسولتیدیم.

« حیدر بابایا سلام » دا صون درجه صمیمی، صون درجه طبیعی

انسانسی دویغولار چوخ گوجللی، اعجاز کسار درجهده تأثیرلی ملی

بویالارلا افاده اولونموشدر. بورادا هر سؤز، هر افاده جنوبی

آذربایجان، اونون زحمت سئون، ناموسلی، آچیق فکرلی ایشچی و

کندلیلرینی، خیرخواه وطنپرور آدمالارینی، اونلارین یوخسول، لکن

ساده و ریاسیز حیاتینی یاداسالیر:

سحر تئزدن ناخیر چیلار گله‌ردی،

قویون - قوزی دام - باجادا مله‌ردی،

عمه جانیم گۆرپه‌لرین بله‌ردی،

تندیرلرین قووزاناردی توستوسی،

چۆر کلرین گۆزه‌ل اییی، ایستیسی.

اثرده لیریک دویغولار، اوزون ایللر دوغما یئرلردن اوزاقلاردا

یاشامیش آدمین حسرتی، ائل اوبا محبتی، زحمت آدمالارینین ساده

یاشایشی، وطنین طبیعی گۆزه‌لیکلری، چایلارین، بولاقلارین، دومانلی

داغلارین و مئشه‌لرین جاذبه‌سی، خلقین شیرین آرزو و خیال‌لارینین

گۆزه‌لیگی ترنم ائدیلمیشدر. بوتون بونلارین ایچینده بؤیوک بیر

اوره‌گین حرارتی دویولور، چوخ اوجا بیر آمالین ایشینی گۆرونور،

شاعرین یاخشیلایغا، بیرلیگه چاغیران ربانین سسی قولاغیمیزا گلیب

چاتیر.

## حیدر بابا شاعری

( مقاله دن بیر قسمت )

شهریارین اثرلری ایچرسینده « حیدر بابایا سلام » منظومه سی  
خصوصی یثرتوتور، بو اثر شاعرین وطنپرور لیک دویغولارینین و انسان  
سئورلیگینین پارلاق بدیعی افاده سیدر. حیدر بابا جنوبی آذربایجاندا  
داغ آدیدر؛ شاعر اوشاقلیق ایللرینی بوداغین اتکلرینده کی کند لرده  
کئچیرمیشدر. چوخ قدیم زمانلاردان بدیعی ادبیاتدا معین طبیعت  
جسملریندن / داغ، آغاج، چای، دریا و سایر دن / بیر رمز کیمی  
استفاده اولونموشدر. شهریارین اثرینده « حیدر بابا » داغی چوخ معنالی  
و تأثیرلی شکلده خلقین، وطنین رمزی کیمی ترنم ائدیلمیش. منظومه  
صون درجه تأثیرلی و قوتلی بدیعی تابلودر. اورادا دولغون اوبرازلار،  
تشبیه‌لر، معنالی و شیرین خلق افاده لری، خلق حیاتنین رنگارنگ  
منظره لری بیر - بیرینی عوض ائدیر. اثری ورقله دیگجه سانکی  
قارشیدا ائله بیر گلستان آچیلیر کی، بو گلستانین تماشا سیندان دویماق  
ممکن دگیل، هر گوشه سینده بیر گول آچیب او بیر گولی چاغیریر.

آرازین بوتاییندان قارداشلین سلامی کؤندرمله آرزو ائدیریک کی ،  
او ، اوزون ایللریاشاسین و خلقی داها قیمتی اثرلرله سئویندیرسین ؛  
آذرشرایسه باشلادیغی یاخشی ایشی دوام ائتدیررکه ، یاخین زمانلاردا  
شهریارین سئچلمیش اثرلرینی اوخوجولارا چاتدیرسین...

حیدر بابا، گؤیبلر بوتون دوماندی،  
گونلریمیز بیر - بیریندن یاماندى،  
بیر - بیریزدن آیریلمايین، آماندى،  
یاخشیلغی الیمیزدن آلیبار،  
یاخشی بیزی یامان گونه سالیبار.

« حیدر بابایا سلام » منظومه‌سی آذربایجان ادبیاتنین زنگین  
حزینه‌سینده قیمتی اینجیلردندر. بو گؤزهل اثر حقیقی الهاملایازیلیمیشدر.  
بو خلق روحونون افاده‌سیدر.

استعدادین بؤیوکلو گونی ، الهامین قدرتینی گؤسترن بسو  
علامتده اودور کی، صنعتکار خلقین حیاتی ومعنوی - روحی عالمینی  
ئوز شخصی حیاتی و دویغولاری کیمی عکس ائده بیلسین؛ زمانه  
آدامین مبارزه‌سینده و فکر لرینده زمانه‌نین سجه‌وی خصوصیتلرینی  
تاپیب، بدیعی بویالارلا جانلاندیرسین. بئله صنعت اثرلرینده حیات و  
زمانه ظاهری جهندن عکس اولونمور ، تقریبی بنزه‌بیشلر شکلینده  
اوخوجویا تقدیم ائدیلمیر. اونلاردا ریتوریک ندالارادا یئر یوخدور.  
بیز اونلاردا کونکرت بیرئولکه‌ده معین بیر خلقین حیاتنین منظره‌لرینی،  
تاریخی شرایطین انسان اوره‌گینده اویاتدیغی کونکرت حسلری و  
فکرلری تاپیریق. بوجور اثرلرین هر مصرامیندا ، هر آهنگینده ، هر  
سؤزونده بیر معنا، بیر فکر اولور. البته کی، بئله اثرلری بشریتدن گیزلی  
ساخلاماق ممکن دگیل ، اونلار اصل الماس پارچاسی کیمیدر...  
تورپاغین آلتیندادا چورومورلر ، پاسلانمیرلار. زمان اونلارین  
یولونون اوستونده بیر دیوارا و مانعه چئوریلیمیر، عکسینه اونلاردا  
گؤربی اولور ، یول آچیر. دوغولدوقلاری یئردن اوزاقلاردا  
یایلماسینا ، ئوزونه ینی - ینی دوستلار تاپماسینا کؤمک ائدیر.

معاصر جنوبی آذربایجان ادبیاتنین بؤیوک شاعری شهریار



داغلار حسرت چکهر بیاض قار ایچون ،  
باغلار بویون بورار شیرین نار ایچون ،  
منیمسه بورنومون اوجی گۆینه ییر  
تبریزی قارداشیم شهریار ایچون .

\*\*\*

تبریزین یوللاری داراق - دارا قدر .  
تبریزین اطرافی باغچادر ، باغدر .  
ئویونور تبریزکی ، اوغلی شهریار  
اونون شهرتینی اوجالدا جا قدر .

\*\*\*

تبریزین یوللاری دولان - دولاندر .  
صداقت دنیادا آنجاق قالاندر .  
وصال حسرتله چیر پینیر کونول ،  
باشقا سۆز افسانه ، قوری یالاندر .

\*\*\*

ازل مایا سیدر سودا خلقتین .  
عشقدر چراغی ابدیتین .  
ایتیرمه امیدین ای انسان اوغلی !  
وصالدر آخری هجرین ، فرقتین

\*\*\*

حقیقت آرا ، گز افسانه لرده ،  
زنجیر زینت اولور دیوانه لرده ،  
آلیشیب یانماغی مندن ئویره نیب .  
شمعه یانان بوتون پروانه لرده .

\*\*\*

محمد راحیم  
خلق شاعری

## شهریارا آچیق مکتوب

ینه جوشدی طبعیم ، منه ساز وئیرین ،  
قیشلا یونخدور ایشیم ، منه یاز وئیرین ،  
آیاغی آلتینا شهریاریمین ،  
سالماق ایچون قالی ، پای انداز وئیرین .

\*\*\*

وقارلی داغ کیمی باشی قاردايام ،  
طرلانام ، اوچموشام ، سانما داردایام ،  
من سنه حسرتیم خیلی زماندر ،  
گۆزلریم یول چکیر انتظار دایام .

\*\*\*

ایشیق افقره سرحدن گلیر ،  
فُرح شاد مژده دن ، خبردن گلیر ،  
وطن سعادتیم مردانه لیکدن ،  
سعادتدن گلیر ، هنردن گلیر .

\*\*\*

عدالت چراغی سؤنمه سین گرک ،  
حق بایراغی یشره یشمه سین گرک .  
سبزی ظلم ائتمه گه عادت ائدنلر ،  
اورهك سو یوق داشا دؤنمه سین گرک!

\*\*\*

عمرغملی گئچه ر دل شاد اولماسا ،  
شیرین قان آغلایار فرهاد اولماسا ،  
سیندیرسین قلمی صنعتکار گرک .  
فکرینی یازماغا آزاد اولماسا .

\*\*\*

دویموشام نشته نین ، شعرین دادینی ،  
دنیا غملیسینی ، دنیا شادینی ،  
ئولمز اوشاعر کی خلقه حصر ائدر ،  
تمیز الهامینی ، استعدادینی .

\*\*\*

تبریزده آز قوناق قالمیشام من ،  
آز دا اوندان الهام آلمیشام من ،  
حیف شهریار لاجیخیب سیرانا  
آیلی گئجه لره دالمیشام من .

\*\*\*

دنیا دا مرادا چاتماق گؤزلدر ،  
گول ایچره چمنده یاتماق گؤزلدر ،  
گؤزلدر دوست-دوستا ، یار-یارا یتسه ،  
فراغین داشینی آتماق گؤزلدر .

\*\*\*

تبریز باغلاریندا نوع-نوع ازوم وار ،  
تبریز اوزومونده منیم گؤزوم وار ،  
باکینین باغلاری حسرتدر سنه ،  
دئیر کی اوغلو ما چوخلی سؤزوم وار .

\*\*\*

قارداشیم ! خزرین ساحلینه گل .  
عاشیغام او طوطی ، بال دیلینه گل .  
دئمیرم اوزاغا ، غریب ئولکجه ،  
ئوز دوغما یوردونا ، ئوز ائلینه گل !

\*\*\*

عدالت دنیا دا گرک وار اولسون .  
حکمی هر طرفده برقرار اولسون .  
ایسته رم شرفلی بیر مجلس قورام ،  
سفره مین باشیندا شهریار اولسون .

\*\*\*

ای فلک ، بو هجران ، بو فرقت ندر ؟  
چکدیردیگین ظولوم ، بو محنت ندر ؟  
نه ایچون گؤروشه قلم چکمیسهن ؟  
دویماییرسان وصال ، محبت ندر ؟

\*\*\*

جهاندا نه کدر ، نه ده غم اولسون .  
شادلیق مجلسینده دوستلار جمع اولسون .  
دولتی نئیله بیر اصیل صنعتکار .  
تکی بیر آغ کاغاذ ، بیر قلم اولسون .

\*\*\*

من ینه آرازین قیراغیندایام ،  
عزیز قارداشیمین سوراغیندایام ،  
بویاندا ، اویاندا اولسام نه فرقی ،  
من کی ، ئوز آنامین قوجاغیندایام .

\*\*\*

بؤیوک سعادتدر مرادا یتتمک ،  
باشیل چمنلرده گول کیمی ، یتتمک ،  
ان بؤیوک شرفدر ، شاندر دنیادا ،  
وطن توپر اغینی ترنم ایتتمک .

\*\*\*

بالدان شیرین گمچیر روزگاریم منیم .  
خزان نه بیلمه بیر باهاریم منیم .  
اگر گؤروشمهسم شهربار ایله  
اود توتوب آلیشیر مزاریم منیم .

\*\*\*

ایندی پیک عصریدر، کمان نه لازم ،  
گونش عاشیغیام ، دومان نه لازم ،  
انسانین نصیبی وصال اولماسا ،  
فرقت نیه گرک ، هجران نه لازم !

\*\*\*

گؤزدلدر یوردومون باغچاسی ، باری .  
جواهردور اونون داشی ، تورپاغی .  
وطن وقارینین بیر مثالیدر ،  
شاه داغی ، محتشم ساوالان داغی .

\*\*\*

ینه هاوالانیب طرلان خیالیم ،  
وطن تورپاغیندان قوی الهام آلیم .  
باخسین یا شهربار قیز قالاسیندان ،  
یا ارکدن تبریزه من نظر سالیم .

\*\*\*

ترك اثتسین انسانی کدر بوس-بوتون ،  
بشر نصیبدر وصال طوی - دوگون .  
حرمتیم وار سنه «حیدر بابا» نی  
ئوز آنا دلیینده یازدیغین ایچون .

\*\*\*

آلمایر آلماسین دنی لڑ سایا ،  
یوردومون شهرتی چاتا جاق آیا .  
یئنیر سلامیمی قارداش منیم ده  
ساوالان داغینا ، حیدر بابایا .

\*\*\*

گز، دولان ائللری دیار-دیار، گل .  
سنه بوتورپاغین حرمتی وار، گل .  
گؤزله بیر یولونی شیروان ، قاراباغ ،  
گؤی گؤله گئتمه یه ، آشهربار، گل .

\*\*\*

دؤیوشده برکیدک بدنیمیزی ،  
سئوک چولوموزی ، چمنیمیزی ،  
سن قوجا تبریزدن ، منده باکیدان .  
ئوتک یوردوموزی ، وطنیمیزی .

\*\*\*



قېش كۆچۈب گەندە اېلك باھار گلەر .  
پايىز ياغېشىن دالى قار گلەر .  
دارىخما ، اى كونول ، وقت اولور البت .  
دوغما باكى سېنا شەرىيار گلەر .

\*\*\*

امىدلە هر زمان ياشادىن ئوزون .  
يوللاردا حسرتلە قالماسىن گوزون .  
گۆندر بو شعرىنى قوجا تېرىزە ،  
شەرىيار بىلىركى ، حكىمى وار سوزون .



Handwritten text in Persian script, appearing to be a letter or a page from a notebook. The text is written on lined paper and is mostly illegible due to fading and the angle of the page. Some faint words and phrases are visible, such as "بسم الله الرحمن الرحيم" (In the name of Allah, the Most Gracious, the Most Merciful) at the top, and "بیت" (Verse) and "بیت" (Verse) in the middle. The text is arranged in several paragraphs, with some lines indented. There are also some small drawings or markings on the page, including a circular stamp or seal in the upper right quadrant.

استاد محمد حسین شهریار

## محمد راحیم حضر تفرینه جواب

آغ گؤبرچین آغ قانادین آچارسان ،  
دام - دیواردان بیر قوزانیب اوچارسان ،  
اولدوز لانیب باکی دیبهن قاچارسان ،  
ئوپوشلری راحیم بگنه سپرسن ،  
قارداشیمین بال دوداغین ئوپرسن .

\*\*\*

دئینه قارداش مکتوب گلدی یئتیشدی ،  
سئوینجیمیر قالمخب غمله آتیشدی .  
آتیشدیقجا یارالاریم بیتیشدی .  
قارابختینینه اوزی آغ اولسون  
یاردا بیزدن یاد ائله ییب ساغ اولسون .

\*\*\*

هئج کیمسه یه بئله سووغات گلمه ییب ،  
هئج بیر اوزه بئله بیر گول گولمه ییب ،  
گؤز یاشیمی آنام بئله سیلمه ییب ،  
بئله میوه گؤرمز بیزیم قانالار ،  
قوجالماسین سیزی دوغان آنالار .

\*\*\*

با كيدان چوخ سووغات گليب تبريزه ،  
سابق زمان بيز چوخ كله ردك سيزه ،  
سيزده نولايدي بير گلثيديز بيزه ،  
آيريليقين داشين بيردن آتايديق ،  
جانى جانا ، مالى مالا قاتايديق ،

\*\*\*

اوجاداغلار بير - بيرلرين كوره رلر ،  
كوره رلرين باخيشلا گونده رلر ،  
صبا ايله پيام آليب وئره رلر ،  
شاعر اولور بير - بيرينى كورمه سين ؟!  
ساز ، سوز ايله پيمان آليب وئرمه سين ؟!

\*\*\*

قربان اولوم من اوشيرين ديللره ،  
اوزاق دوشدوك ، حسرت قالدق انلله ،  
سحر - آخشام يالواريرام يئللره ،  
قارداشيمان مندن سلام يئتير سين .  
اوندان دا بير خبير - اتر كئير سين .

\*\*\*

اوتايدادر شكى ، شيروان ، قره باغ ،  
بوتايدادا مشكين ، اهر ، قره داغ ،  
بير - بيرلرين آرازدان آلميش سراغ ،  
آراز بيزى آيريلمادان داغلايب ،  
صون ئوزوده گئجه - گوندوز آغلايب .

\*\*\*

بوتقسيمات بوندان آرتيق اولانماز ،  
آتم عصرى اختلافلار قالانماز ،  
بيرقانون اولماسا دنيا دولانماز ،  
ايندى دنيا يوز ده دئسه ن ساغ - سولدى ،  
موشك ابچون ايكى ساعتليك يولدى .

\*\*\*

انسانلار يق انسانليقى خوشلايين ،  
بير ملتليك بير لشمه يه باشلايين ،  
بوخان خانليق حكومتين بوشلايين ،  
بوگون بشر گرگ اولسون بير ملت ،  
بير ملت اولارمى يوز حكومت ؟!

\*\*\*

بيزلر كى ، لاپ بيرديل ، بيرقان قارداشيق ،  
قارداش قالسین ، انسانلار يق ، يولداشيق ،  
آياقلارا پيس ساريشيب سارماشيق  
پاسپورت ايله دئير گئنه ن سوزوم بوخ ،  
پاسپورت دئير : آديم واردر ، ئوزوم بوخ ،

\*\*\*

هاردان گلیم رسمليکده دعوت بوخ ،  
اولسادا من قوجالميشام قوت بوخ ،  
اوشاخليپام آيريلماغا طاقت بوخ ،  
اينديليکده اوللوق اورك قوناغى ،  
اورك اولسون قوناغين ياتاغى .

\*\*\*

كوشكى بالابانلار آراز باخار ،  
 آراز سويى ھنوز گۆزلردن آخار ،  
 ائل نىسگىلى پىس ياندىرار ، پىس باخار ،  
 غم وار ايكن قارداش دئيب قايناردىق ،  
 « يولداش منى قورد آپاردى اويناردىق » .

\*\*\*

آراز دئير اولدوز كىمى آخارام ،  
 گۆز آلتىلا ساغا - سولا باخارام ،  
 قهر لىپ ايلدىرىم تك چاخارام ،  
 كسمه لىپم ايكى قارداش آراسىن ،  
 آغلادىر ام باغلامدان ياراسىن .

\*\*\*

نچون بىزدن رسمى دعوت ائتمىسىز ،  
 قونشولوقدا آرتىق گلىب گئتمىسىز ،  
 يادىمىز تك دادىمىزا يئتمىسىز ،  
 سىزىن اليز بىزدن آرتىق آچىقدىر ،  
 منىم آغزىم آچىلمادان اوچوقدر .

\*\*\*

ايندى بىزىم دولتلردە بانلاشىر ،  
 گئت بە گئت دە چتىنلر آسانلاشىر ،  
 صلحون يئلى اسمگە ساھمانلاشىر ،  
 بىزدە خوروز وظيفەسى بانلاباق  
 صون گۆروشمك سھىنى ساھمانلىباق

\*\*\*

باخ خزرە ھنوز غمى درىن گۆر ،  
 قىش چىخمايىب روز گارى سرىن گۆر ،  
 ايلك باھارىن آنجاق سۆزون شىرىن گۆر ،  
 اميد پلوو پىشسە گۆزل بىرشىندر ،  
 اميدكى ، وار دئمك ، بشمكدن يئىدر .

\*\*\*

بىروقت اولور بوسۆزلردە سوووشى ،  
 بشرھامى قارداش كىمى قوووشى ،  
 اوندا بىزدە قالخىزارىق چوووشى ،  
 زيارتە گللىك سىزىن ائللرە ،  
 ايندىلىكدە قوى يالواراق يئللرە .

\*\*\*

حىدر بابا اوز باكىيا چۇندەرىر ،  
 ھى گول درىر ، باغلىر سىزە گۇندەرىر ،  
 سۆزلرىنى ھى اندەرىر ، دۇندەرىر ،  
 سنلە ، سلیمان رستمى يادائدىر ،  
 بوشىوہ ایلە شەرىيارى شاد ائدىر .

\*\*\*

ساوالانا سلامىنى يئتىردىم ،  
 اوندان سنە الھام آلىب گئىردىم ،  
 بىرنشچەسىن يولدا سالىب ايتىردىم .  
 آخىرھمت ، قان قىمتى ، صداقت ،  
 قالسىن ھلە ، بوخدور دېلىمدە طاقت .

\*\*\*

بثلہ کی سن آلقیشلا بیر سان منی ،  
گئندلرہ نیسکیل ائدیم قوی سنی ،  
دورای گولون خزان اولان خرمنی ،  
گؤر بیزیم ده دردی میزی قانان وار ،  
بیزلرہ ده بیر اور کدن یانان وار .

\*\*\*

یاخینلاریم قویدی منی قیرا خدا ،  
یانانلاریم قالدی مندن اوزا قدا ،  
اٹل یایلاقدا ، ئوزوم قالدیم قیشلاقدا ،  
ایتیردی لر خدمتیمین امهین ،  
قدرین بیلین اٹل - اوبانین ، کؤمه یین .

\*\*\*

«تمدونون» گؤزی گؤروم کور اولسون ،  
آغزیندا کی شیرین شربت شور اولسون ،  
بال دایثسه زهر اولسون ، چور اولسون ،  
آغزیمیزین دادین قاپیب آپاردی ،  
اورکلری چکیب کؤ کدن قوپاردی .

\*\*\*

گاه عربی ، گاه هجمی کیشله سین ،  
هی بو اونی ، هی اوبونی دیشله سین ،  
اربابلارین کارخاناسی ایشله سین ،  
ایندی داخی ملتلر ده آییلیب ،  
آغیزلارین دیشلری ده سایلیب .

\*\*\*

افقره رؤیا رنگین یاخیرام ،  
تمثالیوی داغلار اوسته تاخیرام .  
عینالیدان ، ارک اوستوندن یاخیرام ،  
سن ده هنر آتین مینیب چاپارسان ،  
دومانلی داغلاردا منی تا پارسان .

\*\*\*

هاردا چاندین گوی چشمه نین باشینا ،  
بولاق اوتی وسمه چکمیش قاشینا ،  
اگلن یشره بیردیرسکلن داشینا ،  
دومان گئچسین گؤز یاشینی صوندا گؤر ،  
قارداشینین صفاسینی اوندا گؤر .

\*\*\*

چوخ باکیدان فانار گلیر اوخوردوق ،  
صون اودوما یانار گلیر اوخوردوق ،  
گؤر باشیما نه لر گلیر اوخوردوق .  
ایندی دویدوم اوندا گلیرمیش فانار ،  
صون گلہ جگمیش اودوما بیر یانار .

\*\*\*

عشق اهلپسەن یاخشی منی قانارسان ،  
چوخ کیپلمه اود توتوب اودلارسان ،  
گؤزلر یاغیش یاغدیرماسا یانارسان ،  
منیم قاینار چشمه کیمی گؤزوم وار ،  
اودور منده هر جور اودا دؤزوم وار .

\*\*\*



بیز ملتلر چوخ قانقاللار بیچمیشیک،  
آجی - آجی ایچگیلری ایچمیشیک،  
اما داخی بور کورلی کئچمیشیک،  
ایندی نسبت افق آچیق ایشیقدر،  
منیمسه ده قبله سمتیم آچیقدر.

\*\*\*

گئت به گئنده آرتیق دنیا آیلیر،  
گیزلین قالمیر سر - صدالار یاییلیر،  
سایلمایان کیمسه لرده ساییلیر،  
منی، سنی آز - چوخ تحویل آلان وار،  
سنین کیمی منی یادا سالان وار.

\*\*\*

«تمدونون» قانونلاری قوخویوب،  
داخی هامی اونون الین اوخویوب،  
سرحدلری تور اتان تک توخویوب،  
سالیب خلقی کور قوش کیمی قفسه،  
سینه لرده یئر قالماییب نفسه.

محمد راحیم

## قارداشیم شهریارا ایکینجی مکتوب

ایشیدیب سسینی عزیز شهریار  
نه قدر ستویندی بو دوغما دیار.  
بیرده قبول ائیله اولار یوردوندان  
سنه چوخلی - چوخلی سلامیمیز وار.

\*\*\*

نه اولار، اوزونی گۆره بیلثیدیم،  
چیچکلردن چلنگک هۆره بیلثیدیم.  
خزر ساحلینین محبتنی،  
سنه بوسه لرله وئره بیلثیدیم.

\*\*\*

خوش نغمه لر ایچون جوره سازیندان،  
بولبول شورا گلکسین خوش آوازیندان،  
ایستهرم دره سن سعادت گولی،  
حیات باغچاسیندان، امل یازیندان.

\*\*\*

بھاردا گول درکی، عطرلی اولسون،  
رنگی الوان، ئوزی چترلی اولسون،  
یاشادار شاعری خلق محبتی،  
او گرك هر زمان خاطرلی اولسون.

\*\*\*

جان قربان وطنه، جان قربان ائله،  
اونون شوقله من گلیرم دیله.  
وطن گلزارینا چیخان، آبولبول  
منیمده عشقیمی ئوت قیزیل گوله.

\*\*\*

دئمه بیرم منه سیز باغ کؤندهرین،  
بیرجه یاشیل بوداق، یارپاق کؤندهرین،  
تبریزدن بویانا گلن تاپلسا،  
منه بیرجه اوج تورپاق کؤندهرین.

\*\*\*

قربانلار کسهرم، باکییا گلسن،  
نانه تک اسهرم، باکییا گلسن،  
چارچکیب عالمه خبر وئرهرم،  
بونا تله سهرم باکییا گلسن.

\*\*\*

دیلینه خور باخان بیر دربه دردر،  
نیتی معناسیز، فکری هدردر،  
آذری دیلینده یازدیغین ایچون،  
سنه محبتیم دریا قدردر.

\*\*\*

دئمه کی شاعرین مطلبی یوخدور،  
بو سؤزی آچماغین سببی یوخدور.  
تبریزین، نه ایچون، آگاه ائلهین،  
ئوز آنا دیلینده مکتبی یوخدور.

\*\*\*

یاغی بیلمه ییرمی ئوز دیاریم وار.  
ئوز دیلیم، ئوز حکموم، اختیاریم وار.  
دیللرین ازبری دنیا وقاری  
نظامیم، فضولیم، شهرباریم وار!

\*\*\*

سازدا درین فکر، معنا یاراداق.  
کونولده صاف امل، سودا یاراداق.  
سیزای یئر اوزونون صاف انسلانلاری،  
قان - قارادان اوزاق دنیا یاراداق.

\*\*\*

شهربار، چالینه سؤزون تارینی،  
ائلر اوزون زمان دادسین بارینی.  
بختیار دئییرلر او شاعره کی،  
بازیر وطنین آرزولارینی.

\*\*\*

صنعتی آنلایان بیلیر من کیمم،  
صدفلی سازدا کی اینجه بیر سیمم.  
خزر ساحلینده گلدیم دنیا یا،  
شهربار قارداشی ممد راحیمم.

\*\*\*

معنوی بال، شکر، نبات ایستەرم،  
محبت آدینا سوغات ایستەرم.  
من انسانلار ایچون محنتدن اوزاق،  
نووراغی پوزولماز حیات ایستەرم.

\*\*\*

شەرىيار، بیردە قوی سنە جان دئییم،  
اثل ایچون یانمیسان، ینە یان دئییم.  
احتشاملا دایان، خلقه آرخا اول،  
من سنە ایکنجی ساوالان دئییم.

## دۇگونمە و سئوینمە

بیر قرن دە قارداش دان اوزاخلاشماق اولورموش؟  
قارداش دیبە بیر عمر سراغلاشماق اولورموش؟  
بیردە بو قادا شلا قوجا قلاشماق اولورموش؟  
بونلار بئله کی، عرض ائله دیم، گلدی و اولدی،  
من هر نه محال فرض ائله دیم، گلدی و اولدی.

\*\*\*

بیز آیریلالی قرن ایدی قارداشلاریمیزدان.  
لشکر کیمی آیری دوشه لی باشلاریمیزدان،  
اوزموش الی قافقازلی قارینداشلاریمیزدان،  
گۆرمن نه حال اوللام بئله دستاننی گۆرنده،  
بیردە «علی یف» کیمی اصلانی گۆرنده

\*\*\*

قارداش، گۆزوم آختارمادا قوی بیر سنی تاپسین،  
عشقیم، طلبسم داغلاری فرهاد کیمی چاپسین،  
دشمن وار ایسه امجگینی تندیره تاپسین،  
حسرت قالانی بیز سیزه برقرن یاریم در،  
آغلار گۆزومون شامدی شعریم، سه تاریم در.

\*\*\*

اورش «قاش آلان حلمه» گۆزى قاشدان آيىرمىش،  
جلادتيه سيله، بدنى باشدان آيىرمىش،  
جاندان جگري، قارداشى قارداشدان آيىرمىش،  
بىر ملته دنيا بويى بىر فاجعه دوغموش،  
بىز ائللرين اول قهرمان احساسىنى بوغموش.

\*\*\*

ياتسين ياوا گۆزلر، هله ليك بختى اوپاتديم،  
ائىل - آرخاما چانديقدا غمى غصه نى آتديم،  
قارداش سنى تاپديقدا درين آرزىما چانديم،  
سانكى، باكىنى، گنجهنى وئردىن منه قارداش  
تاپديم ائلىمى، آرخامى قربان سنى قارداش.

\*\*\*

سن تحويل آلىرسان، منى قارداش داسانيرسان،  
مىنلر ياد ايچىنده منى گۆرچكده تانيرسان،  
قلىبىمده، دىلىمده نه سۆزوم وارسا قانيرسان،  
رستم، باكىدان سويله منه جان سنى قربان  
تبريز سنى لايىق نهدى، تهران سنى قربان

\*\*\*

قارداش ينى سنسن كى دالىمدا دايانىيسان،  
قارداش ياتايلىمىزسه، اويوبكن اويانىيسان،  
من هر اودا يانمىشسام، اونا سنده يانىيسان،  
ياد قارداش اولانماز بىزه، قارداش دا ياد اولماز  
قلىبىم سن ايلن شاد اولى، سن سىزده شاد اولماز.

\*\*\*

سىز لىرجه بۆيوك انقلابىز خلقى آيتىدى،  
چاپقىن مال اولان، مال - داوار اولسون دا قايىتىدى،  
اما بىزىم انسانلار بىزىم گىتىدى كى گىتىدى،  
قافقاز قايىدىب دۆنمه دى ئوز كىچ مدارىندان.  
قسمت هله يوخ شەرىيارا «بختيار» بىندان.

\*\*\*

رستم، سنى قربان! بوسلامى گۆتور رسن،  
او قهرمان ائللرده گزه ركن يىتىر رسن،  
اوردان دا گلنده بىزه شادلىق گتىر رسن،  
دئىلەن «دومورول» بورچونى دشمان بىخايىلمىز.  
قارداش نه قدر يادلاشا، ياددان چىخايىلمىز.

\*\*\*

سارقىندى اوسوسنلره، سونبوللره گۆنلوم،  
بولبول كىمى قاندر، او قىزىل گوللره گونلوم،  
«واحد» لره «قايىل» لره «بولبول» لره گونلوم.  
شاعر اولالى بورجلودى «صابر» لره روحوم.  
«وورغون» دى، «سلىمان» كىمى ساحرلره روحوم.

\*\*\*

«راحىم» لى «سلىمان» لى گۆروروم «بختيار» اولسون،  
«گلگون» باجىم، «آذر» قادىنى برقرار اولسون،  
«عثمان»، «نى»، «كورچايلى»، «رسول»، «توده» وار اولسون  
فرصتده «سهند» ايله سىزه گول سپرىك بىز  
هر گۆز سىزى گۆرموشسه، او گۆزدن اوپەرىك بىز.

\*\*\*

عشقنله گۆنول گۆز یولاتیکمیش یاری گۆز لر،  
گۆنلوم یار ایتمز سه آرار، آختاری گۆز لر،  
دیل صبر ائله ییب دینمه سه ده یالواری گۆز لر،  
عاشق گۆزودر، چشمه زمزمه ده دیهر لر.  
هجران اودودر، نار جهنم ده دیهر لر.

\*\*\*

بیر گون اولی کی، فاتحه بیز ساغ - سولا وئریک،  
دنیا هامی بیر ملت اولوب، قول - قولا وئریک،  
دشمن ده محبت تاپا، بیز لر یولا وئریک،  
قارداش اوزونه حسرت اولوب چکمم او گون آه.  
خلقی اودا یان دیر ماغا بیر تک قالی آلا،

بیرین  
شهربار



Handwritten text on a lined page, likely bleed-through from the reverse side of the paper. The text is faint and mostly illegible due to fading and the texture of the paper. Some words are visible, such as "در این کتاب" and "تاریخ".



ب. ق. سهند

## شهر يارا مکتوب

بیر الیمده قلم، بیر الدهه کاغذ.  
خیالیم بویلا نیر دامدان، دیواردان.  
باشیمدا یار باغین گزمک هاواسی،  
قاییلار باغلیدیر، یول تاپیم هاردان؟

\*\*\*

حصارین دالیندا کونول وئردیگیم  
اویار، بیر باغ سالیب سویو بولولدن.  
هیواسی کهربا، ناری یاقوتدان.  
طاغی فیروزه دن، دیواری گولدن.

\*\*\*

ماوی ایوانیندا ساز چالیر زهره،  
بورجوندا یای چکیب، دایانیب کیوان.  
لایقی وار گیرم قصرینه منده،  
قیللی پاپاغیملان، سینیق سازیملان؟

\*\*\*

او، بواحتشاملان، بو طمطر اقلان،  
قاپی سین اوزومه آچماسا نه وار.  
شاهلا رعیتین صحبتی توتماز،  
من بیر اوبالیام، اودیر «شهریار».

\*\*\*

گر گک رخصت آلام «حیدر بابا» دان.  
یوخ جوابی بلکه منه وئرمه سین.  
بیرده شهریاردان فرمانیم وار دیر:  
«شاعر بیر - بیرینی اولو گؤدمه سین؟»

\*\*\*

آخ منده سهندم، باشیم اوجادیر،  
ایچیمده سؤنمه بن عشق آتشی وار.  
منده صفاسی وار گللی باهارین.  
باشیمی توتسادا قارا بولوتلار.

\*\*\*

بیر الیمده اود وار، بیر الیمده سو،  
بیر اوزوم قارا قیش، بیری باهاردی.  
دوستا، ایستکلییه ایستی قوینوم وار.  
دشمانا باخیشیم شاختادی، قاردی.

\*\*\*

لاله لی، چیچکلی چمنلریمده،  
کلیب یورد سالسادا چوبان - چولوقلار،  
یالوار رام صفامدان اوز دؤندر مه سین  
شهریار لایق «شاه یورد» مدا وار.

\*\*\*

کونلوم هاواسیلا قول - قاناد آچیر،  
«قاف قالاسین» آشماق دیبه - اوجالیر.  
قالخدیقجا بوی آتیر، داش دیوارلارا،  
آلیجی طرلانیم یورولور قالیر!

\*\*\*

دیوارلار، دیوارلار! پولاد اولسازدا،  
آلماس موشار اوللام، کسب بیچهرم،  
کولونگون بورج آلام «فرهاد» بامین،  
«بیستون» اولسازدا چاپیب گئچهرم.

\*\*\*

دیوارلار، دیوارلار! نول وئرین گئچیم،  
وولقانام نفسیم طوفان قوپارار.  
«بولدام» ساللانس قاشیم - قاباغیم،  
آغلارام عالمی ستلر آپارار...

\*\*\*

ایچیمده بوغولور دادیم، فریادیم،  
هایما نه دیوارهای وئریر، نه یار.  
نه داشدان سس چیخیر، نه ده قارداش دان.  
سانکی بوشلوقلاردا ایتیر دالغالار!..

\*\*\*

بلکه ده خیال دیر منی سارسیدان،  
یادا کی، سحر دیر یاردان آیران.  
دیر لر: «دلیریم بولول قصرینده  
دارد دیر، آسیلیب تپه ساچیندان»

\*\*\*

سەندى قورخوتماز نەسراي، نەسحر.  
«مەھبەت» دىئىلن بىر افسونى وار.  
ھەم «اسم اعظم» دىر، ھەم «اسم شەب» دىر  
باغلى قاپىلارى اوزونە آچار:

\*\*\*

آچىلون، آچىلون باغلى قاپىلارا  
مەھبەت نامنە، اىستەك نامنە.  
ارىون، تۇكولون دىمىر قەپىللارا!  
كۇنول خاظرىنە، اورەك نامنە.

\*\*\*

سانكى طوفان قوپور، گۇي گورولدايىر.  
بولوتلار چاخناشىر، شىمشىكلەر شاخىر.  
اود - آلوالەنير يىرىن اوزونە،  
دىمىر دروازەلەر سواولور، آخىر.

\*\*\*

گلىر قولاغىما اينىلتى لرى :  
«بوردا بىر شىر دادا قالىپ باغىر»  
دوغروداندا من بىر «مردەسىز»،  
قاداشىم داردادىر، منى چاغىر!

\*\*\*

چكىلون - چكىلون يول وئرون گىچىم!  
اورە گىم آلىشىپ، آلوساچارام،  
شەرىيار بوينونا زنجىر وورالار؟!  
چىنەرم، گىمىرم، دارتىب آچارام.

\*\*\*

ايشلەيىر قولوما دىمىر پاخاللار،  
زنجىر قىنجىخدىرىر، سانجىر اتمى.  
جان قارداش! ھەلەك باغىشلامنى،  
دېيەسن اونوتدوم اسارتىمى.

\*\*\*

عزىز شەرىيارىم! باغىشلامنى،  
اينجىمە، دارىلما، فەكرون ھاردادى  
«مردەسىز» دگىل سنون قارداشىن،  
آنجاق سنون كىمى، اودا داردادى

\*\*\*

ئوزون دىمەمىسن : «بىزىم ائللەردە  
دكىل موكلين خىرجىنى چىكر؟»  
آنا، عشق اوجاغى سۇنمەسىن دىيە،  
اورە گىن ارىدر چراغا تۇكر!

\*\*\*

ھىريانى بىلمىرم، بىزىم دىاردا،  
ھىچدە خىيال دگىل، دوستلوق، مەھبەت.  
آنجاق ايشىق ساچان اىستى گونشەدە،  
بعضاً بولوت آلتدا گىزلەنير البت.

\*\*\*

بلەكەدە نەبىلىم سلطانىم قارداش!  
ھىقىقتە ايشىن عىبى بىزدە دىر.  
ھىمىن بو اىلقارىن دوشگونويوك بىز،  
گناھ ياددا دگىل، ئوزوموزدە دىر!

\*\*\*

بیر اوووج کلک باز، قمار باز ایله،  
پاکباز اولموشوق، پاک او توموشوق،  
مرد ایکن نامرده رحم ایله میشیک،  
ایندی نامردلره محتاج اولموشوق ا

\*\*\*

دولتلییه ساخسی لازم اولاندا،  
ووروب سیندیر میشیق ئوز کوزه میزی.  
چیخدیقیمیز قینی بگنمه میشیک،  
بیز ائلی آتمشیق، ائل آتیب بیزی.

\*\*\*

ائلیمیزه نه گون آغلامیشیق بیز،  
باغین شاختا ووروب، بوستانی یانیب.  
ائل بیزه نیله سین، نه گون آغلا سین؟  
آغزی اوچو خلاییب، دیلی باغلا نیب.

\*\*\*

ایندی اولان اولوب، کئچنلر کئچیب،  
جالانان سو بیرده کوزه یه دولماز.  
دالدا ن آتیلان داش توپوغاد گر،  
گوزیاشی تو کمکلن یارا ساغالماز.

\*\*\*

بو گون من سهندم، سن شهر یارسان،  
گل باشین او جالداق قوجا تبریزین.  
بیر کره یادلارین داشینی آتاق،  
چکک قایغی سینی ئوز ائلمیزین.

\*\*\*

شاعریم، دنیانی نئجه گورورسن؟  
دوزیثیب دوزقاین سیندیر انلار وار.  
قدیر بیلن یاراجان قربان ائله،  
قدیر بیلمینه حیقدیر ایلقار.

\*\*\*

ئوز گه چراغینا یاغ اولماق بسدیر،  
دوغما ائلریمیز قارانلیقدا دیر.  
یانیب یاندرمایاق یادین او جاغین،  
ائویمیز سویوقدیر، قیش دیر، شاختا دیر.

\*\*\*

دئمیرم یانمایاق، آلولانمایاق،  
یانماسین نیله سین یازیق پروانه؟  
یانمایاق وفاسیز یارین اودونا،  
یاناق ائلیمیزه، یاناق وطنه.

\*\*\*

وفاسیز گوللرین اوستوندن اوچاق،  
قوناق صداقتلی ائل قوجاغینا.  
سؤنمز عشقمیزدن بیر پیوند سالاق،  
ائلین شاختا وورموش گول بوداغینا.

\*\*\*

بیر یترده قالماقدان داریلدیق، ئولدوک،  
دوغما یوردوموزو دولاناق، گه زک.  
ائل ایلن آغلیاق، ائل ایلن گولک،  
اینجی میزی وطن ساپینا دوزک.

\*\*\*

او گۆزهل شهرده، عزیز دیاردا،  
شاعری جوشدوران صحنه لر چوخ وار.  
نسیگل لری چوخ دور دردی تبریزین،  
بیری سن ئوزونسن، عزیز شهریار!

\*\*\*

هله لیک کچیک بیر داملا اولساقدا،  
سوزولک، دوزولک، داماق گؤل اولاق.  
بیزده باشمیزی قاتاق باشلارا،  
قاریشاق سولارا، آخارستل اولاق.

\*\*\*

دره لردن گئچک، دنیزه چاتاق،  
شلناق دالغالارا، دؤنک کو کره یک.  
ایستی گونش ایلن قول - بویون اولاق،  
قزیناق، ترله یک، بولودا دؤنک.

\*\*\*

اوچاق او قوراخلیق، پوزغون دیار،  
سوسوزوندان دیلی چیخان داغلارا.  
یه سیز، قایغی سیز، یاز سیز، باهار سیز،  
چیچک سیز، یارپاق سیز، بار سیز باغلارا.

\*\*\*

شاختالار، طوفانلار، سرین کولک لر،  
اسسین اوستوموزه بوم بوز بوز اراق.  
آغلیباق، آغنیباق اوجا داغلاردان،  
دانقاز قایالاری دیدن قوپاراق.

\*\*\*

چایلارا سد ووراق، دره لر دولسون،  
داشقین آخان سولار هدر آخماسین.  
یاشارسین قوروموش کوللارین کؤکی  
زمیلر سوسوزدان گۆیه باخماسین.

\*\*\*

«سهند» ده گول آچسین «حیدر بابا» دا،  
اوزه رینده چادر قورسون «شهریار».  
باخاق چیچکله نن یوردا شعر یازاق،  
شاعرده بختیار، شعرده بختیار.

\*\*\*

کسک دنیا میزدان کینه نین کؤ کون،  
«عشق دن ینی بیر قورولوش قوراق»  
وئرک شیمشکلرله قاناد قانادا،  
گئدک اولدوزلارا، گونشه قوناق.

\*\*\*

شاعریم سوزومو غربته سالما،  
قولاق آس دنیا دا گؤر بیر نه سس دیر.  
باغریوی سیخماسین بوهای - هارایلار،  
قربلان زنجیر دیر، سینان قفس دیر.

قوی یاغیش یاغسادا یاغسین ، سئل اولوب آخسادا آخسین ،  
یانلاروندا دره لیر وار .  
قوی قلمقاشلارون اوچسون فره لرله ، هامی باخسین ،  
باشلاروندا هره لروار ،  
سیلدیریملار ، سره لروار .  
او اتکلرده نه قیزلار یاناغی لاله لرین وار ،  
قوزولار اوتلیاراق نی ده نه خوش ناله لرین وار ،  
آی کیمی هاله لرین وار .  
گول - چیچکدن بزه ننده نه گلینلر کیمی نازین ،  
یئل اسنده اوسولاردا نه درین راز و نیازین ،  
اوینا یار گوللی قوتازین .  
تیتره ییرساز تئلی تک شاخه لرون چایدا ، چمنده ،  
یئل او تئلرده گزنده نه کوراوغلی چالی سازین ،  
اوردگون خلوت ائدیب گؤلده پرلرله چیمنده ،  
قول - قاناد دان اونسا آغ حوله آچار غمزه لی قازین ،  
قیش گئدیر ، قوی گله یازین ،  
هله نوروز گلی وار ، قارچیچگین وار گله جکلر ،  
یئل یساغیشدا یویونار کن ده گونشلن گوله جکلر ،  
اوزلرین تئز سیله جکلر .

\*\*\*

قیشدا کهلیک هوسیه چؤلّه قاچدیقدا جوانلار ،  
قاردا قاقیلدا یاراق نازلی قلمقاشلارون اولسون !  
یاز او دؤشلرده ناھار منده سین آچدیقدا چوبانلار ،  
بوللی سودلی سورولر ، دادلی قاووتماشلارون اولسون !

\*\*\*

## سهندیم

شاه داغیم ، چال پاپاغیم ، ائل دایاغیم ، شانلی سهندیم ،  
باشی طوفانلی سهندیم .  
باشدا حیدرباباتک قارلا - قروولا قاریشیسان ،  
سون ایپک تئلی بولوتلارلا افقده ساریشیب سان ،  
ساواشیر کن باریشیسان .

\*\*\*

گؤگدن الهام آلالی سری سماواته دیهرسن ،  
هله آغ کورکی بورون ، یازدا یاشیل دوندا گیهرسن ،  
قورا دان حالوا ییه رسن .

\*\*\*

دؤشلرونده صونالار سینه سی تک شوخ ممه لرده ،  
نه شیرین چشمه لرون وار .  
اویا شیل تئلری یئل هؤرمه ده آینالی سحرده ،  
عشوه لی ائشمه لرون وار .



آد آلیب سندن اوشاعر که، سن اوندان آد آلاسان،  
 اونا هر داد وئره سن، یوز اومقابل داد آلاسان،  
 تاریدان هرزاد آلاسان .  
 آداس اولدوقدا سن اونلا داها آرتیق اوجالیرسان ،  
 اوجلانله دماوند داغیندان باج آلیرسان ،  
 شیر الیندن تاج آلیرسان .  
 اودا شعرین ، ادبین شاه داغیدیر، شانلی سهندی ،  
 اودا سن تک آتار اولدوزلارا شعريله کمندی ،  
 اودا سیمرغدن آلماقدادی فندی ،  
 شعر یازاندا قلمیندن باخا سان دور سپه لندی،  
 سانکی اولدوز لار الندی،  
 سؤز دئینده گؤره سن قاتدی گولی، پسته نی، قندی ،  
 یاشاسین شاعر افندی !

\*\*\*

اونه شاعر که ، داغین وصفنه مصداق اونى گؤردوم ،  
 من سنون تک اوجالیق مشقینه مشاق اونى گؤردوم ،  
 عشقه ، عشق اهلینه مشتاق اونى گؤردوم .

\*\*\*

اونه شاعر که ، خیال مرکبینه شوو شیغاندا،  
 او نهننگ آت آباغین توزلی بولوتلاردا قویاندا ،  
 لوله لنمگده دی بشر - گوی، نئجه طومار ساریاندا ،  
 گؤره جکسن او زماندا :  
 نه زمان وارسا ، مکان وارسا کسب بیچدی بیر آنسدا  
 گئچه جکلر، گله جکلر نه بویاندا - نه اویاندا .  
 نه بیلیم قالدی هایاندا ! ؟

باخ ، نه حرمت وار اونون ئوز دئیمیشی توك پاپاغیندا ،  
 شهربارین تاجی اگمیش باشی دورموش قباغیندا ،  
 باشینا ساوریلان اینجی، چاریق اولموش آباغیندا ،  
 وحی دیر شعرى، ملك لردی پیچیلدیر قولاغیندا ،  
 آیه لر دیر دوداغیندا .

\*\*\*

اودا داغلار کیمی شأنینده نه یازسام یاراشان دیر .  
 اودا ظالم قویاران قارلا - کولکله دوروشان دیر .  
 قودوزا، ظالمة قارشى سینه گرمیش ووروشان دیر .  
 قودوزون کور کونه ظالم بیره لرتک داراشان دیر .  
 اما وجهینده فقیر خلقی اگیلمیش سوروشان دیر .  
 قارا ملتده هنر بولسا ، هنرله آراشان دیر .  
 قارا لارلا قاریشان دیر .  
 ساریشان دیر .

\*\*\*

گئجه حقین گؤزودور، طور تورتیمیش اوجاغیندا ،  
 اریب یاغ تک اور کلردی یانیرلار چراغیندا ،  
 می - محبتدن ایچیب لاله بیتدیر یاناغیندا ،  
 اوبیر اوغلان که پریرلر سو ایچرلر چاناغیندا ،  
 اینجی قاینار بولاغیندا ،  
 طبعی بیر سئوگلی بلبل که اوخور گول بوداغیندا ،  
 ساری سنبل قوجاغیندا ،  
 سولار افسانه دی سؤیلر اونون افسونلی باغیندا ،  
 سحرین چغلی چاغیندا .

\*\*\*

او افقرده باخارسان نہ دنیزلر، نہ بوغازلار،  
نہ پریلر کیمی قوو قوشلاری اوچماقدا نہ قازلار،  
گۆلده چیممکده نہ قیزلار.  
بالیخ اولدوز کیمی گۆللرده، دنیزلرده پاریلدار،  
آبشار مرواریسین سئل کیمی توکدو کده خاریلدار،  
یئل کوشولدار، سوشاریلدار .

\*\*\*

قصرلر واردی قزیلدان، قلعهلر واردی عقیقدن،  
رافائیل تابلو سی تک صحنه لری عهد عتیقدن،  
دویماسان کهنه رفیقندن.

\*\*\*

جنتین باغلاری تک باغلارینین حوری قصوری،  
دوزولوب غرقه ده، ایواندا جواهر کیمی حوری،  
الده حوریلرینین جام بلوری،  
تونگونون گول کیمی (صهبای طهوری).

\*\*\*

نه ماراقلار که آییق گۆزلره رؤیادی دئییرسن،  
نه شافاقلار که درین باخمادا دریادی دئییرسن،  
اویدوران جنت ماوادی دئییرسن .

\*\*\*

زهره نین قصری برلیان، حصارى اینجی دی، یساقوت،  
قصر جادودی مهندس لری هاروت ایله ماروت،  
اوردامانی دایانیب قالمیش اوصورتلره مبهوت،  
قاپی قوللو قچی سی هاروت.

\*\*\*

شاعرین ذوقی نه افسونلی، نه افسانه لی باغلار،  
آی نه باغلار که الف لیلی ده افسانه ده باغلار.  
اودیخیب داغلاری داغلار،  
گول گولر سه، بولاغ آغلار .

\*\*\*

شاعرین عالمی ٹولمز، اونا عالمده زوال یوخ،  
آرزیلار اوردا نه خاطرله به امکاندی، محال یوخ،  
باغ جنت کیمی اوردا بو حرامدیر، بو حلال یوخ .  
او محبتده ملال یوخ،  
اوردا حالدیر، داها قال یوخ .

\*\*\*

گشجه لر اوردا گوموشدندی - قزیلداندی گونوزلر،  
نه زمرد کیمی باغلاردی، نه مرمر کیمی دوزلر،  
نه ساری تئللی اینکلر، نه آلاگۆزلی ٹوکوزلر،  
آی نئجه آی کیمی اوزلر!

\*\*\*

گول آغاجلاری نه طاوس کیمی چترین آچیب الوان،  
حله کروانیدی چوللر بزه نر سورسه بو کروان  
دوه کروانی دا داغلار، یوکی اطلسدی بو حیوان  
صابرین شهرینه دوغرو قاطاری چکمه ده سروان  
اوخیا لیمداکی شیروان!

\*\*\*

اوردا قاردا یاغار، اما داها گوللر سولا بیلمز،  
بو طبیعت او طراوتده محال دیر اول بیلمز .  
عمر پیمانہ سی اوردا دولا بیلمز .

اوردادىر شعر و موزىك منبعى سرچشمەدى قاينار،  
نە پرىلر كىمى فوارەدن افشان اولوب اوينار،  
شاعر آنجاق اونو آنلار.  
دولو مەتاب كىمى استخردى فوارەلرى ايله،  
ملكە اوردان چىمىر آي كىمى مەپارەلرى ايله،  
گوللى گوشوارەلرى ايله.  
شعر و موسىقى شاباش اولمادا افشاندى پرىشان،  
سانكى آغ شاھىدى اولماقدا گلین باشىنە افشان،  
نە گلینلر كە نە انلىك اوزە سورتلە، نە كىرشان،  
ياخا نە تولكى، نە دووشان!

\*\*\*

آغ پرىلر سارى كۆينكى بولوتلاردان انىرلر،  
سود گولوندا ملكە ايله چىمىر كىن سئوينىرلر،  
سئوينىرلر، ئويونورلر.  
قاوزاناندا ھرە الدە دولى بىر جام آپارىرلار،  
سانكى چىنگى لره، شاعرلره الهام آپارىرلار،  
درىا قىزلارينا پىغام آپارىرلار.  
دنىزىن ئورتوگى ماوى، افقىن سقىنى سماوى،  
آينادىر ھرنە باخىرسان، بىر اولوب گۆيلە مساوى،  
غرق اونون شعرىنە راوى.

\*\*\*

غرفەلر، آي بولود آلتىندا اولارتك گۆرونورلر  
گۆز آچىب يومما چراغلار كىمى ياندىقدا سۆنورلر،  
صحنەلر چرخ فلک تك بورولوب، گاهدا چۆنورلر،  
كولگە ليكلر سورونورلر.



زهره ایواندا الهه شنلیده گؤرونرکن،  
باخاسان حافظی ده اوردا جلالته گؤرسن،  
نه سئورسن.

گاه گؤرن حافظ شیراز ایله ایواندا دوروبلار،  
گاه گؤرن اورتادا شطرنج قورارکن اوتوروبلار،  
گاه گؤرن ساز ایله، آواز ایله اگلنجه قوروبلار،  
سانکی ساغرده ووروبلار.

خواجه الحان اوخویاندا هامی ایشدن دایانیرلار،  
اونوالرله پرلرگاه اویوب، گاه اویانیرلار،  
لاله لر شعله سی، الوان شیشه رنگی بویانیرلار،  
نه خمار گؤزله یانیرلار.

\*\*\*

قانادایستر بو فضا، قوی قالا طرلانی سهندیم،  
ایشیت ئوز قصه می، دستانیمی دستانی سهندیم:  
سنی حیدر بابا اول نعره لرله چاغیراندا،  
اوسقیل داردان قالدان، تولکو قووان شیر باغیراندا،  
شیطانین شیللاغا قالدخان قاطری نوخدا قیراندا  
دده قورقوت سسین آلدیم، دئدیم - آرخامدی ایناندیم.  
آرخا دوردیقدا «سهندیم» ساوالان تک هاوالاندیم،  
سئله قارشى قاوالاندیم.

جوشغونوندا قانی داشدی، منه بیر هایلی سس اولدی.  
هر سسیز بیر نفس اولدی.

باکی داغلاری دا های وئردی سسه، قیها اوجالدى.  
اوتایین نعره لری سانکی بوتایداندا باج آلدی.

قورد آجالدیقا قوجالدى.

«راحمین» نعره سی قاوزاندى ديهن توپلار آتیلدی

سئل گلیب نهره قاتیلدی

«رستمین» توپلاری سسلندی ديهن بوملار آچیلدی

بیزه گول - غنچه ساچیلدی.

قورخما گلدییم ديهه، سسلرده منه جان دئدی قارداش

منه جان - جان ديهرك، دشمنه قان - قان دئدی قارداش

شهربار سؤیلمه دن گاه منه سلطان دئدی قارداش.

منده جانیم چیغیریب : «جان سنه قربان!» دئدی قارداش

یاشا اوغلان، سیزه داغدان دلی جیران دئدی قارداش

اثل سیزه قافلان دئدی قارداش.

داغ سیزه اصلان دئدی قارداش.

\*\*\*

داغلی حیدر بابانین آرخاسی هریشده داغ اولدی

داغا داغلار دایاغ اولدی

آرازیم آینا چراغ قویمادا آیدین شافاغ اولدی

اویانین نغمه سی قاوزاندى، اورکلر قولاغ اولدی

ینه قارداش ديهرك قاچمادا باشلار آباغ اولدی

قاچدیق، اوز لشدیک آرازدا ینه گؤزلر بولاغ اولدی

ینه غمللر قالاغ اولدی.

ینه قارداش سایاغی سؤزلریمیز بیر سایاغ اولدی

وصل ایگین آلمادا ال چاتمادی، عشقیم داماغ اولدی

هله لیک غم سارالرکن قارالار دوندی آغ اولدی

آرازین سودگؤلی داشدی، قایالیقلاردا باغ اولدی

ساری سنبلره زلف ایچره اوراخلار داراغ اولدی

یونجالیقلار ینه بیلدیر چینه یای - یاز یاناغ اولدی

\*\*\*

گؤزده یاشلار چراغ اولدی

لاله بیتدی، یاناغ اولدی

غنچه گولدی، بوداغ اولدی

نه صول اولدی، نه ساغ اولدی.

\*\*\*

اثلیمی، آرخامی گؤردیکده ظالیم اووچوقیسیلدی،

سئل کیمی ظلمی باسیلدی، زینه آرخ اولدی، کسیلدی،

گول گؤزوندن یاشی سیلدی

تورقوران اووچی آتین قاومادا سیندی، گری قالدی

ئوزی گئتدی، توری قالدی.

\*\*\*

اما حیدر بابادا بیلدی که بیزتك هامی داغلار،

باغلانیب قول - قولاً زنجیرده، بولوتلار اودور آغلار،

نه بیلیم، بلکه طبیعت ئوزی، نامرده گون آغلار،

اگری یوللاری آچارکن، دوز اولان قوللاری باغلار،

صاف اولان سیننه نی داغلار.

داغلارین هر نه قوچی، طرلانی، جیرانی، مارالی،

هامی دوشگون، هامی یورغون، سینهلر داغلی، یارالی،

گول آچان یشرده سارالی.

\*\*\*

اما ظن ائتمه که داغلار ینه قالخان اولاجاقدیر،

محشر اولماقدادی بونلار، داها وولکان اولاجاقدیر،

ظلم دنیا سی یانارکن ده تلیت قان اولاجاقدیر،

وای نه طوفان اولاجاقدیر!

\*\*\*

دئدین آذر ائلینین بیر یارالی نسیگیلیم من،  
نسیگیل اولسامدا گولوم، بیر ابدی سئوگیلیم من،  
یاد منی آتسادا، توز گلشنیمین بلبلیم من،  
ائلیمین فارسیجا دا دردینی سؤیلر دلییم من،  
حقه دوغرونه قارانلیق ایسه، ائل مشعلیم من،  
ابدیت گولویم من.

\*\*\*

نسیگیل اول چرچیه قالسین که جواهر نه دی قانمیر،  
مدنیت دبین ائیلیر بدویت، براوصانمیر،  
گون گئدیر آزقالا باتسین گمجه سیندن بیر اویانمیر،  
بیر توز احوالینا یانمیر،  
آتار انسانلیغی اما یالان انسابی آتانا،  
فتنه قاوزانماسا بیر گون گمجه آسوده یاتانماز،  
باشی باشلارا قاتانماز

\*\*\*

اما مندن ساری سن آرخایین اول شانلی «سهندیم»  
دلی جیر انلی «سهندیم»  
من داها عرش علا کولگه سی تک باشدا تاجیم وار.  
الده موسی کیمی فرعونه غنیم بیر آغاجیم وار.  
حرجیم یوخ، فرجیم وار.  
من علی اوغلو یام آزاده لرین مردی، مرادی،  
اوقارانلیقلارا مشعل، او ایشیقلیقلارا هادی،  
حقه، ایمانه منادی،  
باشدا سینماز سپریم، الدهه کوتلمز قلیجیم وار.

بختیار وها بزاده

## شهریارا

سن اوتوز ایل آیری دوشدون ائلیندن،  
توز آنانلا دانیشدیغین دبلیندن،  
سیمرغ سنه پای دا وئردی تئلیندن،  
غربت ائلده او تئز دوشدی یادینا،  
تئلی چکدین، وطن گلدی یادینا.

\*\*\*

وطن سنی ینه باسدی باغرینا،  
ملهم قویدی سنین کؤنول آغرینا.  
- گناهیمی عفو ائت، - دئدین سن اونا،  
هارای سنه، بابا یوردی، اود - اوجاق.  
سندن دؤن بوزا دؤنوب دوناجاق!

\*\*\*

سن آلمیشدین گوجونی بو اوجاقدان،  
اوندان دؤنوب، اونا باخدین اوزاقدان.  
غنچه ایکن آیری دوشدون بوداقدان،  
حیدر بابا دالینجا قان آغلادی...  
آنجا آباق ایزلرینی ساخلادی.

\*\*\*



ہارای سنہ، ایلک ہیچقیریق، ایلک نفس،  
ہارای سنہ، آنا سودی، دوغماسس!  
اٹل - اوبا سیز عمر قوری بیر قفس  
خوشدورینہ بو دنیانین جفاسی،  
قدرتیمسن، آی آنامین لایلاسی!

\*\*\*

نغمہ آدلی چشمہ لرین گوزوسن،  
سن ائلمین، سن گونومون ئوزوسن،  
بولایلادان، قانا آلپ، دوزی، سن،  
ای شہریار، ئوز اوبانا قایتدین .  
سؤنموش ایدین، یانا - یانا قایتدین.

\*\*\*

بابا یوردی، دوغما اوجاق، آی آنا!  
مہربانسان دیزینہ باش قویانا،  
ناخلفلر غفلتیندن اویانا،  
ینہ سنین ئونونده دیز چؤکہلر،  
تورپاغینا گؤز یاشینی تؤکہلر.

\*\*\*

سلام وئردین بو گون حیدر بابانا،  
«قایتار» دئدین سن قوزونی چوبانا،  
قایدار کن ئوز ائلینہ - اوبانا،  
ہم یوردونا، ہم ئوزونہ قایتدین،  
سن گنجہ ایدین، گوندوزونہ قایتدین.

\*\*\*

حیدر بابا قانا وئردی شعرینہ،  
بولبوللری دبل کتیردی شعرینہ،  
گول-چیچگی بیر عطردی شعرینہ،  
مگر بونی سن اونوتدون شہریار؟  
ئوز گہ نیمی عزیز توتدون شہریار؟

\*\*\*

حیدر بابا اور گیندہ داغ اولدی،  
سن آیریلدین، او قلبیندہ دوغولدی،  
فکرلرین، خیاللارین داغیلدی،  
بس اوتوز ایل اورہ گیندہ اٹل داغی،  
آخی، نئجہ گیزلتمیسہن بوداغی!؟

\*\*\*

گونش دوغدی، یئر شفقہ بوروندی،  
بولود قاچیب افقلردہ سوروندی،  
اورہ گیندن حیدر بابا گوروندی،  
سلام وئردین بو گورونن داغا سن.  
غربتدہ ایدین، ایندی دوغما ائلدہ سن.

\*\*\*

حیدر بابا، مرادی وار هر کسین،  
ایستہرم کی، غم کؤنلونی دئشمہ سین،  
بالالارین سندن اوزاق دوشمہ سین،  
یاللی گئدک سنین اوستہ بیز هر گون،  
سن «آنامین کتابی» سان بیزیمچین.

\*\*\*

اٹل دئییب کی، بستان اکمہ بگک ایلن،  
یالان اولمور اٹل آدیندان دئییلن،  
حیدر بابا قارشسیندا اگیلن -  
اوباشینین ئونونده باش اگیرم،  
وارسسیمله سنه قارداش دئییرم!

\*\*\*

مدینہ گلگون

## یادیمما دوشدی

دینله دیم سسینی فرحله ، شاعر ،  
اوحزین بولاقلار یادیمما دوشدی .  
اودسالدین سینمده هر تئله ، شاعر،  
یاخینلار، اوزاقلار یادیمما دوشدی .

\*\*\*

دانشیدین ، او دالغین گوزونی گوردوم ،  
مهربان چهره نی، اوزونی گوردوم .  
من سنین سوزونده ، ئوزونی گوردوم ،  
باشی قارلی داغلار یادیمما دوشدی .

\*\*\*

نغمه چشمه - چشمه سینمه آخدی ،  
اٹله بیل گویلرده ایلدیریم شاخدی ،  
شعر در دنیا دا بختیمین تختی ،  
مجلسلر ، قوناقلار یادیمما دوشدی .

\*\*\*

بىلمىرىم سئوئىنچىدىن ، يوخسا قەردىن ،  
سسىنىن آخارى قىرىلدى ھردىن ؟  
كئىچدىم قارا داغدىن ، كئىچدىم ھردىن ،  
ايگىتىلەر ، قوچاقلار يادىما دوشدى ...

\*\*\*

خىيالىم دولاندى ھىدرىبابانى ،  
او بۇيوك ، مقدس اتلى ، اوبانى .  
بىر آندا قاينادى قلىمىن قانى ،  
اويانان اوجاقلار يادىما دوشدى .

\*\*\*

بىر گۆرپى ياراندى سۆزدىن ، شەردىن ،  
بنفشە باشىنى قالدېردى يثردىن .  
گلدى تولاغىما نى سسى بىردىن ،  
ياشىل باغچا - بارلار يادىما دوشدى .

\*\*\*

چىمىلەر ، چىچىكلەر شەرىيار دئدى ،  
گۆرپە بىجىنكلەر شەرىيار دئدى .  
اورگى كۆيىركلەر شەرىيار دئدى ،  
نغمەلى دوداقلار يادىما دوشدى .

\*\*\*

گلگون ، قوى كۆنلوموز دىل آچسىن يىنە ،  
بوالفت مژدەلەر گىتىرمىش مەنە ،  
بىر بايرام ھاۋاسى دولدى وطنە ،  
قندىللىر ، چراغلار يادىما دوشدى ...

\*\*\*

### قاسم جھانى

## شەرىيار لا صحبت

گۆرۈشمك ايستەدىم شاعرلە مەن دە ،  
باش اگمك ايستەدىم اونون ئونوندا .  
فقط عنوانىنى بىلمەدىم اونون ،  
اودلار دىيارىنىن اودلو اوغلىونون .  
بودم السرىمىدە اونون كىتابى  
دىلىمىدە ، قىلىمىدە اونون رىبابى .  
اونون دويقوسوندان گۆزلىرىمىدە ايز ،  
يانىمدان ئوتىركىن قاراساچلى قىز ،  
- قىزىم عنوانىنى بىلكە بىلە مەن  
شاعر شەرىيارى ، آختارىرام مەن .  
- مەن جان ، شەرىيار اوزاقلاردادر ،  
ھىدرى بابا آدلى اوجا داغدا دىر .  
- قىشىن اوغلان چاغى ، چوغون ، قار ، بوران  
داغدا بو شاختا دا ياشارمى انسان ؟ |  
قىز داھا دىنمەدى ، آيرىلدى كىتدى  
دۇنگەنى بورولدى ، كوك تىك ايتدى .

دئیپیرلر ایسته گین قولودور انسان  
 یولچو یولدا گرگ ، بللی دیر عنوان .  
 یوللاردا گمجه نی گوندوزه قاتدیم ،  
 اوجا ، قارلی داغین یانینا چاتدیم .  
 نیزه بیه بنزه بیر بو داغین باشی ،  
 بولودلی داغلار دیر اونون سیرداشی .  
 یالچین قیاسنین آلتیندا طاق وار ،  
 اونون چیلچراغی ، قندیلی بوزلار .  
 الینده تول پرده خدمتکار دومان ،  
 زمانین توزونی سیلیر دورمادان ،  
 سکوتدان اطرافدا اوجا بیر حصار  
 دئدیم اوره گیمده - هانی شهریار ؟  
 سس گلدی - بوردا یام ! زیروه یه یاخدیم  
 کیمسه نی گورمه دیم ، چاشدیم ، کاریخدیم .  
 صونرا دا سس سیزجه گوزله دیم بیر آز  
 سالیندی داغ بویو قیزیل پای انداز  
 الینده عصاسی نورانی قوجا  
 قامتی چنارتک وقارلی ، اوجا  
 اندی آشاغیا ، گوره رک اونسی  
 اودلار تولکهنین مدرک اوغلونو  
 - نیه داغدا سنیز ، دئدیم - ای استاد ؟  
 - دئدی که ، داغلاری چاپمیردی فرهاد  
 - دئدیم که ، سویوقدور ، شاختا دیر ، قیشدیر  
 - دئدی ، قلییم منسی ایستی تمیشدر

- دئدیم ، بو زیروه ده یالقیز می سان سن ؟  
 - دئدی ، هم صحبتیم وطن دیر ، وطن .  
 - دیدیم بیه ینی ارمغانین وار ؟  
 یازماسا یاشاماز - دئدی شهریار  
 - دئدیم هانسی آرزو یاشا دیر سنی ؟  
 آغ گونه چیخمارتماق - دئدی وطنی .

## بزگوش

وطنیمین شاعر اوغلی شہریار،  
چیچکلنسن قلبینده کی آرزولار،  
گۆزل وطن، صداقلی ائلین وار،  
سلام سنه، وطنینه، ائلینه،  
محبتہ، صداقتہ، دیلینه .

\*\*\*

«حیدربابا» گلیب چاتدی بیزلره،  
حیران اولدوق دادلی، شیرین سۆزلره،  
بیز بلدیک جیغیرلارا، ایزلره .  
بیر گون گلیب الینیزی سیخاریق،  
آیریلیغی تملیندن ییخاریق .

\*\*\*

«حیدربابا»، قوللارینی چیرمالا،  
قالخ آیاغا، بیرده وئرهک دال-دالا،  
آتلا ریمیز قوشا گئتسین یال-یالا،  
بیز آچماساق یوللارینی وطنین،  
کیم آچاجاق قوللارینی وطنین؟

\*\*\*

قوی چیچکلر آچیلما میش سولماسین،  
خمار گۆزلر قان یاشلا دولماسین،  
اورتالیقدا بیرده حسرت اولماسین .  
دوغما یوردوم چیچکلنسن گول آچسین،  
بولبوللرده نطقه گلنسن، دیل آچسین .

\*\*\*

«بزگوش» داغی وورولموشام من سنه،  
هی باخیرام اوردان گلیب گئده نه،  
آرزوم بودور بیرده او گۆی مسکنه،  
گلیم توپوم تورپاغینی، داشینی،  
تئز قورودوم گۆزلریمین یاشینی .

\*\*\*

شاهین قونماز قایالارا چیخایدیم،  
وطنیمین هر یئرینه باخایدیم،  
سونرا سنین سولارینلا آخایدیم .  
بیر دیییدیم اوجا باشین وار اولسون،  
ائللر سنه همدم اولسون، یار اولسون .

\*\*\*

«بزگوش» سنین داغ-داشیننی گزئیدیم،  
یاشیلباش تک سولاریندا اوزئیدیم،  
سوسن، سونبول، بنفشه دن اوزئیدیم،  
بیر گۆرئیدیم نه اوزولوب، نه قالیب  
ائل ایچینه آیریلیغی کیم سالیب؟

\*\*\*

آیری دوشدوڪ کیمسه چاتمیر هارایا ،  
بو آیریلیق هاردان دوشدی آرایا ،  
هانسی یارا بنزهر بیزیم یارایا ؟  
ایللر کئچدی ، قرینه لردولانندی .  
دوست قلبینده اود ، اود اوسته قالانندی .

\*\*\*

«گورگور» اوسته بیر «قووتماچ» یئینده ،  
نی چالاندا چوپان نغمه دئینده ،  
تبه میزه یاغیش ، دولی دؤینده ،  
«آللاه نه خوش غمسیز-غمسیز یاشاردیق»  
آیاقلایب بوزداغلاری آشاردیق .

\*\*\*

«بزگوش» قیزلار اتگینده گزنده ،  
یاما جلاردان گول-چیچگی اوزنده ،  
ساجلارینا تر بنفشه دوزنده ،  
آچیلاندا لاله لرین ، گوللرین ،  
شن گئچردی عمری بیزیم ائللرین .

\*\*\*

بیر اولماسا «چهل چشمه» ، «دماوند» ،  
«بزگوش» ولا ، «حیدرآبا» ، «قوج» ، «سهند» ،  
قوشولماساسیزه «ساوالان» ، «الوند» ،  
دوزولمه سه ائللریمیز یان-یانا ،  
سون قویولماز اورتاداکی هجرانا .

\*\*\*



Blank lined page with faint handwritten text and a circular stamp.

داسم کریملی

## عزیز شہریار! سلاملار

سلام! عزیز شاعر، محترم استاد،  
کیفیتز نتجہدر سیزین، شہریار!  
ٹوپردیم آیاغین دگن یشرلری،  
بیلستیدیم ہاردا وار ایزین، شہریار!

\*\*\*

خدادان ایستہرم دگمہسین نظر،  
شعرین گونش کیمی عالمی بزہر،  
قلبلری اوخشار، دبللردہ گزہر،  
نہ خوشدور، صحبتین، سوزون، شہریار!

\*\*\*

سن اوجا بیر داغا سالدین نفسی،  
قایتاردی گؤیلرہ اودا بوسسی،  
چوخ چکمز ہر یاندا گولر چہرہسی،  
حقین، عدالتین، دوزون، شہریار!

\*\*\*



اىستەرسىن بىزىملە آغلايىپ گولمك ،  
 قىللىردىن چووغونى ، بورانى سىلمك ،  
 مەمكىن دىگىلىسە دە بو يىشە گىلمەك ،  
 آغدىر ائىل يانىندا اوزون ، شەرىيار!

\*\*\*

اوشاقتا ، بۇيوكدە «شەرىيار» دىيىپ ،  
 سىنەتتىن ئونوندى ھامى باش اگىپ ،  
 سىنى اورە گىمىز نىچە اىستەيىپ ،  
 بىر گىلسەن گۇرەرسىن ئوزون ، شەرىيار!

ھامى سىنىن تىكى شوسە ائىلىنى ،  
 كىم آلا بىلدى الدىن دىلىنى ،  
 سىنە دەما چىدىر قىزى ، گىلىنى ،  
 بۇيوك بىر دىارىن ، دوزون ، شەرىيار!

\*\*\*

ھىچ باغچا باغبانىسىز ، باشسىز اولماسىن ،  
 گوللىرىن اوستونى تىكان آلماسىن ،  
 كۇلگەن اوستوموزدىن اسگىك اولماسىن ،  
 اولمايىپ نىچە كى گۇزون ، شەرىيار!

\*\*\*

آرزون ، دىلكلىرىن ھامىيا چاتدى ،  
 اوخ اولوب بەضىنىن گۇزونە باتدى ،  
 چوخ نىجىب مەطلبى بىزە آنلاتدى ،  
 گۇنولدى جاغلايان سۇزون ، شەرىيار!

\*\*\*

مىن شاعر اولسادا ساغ و سولوندا .  
 آيرىجا قىدرت وار ، گوج وار قولوندا ،  
 گىتىدىگىن اوغورلى سىنەت يولوندا ،  
 ھىچ وقت بو كولمەسىن دىزىن ، شەرىيار!

\*\*\*

چىكىدىگىن لوحەلر جانلى ھىياتىدىر .  
 مەنالار دولوسى بىر كائىنات دىر .  
 ھەر سۇزون انسانا قولدور ، قاناد دىر .  
 شەرىندە عطرى وار يازىن ، شەرىيار!

\*\*\*

اوره گيمده دايم سنى آنيرام ،  
دوغروسى لاپ آلولانيب يانيرام ،  
ئىنينم آخى هر بيردردى قانيرام ،  
دئىيلمه مېش قاليب منيم سۆزلريم ،  
تيكىلييدر يوللارينا گۆزلريم .

\*\*\*

نه اولايدى جماليني گۆرئيديم ،  
سينندن من بيردسته گول دره ئيديم ،  
ئوز اليمله شهر يارا وئرئيديم .  
الرينى چكئيدى بير تئليمه .  
چاتايديم او آبرى دوشن ائليمه .

\*\*\*

قارداشيمين اوج ياشيندا اوغلى وار ،  
اونون قويدوق بيز آدنى شهر يار ،  
بوگۆرپه ميز نه وقت تاپار اختيار ؟  
بیرساريلسين شهر يارين بوينونا ،  
بیرسیغینسین آنا تبریز قوینونا ...

\*\*\*

سؤيله مکله بيتهن دگيل حکايت .  
هاردا قالدى گۆرك بيزيم سعادت ؟  
ائيله ميرم زمانه دن شکايت  
بخت اولدوزوم دومانلاردان چيخاجاق .  
غضب سئليم فلک گلسه ييخاجاق .

\*\*\*

ستار زردابی

## دردلی داغلا دردله شیرم

حیدربابا ، ائشیت سنه سۆزوم وار ،  
بوسینمده اوجاغم وار ، کۆزوم وار  
نه یاخشی کی ، سنده درده دۆزوم وار  
بس دگیلمی غمله وئردیک باش - باشا  
نيه حسرت قالسين قارداش قارداشا .

\*\*\*

ایسته ردیم کی ، یانیمدا دوست - آشینا ،  
دولانایدیق پروانه تک باشینا ،  
اوز سورتئیدیک تورپاغینا ، داشینا .  
شهر یاریم گئچه ن یتردن گئچئیدیک ،  
او ، ایچدیگی چشمه لردن ایچئیدیک .

\*\*\*

من وورغونام وطنیمین یازینا ،  
دۆزه جگم جفاسینا ، نازینا ،  
من عاشقم ائلین صحبت سازینا ،  
من دردلیبیم ، دردلی بیلمز نئیله سین ،  
قوی دردیمی ائل - اوبامیز دینله سین .

\*\*\*

شهریاریم ، ئولکه میزده یانان چوخ ،  
خلق قیریلیر ، هئچ دردینه قالان یوخ ،  
ظلم ائتمه گی کیمسه گناه سایان یوخ ،  
حق دییه نین وار یوخوننی آلیرلار ،  
اسیر ائدیپ زندانلارا سالیرلار .

\*\*\*

شهریاریم ، موغان دوزون اکئیدیک ،  
سوسوز چؤلله سولی آرخلار چکئیدیک ،  
کندلی ایچون گۆزه ل ائولر تیکئیدیک ،  
شیرین سویی بیز آرازدان ایچئیدیک ،  
بیر بوللوجا محصول اکیب بیچئیدیک .

\*\*\*

من سئویرم بیزیم دوغما ائلری ،  
تمیز اولور اورکلری ، دیللیری ،  
خائن اولماز بیر - بیرینه ائلری ،  
خانلار ، بگلر ، بیربھانه تاپارلار ،  
یازیقلا رین وار - یوخوننی چاپارلار .

\*\*\*

## شهریارا باش اگیرم

شهریاریم ، یازدین گۆزه ل کلاملار ،  
بیزدن سنه چوخ آتشین سلاملار ،  
خلقین سنه باغیشلامیش الهاملار ،  
بیزا و خودوق لذت ، آلدیق سؤزوندن ،  
اوزا قلاردان ئوپدوک او قاش - گۆزوندن .

\*\*\*

آرزوم بودور باشین - جانین ساغ اولسون ،  
دۆرد بیرانین باغچا اولسون ، باغ اولسون ،  
گۆروم مدام سنین کئفین ساغ اولسون ،  
شاگردلرین نغمه قوشسون آدینا ،  
ائشیدنده اونلاری سال یادینا .

\*\*\*

سن عالمه گوجللی بیرسس سالیبسان ،  
حیدربابا شاعری آد آلیبسان ،  
نظامینین یور دوندا سن قالیبسان ،  
اثرینی چیچک کیمی ایله دیک ،  
هامی سنه بؤیوک شاعر سؤیله دیک ،

\*\*\*

شہریاریم ، یاخشی دینلہ سۆزلری ،  
کور اولایدی غصبکارین گۆزلری ،  
تاریخ بوی قارا اولسون اوزلری ،  
بیر اوره گئی ایکی یتره بۆلدولر  
بیز آغلادیق، اونلار باخیب گولدولر...

توفیق غفارلی (دوشگون)

مکتوب - ۱-

ملیونلارلا اوخوجونون سنویملیسی اولان شاعر شہریارا  
دوستلوق مکتوبی

شاعر شہریارا سلاملار اولسون،  
صفالی تبریزده دائم وار اولسون،  
طالعی همیشه اونا یار اولسون ،  
اوخویوب شعرلرین شادا اولاق بیزده ،  
بیلک نه وار، نه یوخ وطنیمیزده ،

\*\*\*

شہریار دریادر ، شہریار دنیز،  
حقی وار افتخار ائله سین تبریز،  
اسدی خزان یثلی، آیری دوشدوک بیز،  
تیکانلی مفتوللار کسدی یوللاری،  
قویدی انتظاردا دوغما دیاری.

\*\*\*

اى شاعرلار شامى ، داھى صنعتكار ،  
عالمى مات قويان شان-شوكتىن وار .  
منى دە ، بىر دفعە ياد ائت نە اولار ؟  
گۇروم قارا اولسون فلكىن اوزى ،  
قارانلىق ائلە دى بىزە گوندوزى .

\*\*\*

قارغى آتى مېنىب تىز-تىز چاپاردىم ،  
اوشاقلارين اشىقلارين چاپاردىم .  
آتام آجىقلانسا بهانا تاپاردىم ،  
آھ ، نە گۇزەل ايام ايدى اوشاقلق !  
خىيالىمىز لاپ خام ايدى ، اوشاقلق !

\*\*\*

گونش ئوز يىرىنە گلىب باتاندا ،  
ناخىر گلىب اينك ائوھ چاتاندا ،  
بوزوو ئوزون اونون اوستە آتاندا ،  
كللە ووروب منى يىرە يىخاردى ،  
ھارايمىز آتام گلىب چىخاردى .

\*\*\*

من توتاردىم باجىم اينەك ساخاردى ،  
مە سىندىن سود سئل كىمى آخاردى ،  
بوزوو غضبىلە نىب ترس-ترس باخاردى ،  
قاباغىنا بىر دستە اوت آتاردىق ،  
سونرا دۇنوب خىرمنلرە چاپاردىق .

\*\*\*

دولاندىقجا ايللر بوى آتيردىق بىز ،  
فرحە دولاردى جوشغون قىلمىز ،  
قايالىق اولاردى گۇرۇش يىرىمىز ،  
آخشام اولجاق قايالىغا قاچاردىق ،  
ائلدىن گىزلىن سۇزى اوردا آچاردىق .

\*\*\*

آنام منە ياغلى كوھە ياپاردى ،  
آلا توفىق ، دىجك رافىق قاپاردى ،  
قوش كىمى شىغىب چۇلە چاپاردى ،  
آرخاسىنجا باخا-باخا قالاردىم ،  
دىلە توتوب اونى الە سالاردىم .

\*\*\*

ھىج بىلمىرم يازىق آنام دورورمى ،  
يون دارايىب سونرا جھەرە قورورمى ؟  
اگىردىگى ايپى ايلمە وورورمى ،  
توخودىغى جورابى من گىيەردىم ،  
ئوپوب اللرىندىن ساغ اول ، دىيەردىم .

\*\*\*

قىشدا قارىغاندا اووا چىخاردىق ،  
كوللارين دىيىندىن كھلىك توتاردىق ،  
وورا بىلمىھنى لاغا قوباردىق ،  
كىندە قايداندا كباب يىەردىك ،  
چوخ شىكر آلاھا اولسون ، دىيەردىك .

\*\*\*

ائله کی، یوردوما گلهردی باهار،  
مسکنیم اولاردی یاشیل یاما جلار.  
او خویاردیم «چوبان قوزونی قایتار»،  
نوروز گولی دریب دسته باغلاردیم،  
اونی یارا وئرمک ایچون ساخلاردیم.

\*\*\*

قوزی اوتاراردیم قیزیل قالادا ،  
یورولسام یاتاردیم سرین سایادا ،  
قاجیب گیزله نردیم دامدا ، تایادا ،  
نشانلیم گلنده توتوب ئوپردیم ،  
ناخیشلی یایلیقلا اوزون سیلردیم.

\*\*\*

کیم تانیمیر او، میرهاشم چوبانی؟  
سسی بورویردی ائلی - اوبانی .  
ایتیب دؤرد-بش قوزوم، دئشیدی،  
مینیب قودوقلاری چؤله چاپاردیق،  
ایتنه قوزولاری گئدیب تاپاردیق.

\*\*\*

تبریز شهرینده عصیان اولاندا ،  
اربابلار تهرانا قاجیب دولاندا ،  
قان ایچن خان - بگین رنگی سولاندا ،  
شبلی گدیگینده آت چاپاردیم من،  
هیهاهارا گئندی اوگونلر گؤرن.

\*\*\*

۱- شعرین صون بندلری الیمیزه چاتمامیشدر.

توفیق غفاری (دوشگون)

مکتوب - ۲-

## گلمه دین

واقفین شائینه بایرام ائدنده،  
نئجه گون بوش قالدی مجلسده یترین.  
قارداشین طویونا قارداش گئدنده ،  
مگر آپارمازمی هدیه ئوز شعرین؟

\*\*\*

نه قضا اوز وئردی گلنمه دین سن ،  
آرازمی قویمادی گئجه سن بری؟  
قربان کسمک ایچون چیخدیم یولامن،  
ائشیتجک «شهریار گلیر» خبری.

\*\*\*

گونش می چیخمادی، کولک می اسدی؟  
دوشوب قارانلیغا کله بیلمه دین.  
تیکانلی مفتولار یولونی کسدی،  
هجرانین باغرینی دله بیلمه دین.

\*\*\*

شہریار، قورخورام واحد کیمی من،  
 کؤچم بودنیادان گؤروشمه میش بیز،  
 سنن هر کلمه باشی باکی دیبه سن،  
 منیمده دلیمدن دوشمیه تبریز.

۳۰ ژوئن ۱۹۷۰

شیمشکلر چاخناشیب یاغیش می یاغدی؟  
 آرزونون ایلک اوخی ایلیشدی داشا  
 سننن کلمه مه یین سینمه داغدی،  
 کدر گؤزلریمی بولادی باشا.

\*\*\*

دئیر لر چاتیلدی خزرین قاشی،  
 گؤردی کلمه میسن دوشوندی درین،  
 غضبدن بالادی تورباغی، داشی  
 چیر پیر ساحلره ئوز لپه لرین.

\*\*\*

بلکه خسته له نیب یشرده یاتیر سان؟  
 قیزدیر ما قویما ییر آچاسان گؤزون.  
 اوزونی تورشودوب درمان آتیر سان،  
 یانیر اور کده کی آلوی سؤزون.

\*\*\*

یوخسا قوجالمیسان ای داهی انسان!  
 اوزاق بول گئتمه گه یوخدور طاق تین.  
 کسیلمه میش دورور آدینا قربان،  
 قویدون پنجه سینده بیزی، حسرتین.

\*\*\*

هئج بیر ولایتده، هئج بیر اولکده ده،  
 یوخدور بیزیم قدر غصه، غم چکهن.  
 داغدا تاب گتیرمز قارداش، بلکه ده،  
 الیندن آلینا وطنده، وطن.

\*\*\*

محمد آراز

## شهر یار گلمه دی

باخیشلار آسیلدی طیاره لردن،  
امیدلر یوللارا سریلی قالدی،  
بو آغیر خبردن، بونس خبردن،  
گوللر گوللو کلرده دریلی قالدی.  
شهر یار گلمه دی...  
گمانلار دیپلومات پالتاری گئیدی،  
گمانلار ئوزوندن یوللار دوزلندی،  
گمانلار بیر سالدات پالتاری گئیدی،  
- دنبزه گؤزتچی، گؤیه گؤزتچی...  
گمانلار آچمامیش قاپی قویمادی،  
گمانلار سیاست ساپی قویمادی،  
دارتیب چؤزه له دی، دویونلر آچدی،  
هارداسا ساپ قاچدی، دویون دولاشدی،  
هانسی «حیله» نینسه دوداغی قاچدی،





هانسى «نیه» نینسه بارماغى چاشدى،  
قلم «اولماز» آتدی «اولار» یشینه،  
«او» بورجلی دا قالدی «اونلار» یشینه،  
اڭشیتدیم سسینی من علی بگین :  
«آی آتا بو سنین بختیندر یقین،  
سنین شنلیگینه او آی گلمه‌دی،  
سنین شنلیگینه اوتای گلمه‌دی،  
شهریار گلمه‌دی».

بو حقیقتدی .

اینادیق اینانماق ایسته‌مه سکده ،  
حسرتلر بوینونى بیردن دیکلنتدی،  
قاچدی آياق-يالین داشلا-کسکله...  
حسرتلر آرازا یولونى بوردی،  
حسرتلر سرحدده اوز-اوزه دوردی...  
حسرتله او تایا کولک یوللادی،  
جواب گتیره .

کینک یوللادی ، جواب گتیره .  
ئولموش بیر بالیغین سومو کلرینه  
جواب یازسالار ،

آرازا آتسالار،

گلمزمی نه‌دی ؟

شهریار گلمه‌دی .

نیه گلمه‌دی ؟

حسرتلر بیر قاری دونونا گیردی ،  
سسی یوماق کیمی چؤزه‌له نیردی:

– گۆروم لیمانلارا دنیز قاپارسین،  
 گۆروم قاتارلاری طوفان قوپارسین ،  
 اوچاق میدانلاری قالانسن بوزلا .  
 بیز کی گۆروشمه دیک ئوز اوغلو موزلا ...  
 اویاندا بیرتبه تورپاق دیکلدی ،  
 بیر سوموک بویلا نیب بیانا گلدی :  
 – من داشلار آلتیندا بیرتاریخ داشام ،  
 مین دفعه داشلارا دگن بیرباشام .  
 یاتمارام بیرقاریش تورپا قخانادا .  
 بیرزمان دئمیشدیم ستارخانادا ...  
 نه دئسهک – دئمه سک ، حقیقت بودی :  
 اونى گۆرمه گیمیز چوخ مشکل اولدی .  
 آقیشلار قوللاردا کیریندی آرتیق ،  
 امیدلر یوللاردان کورندى آرتیق ...  
 قایتدی گئریه طویلار ، یاللیلار ،  
 آخاری کسپلهن گۆی سولار کیمی .  
 قایتدی ائولره فرشلر ، قالیلار .  
 هوسی گۆزونده آرزولار کیمی .  
 پللولار سو بودی ، دملر آچیلدی  
 توستولر قایتدی اودون عمرونه ،  
 بو حال نئچه ساعات سکوت قیجیدی .  
 ماشینین عمرونه ، آتین عمرونه .  
 سندن سوروشورام : بیگدلی جناب ،  
 سندن سوروشورام طاھری سهراب ،  
 سندن سوروشورام یولداش حسینى ،

تبریز اوغوللاری اوردا بس نشینیر ؟ !  
 شهربار گلمه دی ،  
 او کلسه ، باشا – باش آذربایجانى ،  
 گشیملى – کئجیملى مغرور گۆره ردی .  
 قارا گۆز ، قارا قاش آذربایجانى ،  
 قیزیل نور گۆره ردی ، آغ نور گۆره ردی .  
 زروه لی عمرلر ، قانادلی بختلر  
 اونون گۆزلرینی یاشاتمازدیمی ؟  
 بوخوش گونلرینی عمرونه باغلار ،  
 عمرونه اللى ایل یاش آرتمازدیمی ؟  
 نغمه اوخویاردی مکتبلر اونا  
 ئوز آنادیلینده  
 تبریک یاغدی رادی مکتبلر اونا  
 ئوز آنا دیلینده ...  
 . . . . .  
 هر نه ده سؤیله سک حقیقت بودی :  
 اونونلا گۆروشمک چوخ مشکل اولدی .  
 حقیقت بودورسا ، مین لعنت اونا :  
 لعنت بودوغرونون دوغرو لوغونا .  
 بئله حقیقتدن یالان یاخشیدر ،  
 دولاشیق – بولاشیق گمان یاخشیدر .  
 سیزای بودنیانین سؤز درگیلری ،  
 دنیانین غزتچی خبرگیلری  
 یالان دانیشین ، یالان ،  
 غضبلره سوسپهن یالان ،

عصبلىرە موم تېەن يالان .  
بىر ئولكە دوزلدىن : يالاندان يالان ،  
يازىن نە گۆزلىدر ... - يالاندان يالان -  
بۇيوك شاعرىنى يولاسالير باخ ،  
ھوادا يىللەنير مەن ال، مەن پاپاق ...  
ماراللار قوشولوب دارتير قطارى ،  
قارداشى قارداشا قوناق آپارى ...  
يالان حەقىقىتى اھلىلىشدىرە ر ،  
خېرلر، خېرلر قاچار ھىرانا  
شەھىر يار يوللانير آذربايجانا !  
يول ھانى، يول ھانى آذربايجانا !؟

۱۹۶۷

عباسەلى كرىمف

## گۆيچەدن سلاملار \*۱

سلام ھىدربابا ، سلام شەھىر يارا  
سلام اى آرازلا بۇلونموش ديارا!  
قبول ائىدىن دئىم شىرىن آرزولار،  
دېنلەيىن قارداشى اوزونوز گولسون،  
گونش پارىلداسىن، ظلمت سۇكولسون.

\*\*\*

دورگل گۆزلەيىرم، گونى، گىجەنى،  
قلبن ئوپوم سىزى، سىز ئوپون مەنى،  
باشدان باشا گىزىن بىزىم گلشنى،  
گولسون ھىياتىز، گولسون قلىنىز،  
تتازجە نەھىب اولسون ، قوجاقلاشان بىزا!

\*\*\*

\* اختىصارلا وئرىلمىشدر.

وطنیم گۆیجه در، کندیم غاردانیش،  
سۆیله ییم وصفینی سیز اولون تانیش،  
سیرین کئچیریایی ، قارلی اولور قیش،  
آزاد نفس آلیر بوردا هر انسان ،  
قایغیسیر یاشاییر قوجا ، هم جوان.

\*\*\*

بیزیم بویرلرین ئوزگه سری وار،  
بیرجه دفعه گۆرن یاشاماق اومار،  
اویانیب قالداندا گون خومار-خومار،  
قیزیلی رنگ آلیر داغلار، دره لر،  
دوزلرده بیرلشیر امکله هنر.

\*\*\*

افسوس کی، حق سیزلیک سیزده دور ائدیر،  
مقدس کؤکسونی اضطراب دیدیر،  
اورهک یاخین اولسا ، اوزاق یول نه در؟  
نه دئییم بیزلری آیری سالانا ،  
بونا نئجه دؤزور آغ ساچلی آنا!

\*\*\*

آغ انقلاب گۆزه قارا پرده در ،  
کندلی آیاق آلتدا ، ارباب سرده در،  
بیلیرم ، قارداشیم ، ایش نه یترده در.  
«خانه عدالت» قوروپور شاهی ،  
ایراندا یوخسولون کیمدر پناهی ؟

\*\*\*

تانیش اولدوم چیلده ایشله بن زمان ،  
قیردی قانادیمی « ابدی خزان »  
طرلانلار اوولایان کؤنلوم اولدی قان ،  
نچین آزاد دگیل شاعر شهریار!  
آمانسیر طبیعت نه پیس حکمون وار!؟

\*\*\*

اولوبسادا دردین ، آغیرزحمتین ،  
گوهرین صافیدر « شعرو حکمت » ین ،  
قارداشیم ، شهریار ، چتیندر - چتین ،  
نظیره یازاسان اولوسؤزونه ،  
یاریشدا میدانی آلا ئوزونه!

\*\*\*

بیر زیان وئرمه سه شوکت - شانینا ،  
کیسه می قویورام چووال یانینا .  
ایتمه به آرادا بلکه تانینا ،  
بودوغما گۆیجه نین آجی - شیرینی ،  
ائللره یاییلا دیاز - درینی .

\*\*\*

گزینتیه چیخاق آخشام سرینی ،  
اینجه کولک آچسین شاعر سرینی ،  
ایشله ، یارات تازا شاه اثرینی ،  
سوان ساحلینده ، ماوی اودا دا ،  
گمی لنگر سالسین «قارماقادا» دا .

\*\*\*

آیلی گمجه لردہ سیرینہ دالین ،  
قوتی ، الہامی ، داغلاردان آلین ،  
سوانلا برابر قالدخین ، اوجالین ،  
مین داستان اوخویون آینا سولاردان ،  
راضی قالین بیزیم دوغما دیاردان .

\*\*\*

چوخ یشمہ لی اولور تندیر چۆرہیی ،  
نارین پیشیر ، قالمیر چیبی ، خرہیی ،  
یازلیغین لاواشی ، پندیر دورمہیی ،  
چیخاریق قارشینا دوزلا ، چۆرکله ،  
قوناغی ایستہین آچیق اورکله .

\*\*\*

آخ ! نئجه گیزلہدیم کئچمیشیمی من ،  
یادیم دوشندہ قان سیزیر قلم ،  
اوزون سۆز نہ لازم ئوزون گۆرورسن ،  
ائشیت ، ینہ دئیم بیر نئچه کلمہ ،  
عادتمیز بیردر ، لاغ ائدیب گولمہ !

\*\*\*

ورا کند حیانتین ئوز منظرہ سی ،  
اوشاقلیق گونلری ، دجللیک سسی ،  
تورپاغین عطری ، انسان نفسی ،  
قایناییب قاریشیر بیری - بیرینہ ،  
چۆرہیی بولاشیر زحمت ترینہ .

\*\*\*

کیشی سن دردیننی نہ دان ، نہ گیزلت ،  
بیزدہ یشر کردیک جوتلہ ، ئوکوزلہ ،  
گونوموز گئچہردی چاریقلا ، بیزلہ ،  
یاغیش - سوووراندا کۆشمہ قوپاردی ،  
گونش قوروداندا سیخیب قیراردی ،

\*\*\*

وقت واردی چاخماقدان بیز اودآلاردیق ،  
قیرچین ، گوہن ، قانقال ، چیرپی یولاردیق ،  
تندیردہ ، اوجاقدہ کرمہ قالاردیق ،  
حسرت ایدیک نقتہ ، کبریت چۆپونہ ،  
یازیق بابالاریم دۆزدی اوگونہ !

\*\*\*

گناہسیز انسانلار آباقدا چاریق ،  
اوزی قیریش - قیریش ، بدنن آریق ،  
گونلری کدرلی ، گۆزونده ساریق ،  
شلہ آرخاسیندا یاشادی ، گئتدی ،  
داخمادا دوغولدی ، داخمادا بیتدی .

\*\*\*

اورہ گینی آچیب سۆز دینمہ دی ،  
چوخ قازاندی اما ، چوخ ینمہ دی ،  
حقہ ، عدالتہ هئج گونمہ دی ،  
اینلہدی ، اینلہدی سینیق نی کیمی ،  
تالاندی یاراماز کهنہ ششی کیمی .

\*\*\*

گۈزلہ بیر یولونی گل شہریاریم،  
عاشیق، شاعر یوردی، قوجادیاریم،  
اللی یاشا چاتمیش آباد گلزاریم،  
قدمین آلتینا گولر چیلنسن،  
آنانین دیلینده اوجالسن سسین...

\*\*\*

دومانلی داغلاردان یشننده چیسگین،  
یارانان ناخیشلار، چاغیریر سنی.  
دره دن زیروہیہ قالخاندان ازگین،  
اوزانان یوخوشلار، چاغیریر سنی.

\*\*\*

یارپیزلی بولاقلار، چیچکلی چؤلر،  
موروقلی قوولار، ملایم یئلر،  
لیلبارلی گۈہ زلر، صونالی گؤلر،  
گونشلی یاغیشلار، چاغیریر سنی.

\*\*\*

بہرہ لی پاییزلار، ایش گزار یازلار،  
فراوان ییغناقلار، صدقلی سازلار،  
دیللری نغمہ لی گلینلر، قیزلار،  
مہربان باخیشلار چاغیریر سنی.

\*\*\*

آروادا، اوشاغا سۈزی کچمہدی،  
بوتون گونی اکدی، لکن بیچمہدی،  
بیر قارین دولوسی یثیب۔ ایچمہدی،  
مأموردان، کدادان اورہ گی یاسلی،  
آیاقلاری چات۔ چات، دوداغی پاسلی.

\*\*\*

چووغوندا، ساختادا چالیشدی چپلاق،  
دریدن گئیندی قولونا قولچاق،  
اوزونہ تر تۈکن اودری پاپاق،  
ہم یاستیغی اولدی، ہم دە ناموسی،  
جانیندان گلیردی سادیر قوخوسی.

\*\*\*

اورہ گی قبارلی، الی قبارلی،  
آغیر یو کدن بو کوک بئلی قبارلی،  
باغلی گۈزی یاشلی، دیلی قبارلی،  
یاز اولدی اکینچی، قیش دا دینلنچی،  
صونا یئتیشدیردی عمری بئلنچی...

\*\*\*

دگیشدی زمانا، دگیشدی دوران،  
آزاد حیات قوردی امکچی انسان،  
بیر یارپاق دا دئییم اوشاقلیغیمدان،  
بیر یشردہ اوینایاق گۈنلون شاد اولسون،  
خاطرہ گونلرین شیرین داد اولسون...

\*\*\*

قاتانین استونده و قارلی قارتال،  
قوروغون ایچینده غصه سیر مارال.  
گۆزله ییر یولونی اوغورلی اقبال،  
ستویملی تانیشلار، چاغیریر سنی؟

\*\*\*

ساغلامدر یوردوموز گۆرونمز خسته،  
انسانلار قارداشدر، گیرمزلر قصده.  
الینده قدحی، سفره نین اوسته،  
صمیمی چیخیشلار چاغیریر سنی.

خیرالله کریمف

## قازان کۆشکی

جنوبی آذربایجانین بۆیوک شاعری  
شهربارا نظیره در

«قازان کۆشکی» بنفشه لر آچاندا ،  
شیناپالار گولوب عطر ساچاندا ،  
قارانقوشلار دامدان - داما اوچاندا ،  
«قوجا دنیا» - دئییب بیر آز فکره دال،  
بیزی ده بیر خاطر لاییب یادا سال .

\*\*\*

باشین اوسته ایلدیریملار چاخاندا ،  
طوفان گلیب پالیدلاری بیخاندا ،  
دره لرین شاریل - شاریل آخاندا ،  
سئلین ، سویون سرعتینی گۆرموشم ،  
طبیعتین قدرتینی گۆرموشم ...

\*\*\*



« قازان کۆشكى » ، مین ایللر در یاشارسان ،  
 بیز گنده ربك سن ینه ده باخارسان ،  
 یاخیشلاری ، یاما نلاری سانارسان ،  
 قایدا بودور ، یاخیشلاری ثوبرسن ،  
 یامانلاری آرخاسینجا سؤبرسن .

\*\*\*

« قازان کۆشكى » ، سحرگونش دوغاندا ،  
 یارپاقلارین قیزیل رنگه چالاندا ،  
 قوشلار بودا قلاردا هارای سالاندا ،  
 گۆزه للیگین معناسینی دویموشام ،  
 شیرین - شیرین خیاللارا اویموشام .

\*\*\*

اوشاقلیغین خاطرهسی دریندی ،  
 اونودولماز ائله بیل کی بو گوندی ،  
 او گونلرین آجیسی دا شیریندی .  
 اوشاقلیقدا شیرین بیر عمر وارمی ؟  
 او گونلره بیرده دؤنمک اولارمی ؟

\*\*\*

بولاق اوستن سوروشردیک آشاعی ،  
 تورپاق تۆکوب لیلله دردیک بولاعی ،  
 آناکلیب بئله گؤرسه اوشاعی ،  
 اوز تورشودوب اونا آجیققلاناردی  
 شامدان سونرا شالوارینی یاماردی .

\*\*\*

سحر - سحر خوروز لارین زیل سسی ،  
 کۆپکلرین قارالتیا هورمهسی ،  
 چالاغانین یثرله کئدن کولگهسی ،  
 بیر تابلودر خاطرلردن سیلینمز ،  
 خاطرهنین ایلکی ، سونی بیلینمز ...

\*\*\*

آخشام یئلی چیریناندا گمجهلر ،  
 آی افقده باشین قویوب دینجهلر ،  
 اولدوز آخیب کائاناتا نور چیلر ،  
 اوزاقلاردا هاوا زیرینگک نی چالار ،  
 گۆزه ل اولور بیزیم یثرده ایلک باهار ،

\*\*\*

آیدینلیقدا یثریمیزی سالاردیق ،  
 آرزومیزی بیر - بیرینه جالاردیق ،  
 گاهدا سوسوب خیاللارا دالاردیق ،  
 گۆزوموزدن یوخو قاچیب گئدردی ،  
 بیرده گۆردون ایشیقلا نیب سحر دی .

\*\*\*

آنام بیزه شیرین ناغیل دیبهردی ،  
 قارا دئوی بیر جبرتدان تولدورردی ،  
 بیر کئچلی قالدیریب شاه ائدردی ،  
 شاه دا تختدن ییخیلاردی ، تولردی ،  
 ائشیدنلر قارنین توتوب گولردی .

\*\*\*

پسپسانین ناز و غمزہ ائتمہ سی ،  
سیچان بگہ بیر گون ارہ گئتمہ سی ،  
بودرہ مہ سی ، گؤلہ چہ دە باتماسی ،  
ناغیلسا دا بیزیم ایچون شیریندی ،  
خیالیمیز گؤلہ چہ تک دریندی .

\*\*\*

سویوق دوشسہ بخارینی قالاریق ،  
تورپاق ائوہ حصیر - پالاز سالاریق .  
هرناغیلدان تازا لذت آلاریق ،  
« قوری کلله » مات قویاندا عاغیلی  
رؤیا گلیب تاماملاردی ناغیلی .

\*\*\*

باہار گلیب گولدورندہ چمنی ،  
یوخ اولاندا سویوق غمی ، قیش غمی ،  
قونوم - قونشی آساردیلار سمنی ،  
سمنی دە پیقیلدایب پیشردی ،  
دورہ سیندہ اوشاقلار گولوشردی .

\*\*\*

قویونلاری آلاکولا سورردیک ،  
ئوزوموزی سوجاغلیغا وئوردیگ ،  
قیندیرغانی دستہ - دستہ درردیک ،  
دریب اوندان یاشیل تفنگک آساردیق ،  
پاپاق هوروب باشیمیزا باساردیق .

\*\*\*



کول دپیندن جیه لگی اوزردیک ،  
اوزوب ییغیب ، دسته - دسته دوزردیک .  
دورنا کیمی کنده طرف اوزردیک .  
اوده هر کیم جیه لکدن ییه ردی ،  
تعریف قالخیب آغ بولودا دگردی .

\*\*\*

پاییز وقتی بوداقلاری اگردیک ،  
سالخیم ، سالخیم قاراگیله درردیک ،  
قایدایله یارپاق اوسته سرردیک ،  
اوه گلجهك تخته - تاباق دولاردی ،  
قونشولارین پایی آیری اولاردی .

\*\*\*

گردکانین زغلینی سویاردیق ،  
سائین توتوب هییه میزه قویاردیق ،  
الیمیزین قاراسینی یویاردیق ،  
صبح چولده داشلا ازیب ییهرردیک ،  
هاوالانیب «کور اوغلو» دان دییه ردیک .

\*\*\*

قار یاغاندا قوشا جله قوراردیق ،  
جله میزین کشیگینده دوراردیق ،  
دوشن قوشی تئز جله دن قیراردیق ،  
اوره گیمیز قوش کیمی چیریناردی .  
آیاغیمیز قار ایچینه جوماردی .

\*\*\*

«قازان كۆشكى» كەنە كىندىن كۆللەر ،  
ياز گلەندە داغ - درەنەن سىللىرى ،  
سلطانكىندىن لالە بىتە ن چۆللەرى ،  
خاھىمىدە سىلەنمەن اىز سالىب .  
اۈ لالەلر اورە گىمە كۆز سالىب .

\*\*\*

« سويۇق بولاق » بوداغلارنىن كۆزۈدەر ،  
جوانلارنىن سىھىتىدەر ، سۆزۈدەر ،  
« گۈگۈرد بولاق » لاپ لىقمانىن ئوزۇدەر ،  
مەن دە بىر ۈقت بوسولاردان اىچمىشەم ،  
ھاۈالانىب دولايلاردان كىچمىشەم .

\*\*\*

« قازان كۆشكى » ، « آت اۈچانىن » مەشەسى ،  
يىمىشەنى ، نىل اۈدونى ، ولەسى ،  
دالىمىزىن زەندان كىمى شەسى ،  
بو گۈن بىللە آغرى قۇيۇب بىلىمە ،  
دانىشماغا داھا كلىمىر دىيلىم دە .

\*\*\*

يادىمدا در ، اووما كۆنۈن چارىغى ،  
چارباغىسى ، پاتاۈاسى ، سارىغى ،  
آياغىمىن پىچىلغانى ، يارىغى ،  
مۇدا بازلار اۈگۈنلرى كۆرئىدى ،  
بوگۈنلرىن بىلكە قەدرىن بىلىدى .

\*\*\*

«قازان كۆشكى» ، ال داشىنى چكردىك ،  
بوغازىنا آرپا ، بوغدا تۇكردىك ،  
يادىمدا در يىرى خىشلا سۇكردىك ،  
كىندە ايشىق گلدى اۈنلار يۈخ اۈلدى ،  
اۈل - اۈبانىن كۆبلى - كۆزى تۈخ اۈلدى .

\*\*\*

كۈلگە يىردە قالاشكى قوراردىق ،  
چكىلردىك بىر آز گىندە دوراردىق ،  
سقىمىزى توشلا ياردىق ، وورادىق ،  
اىستى گۈندە آياق يالېن گزەردىك .  
تىكان باتسا آغرىسىنا دۆزەردىك .

\*\*\*

بىللوخان دا ياخشى سقىمە آتاردى ،  
گۈلمەلىدى ، ھەردن «جنى توناردى»  
مەرباندى ، ياخشى دوستلىغى واردى ،  
ھىچ بىلمەدىك گىندى نەبىن بادىنا ،  
اىندى اۈنى سالان وارمى يادىنا .

\*\*\*

بىنەلرە گىندىب قوناق قالاردىق ،  
قامىش كىسىب ياخشى تۈتك چالاردىق ،  
بولاق اۈستە يۈز قالماقال سالاردىق ،  
بۇيۈكلەردن بىرى گلەسە سوساردىق ،  
ھەر بىرىمىز بىر طرفدە مىساردىق .

\*\*\*

«قازان كۆشكى» بىنەلرە نەزەر سال،  
صمد ابلە علمىرزانى خىبر آل ،  
جىغىرلاردان، بولاقلاردان بىر احوال ...  
او كۆزەللەر اجل مى بىن اچىيلر،  
ساغ قالانلار بىنە لردن كۆچوبلر ،

\*\*\*

يورد يىرىنى كۆرۈپ آياق ساخلا دىم ،  
بىر آه چكىب ، اىچرىدن آغلادىم ،  
كۆز ياشىملا جگىرىمى داغلادىم ،  
ازل گوندن كىچە ن گونە گون چاتماز ،  
كىچە ن گونلر گرى دۇنمز، قايتماز .

\*\*\*

قارا انجىر يوخ اولوبدور ، ايتىيدىر ،  
يىرىندە سە جوان شىولر بىتتىدەر ،  
گوگرد بولاق لىللە نىبىدەر، باتىيدەر ،  
باشى اوستە فكرە دالىب آغاچلار ،  
بوئىرلەر گلەن ، نە دە گىئەن وار ...

\*\*\*

يادىمدا در ياشىل مئشە ، كۆى تالا ،  
او كۆزەللىك هاچان كلىمىش زوالا .  
اونى كۆرەن نىجە دۇزسون بو حالا ؟  
كچل باشا دۇندە رىبلر مئشەنى ،  
او دنبايا كۆندە رىبلر مئشەنى .

\*\*\*

بو عالمىن وفاسى يوخ ازلدن،  
كىم قورتارىب وقتىسىز گلەن اجلدن.  
بىر دنبايەر جوانلارى قوجالدىن  
گاه آتلىنى توتوب آندان اندىرىر ،  
پىادانى گاهدان آتا مىندىرىر .

\*\*\*

التفاتى، جهانگىرى آنىرام،  
توستى چىخىر باشىمدان اولدىنىرام،  
صىفرە نىن طالعىنە يانىرام  
يىرىندە بىر نشانلىسى قالمادى،  
ئولنە جن وطن دئىب آغلادى .

\*\*\*

مشد عزالى، كالىبا احد وار ايدى،  
باغلار يىندا شاه توت، اريك، نار ايدى .  
بوداقلارى سالخىم - سالخىم بار ايدى،  
بار كىنرەن او بوداقلار نىچ اولدى؟  
او كىشىلر كۆچدى، باغلار نىچ اولدى؟

\*\*\*

فاطى تىز - تىز پاپىروسى ائشەردى،  
سانسورادان كىنار سۆزلر قوشاردى .  
قوجا - جوان دىنلە يىب گولوشردى،  
هر دندە بىر سسلە نردى قاسمخان  
«فلان - فلان اولسون آى سنى دوغان»

\*\*\*

منیم آنام شاعر کیمی جوشاردی،  
یالنیشلارا مزه لی سۆز قوشاردی،  
دده مده هردن بیر ساتاشاری.  
کیشی قالخیب مشه به ال ائنده،  
بازیق آرواد قاچیب دوراردی گئنده.

\*\*\*

گۆزه لرین گۆزه لی خاور ایدی  
کند میزده یگانه گوهر ایدی.  
حاتم کیمی سخاوتی وارا ایدی،  
چرشنبه ده بیزه پای گۆنده رردی،  
آتام اونا شوپوت - کشنیش ده رردی.

\*\*\*

میرسه قلی زنجیرینی قیراردی،  
کند ایچینده نعره چکیب دوراردی.  
چپیشلرین قولاغینی بوراردی،  
اوشان - موشاق یاواشجا سپیخیراردی،  
اٹوه گیریب پنجره دن باخاردی.

\*\*\*

بازیق بگلر آچیلما میش چپچکدی،  
جوان ایدی، گۆزه ل ایدی، زیر کدی.  
مرده باهار، نامردلره شیمشکدی،  
ظالم فلك اونى بیزدن تمز آلدی،  
عمر و موزون باغ - باغچاسی سارالدى.

\*\*\*

سلمان کیشی بو دنیا دان کۆچوبدور،  
یوزدن سونرا اجل جامین ایچیبدر،  
قوجا دنیا اکدیگینی بیچیبدر،  
کروان گئدیب دالدا قالان بیر منم،  
منده بوردا اوزون عمر سورمه رم.

\*\*\*

اوشاقلغین لذتینی بيلمه دیک،  
حرب باشلاندى دورد ایل یاریم گولمه دیک،  
قلبیمیزدن غم توزونی سیلمه دیک،  
یامان گونلر بختمیزه پار اولدی،  
جوان عمر وقتسيز سارالدى، سولدى.

\*\*\*

توپ سسیندن گوی بوداقلار سارالدى،  
داغ باشینی دومان توتدی، چن آلدی،  
مرد ایگیتلر دؤیوشلرده قوجالدى،  
قوجالانلار بیرجه - بیرجه کۆچدولر،  
آیریلیغین شربتینی ایچدیلر.

\*\*\*

قازان کۆشکی، یادا دوشدی بیر آنلیق،  
جیره ایله گئچیردیک زندگانلیق،  
قلب آغریسی اولدی بیزه یاوانلیق،  
داخما میزا گلن قوناق تیف اولدی،  
قوجا، جوان عمر و موز حیف اولدی.

\*\*\*

بیر - بیریندن قارا گلدی گونوموز،  
فلکلره یئتیشمه دی اونوموز.  
یادیمدا نثجه یاندى ائویمیز،  
اودا ییچینده پارچالانان ال داشی،  
آنامیزین اولدی آهی، گۆز یاشی...  
\*\*\*

ازل گوندن بو دنیا یا گلە لی،  
قانلی اولموش انسانلارین بیر الی،  
دنیا ایشی مزه لیدر، مزه لی...  
بو حکمتین سرینی بیر آچان یوخ،  
بو قورقودان گیزلە نن یوخ، قاچان یوخ.  
\*\*\*

اوزوموزه دوغدی بیرگون آل سحر،  
بوز دومانان تمیزلندی اقلر.  
ئولدی دشمن، بیز قازان دیق مین ظفر.  
انسانلیغین خلاصکاری بیز اولدوق،  
بین الملل عهدیمیزه دوز اولدوق.  
\*\*\*

بایراغیمیز برلین اوسته اوجالدى،  
رايشتاخا گؤلگه سالدى، نه سالدى.  
قوجا قاشیزم زهر ایچیب پوج اولدی.  
گرک لنین بو ظفری گۆرئیدی،  
گرک گۆروب، اوندان سونرا ئولیدی،  
\*\*\*

قاشیستلرین کسینده گلە گی،  
قلبیمیزده اسدی باهار کوله گی.  
الترینده آلماسیا چیچگی،  
تیریک ایچون گلدی نثجه یار - یولداش،  
ستوینجیدن گۆزوموزدن آخدی یاش.  
\*\*\*

ایندی ده وار ظلمکارلار یاتیدیر.  
داها بیلیمیر ظلمون صونی چاتیدیر.  
دوزی آتیب، اگری یولی توتوبدور.  
اهریمن تک ظلمتلره بویانمیش  
انسانلیغا جومماق ایچون دایانمیش.  
\*\*\*

ریاست چین وجدانیندان گئچنلر،  
شیطانلیغا ال باسیب، آند ایچنلر،  
بو دنیا دان مغرور لوقلا کۆچنلر،  
ئولکه لری آلتدان - آلتدان سویورلار،  
ملتلری قوری یشرده قویورلار.  
\*\*\*

قازان کۆشکی، مرد ایگیتلر گۆرموسن،  
ساجیلارینی دومانلاردان هورموسن.  
اگیلمه دن مین ایل عمر سورموسن،  
ظلمکارا سن ده ده نفرت باری،  
صلح گتیر سین ویتنامین بهاری.  
\*\*\*



قازان كۆشكى، هاميميزدان اوجاسان،  
دنيا گۆرموش قوجالادان قوجاسان،  
تاريخلىرى سيرا ائتمه دين بيرجه سن،  
سن كى بوگون ياخين - اوزاق تانيسان،  
بير اوتايا نظر يئتير، دانيس سن...

\*\*\*

بيليرميسن نه زماندر باغرى قان.  
يول گۆزله بير گۆزى ياشلى ساوان.  
آرزولارى بنده دوشن پوج اولان  
آنالارى، بابالارى ياداسال،  
آيرى دوشن اوبالارى يادا سال.

\*\*\*

يئر اوزونه قان چيله ين، اود ووران،  
عناديندان دؤنه جكمى بير زمان؟  
وقت گلهرمى، تاپيلارمى بير انسان؟  
يئر اوزوندن چيرلىرى گۆتورسون،  
قارداشلارى قارداشلارا يئتيرسين.

\*\*\*

بو چمنين تازا گولون درئيديم،  
ئوز اليمله بيرجه دسته هؤرئيديم،  
ئولمه ييديم شهربارى گۆرئيديم،  
من ده اونون « دردلىله آغلارديم،  
بوز دوندوران اور كلرى داغلارديم».

\*\*\*

قازان كۆشكى، بير نظر سال جنگانا،  
قاراگوندن قالمايشدر نشانا،  
قيزلار چيخير ياراشيقلى ايوانا...  
بو ائللرين جوانلارى بخته ور،  
گلينره دسته توتوب، چيچك در.

\*\*\*

ياناقلارى لاله رنگلى كۆرپه لر،  
ياتاغيندان اركن دوروب گولومسدر.  
باغچالاردان گولوش سسى يو كسه لر،  
بو يئرلرده قيزديرمادان اثر يوخ،  
كند ايچينده «يامان گۆز»، «بدنظر» يوخ.

\*\*\*

طوى - بايرامدر درس ايلينين گلهمسى،  
كندى بورور نغمه سسى، زنگك سسى،  
مكتبلينين ئورگنمه به هؤسى:  
تنفسده شعر دئيب جوشارلار،  
هردم ده بير ئوز لريندن قوشارلار.

\*\*\*

تراكتورلار داغ دؤشونده نريلدر،  
دگيرمانلار آشاغيدا گورولدار،  
گاز ماشينلار ساغا - سولا فيريلدار،  
هرقايدا آخشام بير اولدوز يانار،  
آي دا چيخيب دام اوستوندن بويلانار.

\*\*\*

قازان كۇشكى مجلسلردە سۆزوم وار،  
يوللاریندا، ایزلرینده ایزیم وار.  
آینا گۆزلی چشمه لردە گۆزوم وار.  
بو دنیا یا گلەن قالماز، ها قالماز،  
من گئتسه مده كونلوم سندن آیریلماز.

ابوالفضل حسینی ( حسرت )

بۇيوك آذربايجان شاء-رى سىد محمد حسين شهربارىن-  
« حیدرآبا » منظومە سینە جواب اثریندن بیر حصە

۲۳ مارس ۱۹۶۷ - چنگان کندی

يوردموزون خزان ووران چؤلوندن ،  
باھارینا حسرت قالان گولوندن ،  
اثللرینین باغلی قالان دېلیندن ،  
استادلارین استادینا سلاملار !  
تورپاغنین اولادینا سلاملار !

\*\*\*

شهرباریم ، شهربارلار تاجیسان ،  
اورك شكار ائتمه یه ، قشقا جیسان ،  
« مرده شیرین ، نامردلره آجیسان »  
الماسلارلا یازیلیمیش بیر اثرسن ،  
« ظالملى قیلیج کیمی کسه رسن ! »

\*\*\*

اثر یازدین ، هئج بیلیمیرم توپ آتدین !  
ایللر بویى یاتانلاری اویاتدین !  
یارامیزین گۆزمه یینی قوپارتدین !  
« كهف » اوچوب ، تورقیریلیب گۆزومدن ،  
اوتانیرام من باخاندا ئوزومدن .

\*\*\*

دولاییدا سیره چیخان گونلری ،  
باش آشاغی دوروب باخان گونلری ،  
کوره‌ک زویوب سنی بیخان گونلری ،  
من ده باخیب اوزاقلاردان گوروروم ،  
سئل آخیدان بولاقلاردان گوروروم ،

بالیق کیمی اوره گیمین دلی یوخ ،  
عصرلری گۆزله‌میشم ، ایلی یوخ ،  
بیرسازیم وار قیریق - قیریق تئلی یوخ ،  
هئچ بیلیم اونی نئجه چالیم من ،  
یئر اوزونه قیامت لر سالیم من ،

\*\*\*

ظلمله اولدی خزان گوللری حیدر بابانین ،  
آه چکیب ، ناله ائدیر یئللری حیدر بابانین ،

\*\*\*

یارپاق کیمی کولک قیریب بوداقدان ،  
چیرپا - چیرپا آشیر سادا مین داغدان ،  
دنیزلرین اوباشیندان اوزاقدان ،  
ئوز باغچامی ، ئوز باغیمی گوروروم ،  
حیدر بابا - شاه داغینی گوروروم .

\*\*\*

آیلاری داردان قالیب ، گونلری ظلمتده کچیب ،  
گۆزله بیر بایرامینی ایللری حیدر بابانین .

\*\*\*

داشلی بولاق بیر سئل کیمی داشایدی ،  
گۆز یاشیمی ئوز سو یونا قوشایدی ،  
شبلیدن ده سهند دن ده آشایدی ،  
سینمده کی بوداغلارا آخایدی ،  
زندانلاری ، چپرلری بیخایدی .

\*\*\*

قوشلارین اوچدی یوواسی ، چمنی توتدی دومان ،  
بورونوب آغ کفنه چوللری حیدر بابانین

\*\*\*

چن توتوب فله‌سینی ، گۆزلری یوللاردا قالیب ،  
نوباهار ایسته‌بیر اوتئللری حیدر بابانین .

\*\*\*

آیریلغی حيله ایله سالدیلار ،  
وصله چاتیب ئوزلری ذوق آلدیلار ،  
ئوز ائویمده منه حاکم اولدولار ،  
قفسده‌یم گۆزه‌للیگین اوجوندان ،  
قیزیل اوسته ئولدورورلر آجیندان .

\*\*\*

گۆزلریم هجران الینده ایکی قان چشمه سیدی ،  
بیخاجاق غیر ائوینی سۆزلری حیدر بابانین .

\*\*\*

آچاجاق شیرینینی بیله آغیر زنجیردن ،  
کوجله فرهاد کیمی ائللری حیدر بابانین .

\*\*\*

\*\*\*

باغرینا باسماق ایچون اوغلونى یعقوب کیمی ،  
آچیلیب حسرتله قوللاری حیدرآبانین .

\*\*\*

یاز گلنده سئل آخسین ، طوفان اولسون ،  
افقترین گۆزی دولی قان اولسون ،  
گورلاماغا بولوتلاردا جان اولسون ،  
یاغیش دگیل ، گۆیدن آلوو توکولسون ،  
سکونتین حصارلاری سؤکولسون .

\*\*\*

دام قایانین قله سینه چیختیدیم ،  
کچمیشینه ، ایندیسینه باختیدیم ،  
سو اولتیدیم دره سیله آختیدیم ،  
دولانتیدیم داشلارینین باشینا  
« بیرگۆدئیدیم نهلر گلیب باشینا »

\*\*\*

بلی ، من ده او تورپاغین اوغلو یام ،  
حقیم وار کی ، وطن دئییب آغلییام ،  
« قیش دوندوران ادرکلی داغلییام »  
بلکه بیرى یانا منیم حالیم ،  
غمدن دوشن اور کده کی خالیما .

\*\*\*

ملیک نیاز منیم دوغما عمیمدی ،  
او قیرغی تک اوچان ایگید منیمدر ،  
خاطره سی ابدیلیک غمیمدر ،  
قربان اولوم اونون ورندیلمینه ،  
سنین اونا شهرت وئرن دیلمینه .



یاقوت اللہی دماغی گریب

سہ قرین کو گمانی گریب

رشدہ دن نوہ کو تو راہی

تیر کین راست جا لارین ارید

ماہی لری سہش کین کرودو

بسم اللہ الرحمن الرحیم

Handwritten text in Urdu script, including a circular stamp and several lines of prose.

بسم اللہ الرحمن الرحیم

Handwritten text in Urdu script, including a circular stamp and several lines of prose.

تفنگینی کاش کی، بیرده سالتیدی .  
آتا مینیب چاپرازیدان چالتیدی ،  
نامردلردن بیر انتقام آلتیدی ،  
قوپارایدی کدیکلری یولومدان ،  
قیرایدی بوزنجیرلری قولومدان ،

\*\*\*

سید رضا دوستوم ، عزیز قارداشیم ،  
آنلی آچیق ، قلبی تمیز قارداشیم ،  
دئمه چیخدی منیم فرسبز قارداشیم ،  
جوانلیقدا عقل آزار ، هوش آزار ،  
هردن - بیردن یوواسیندان قوش آزار .

\*\*\*

میر کریمین تاریخ - معجم کتابی ،  
ملا علینین اونا شیرین جوابی ،  
اوشاق ایدیک اوخویوردوق نصابی ،  
بایرام پایی بوشقابلاردا گلردی ،  
ایده - بئمش گوللر کیمی گلردی .

\*\*\*

ملا ابراهیم درسدن آزاد ائدردی ،  
قلبیمیزی قوش کیمی شاد ائدردی .  
« ممد حسین » اوغلونو یاد ائدردی ،  
دیردی کی ، « الیمیزدن آلدیلار ،  
بالامیزی بیزدن آیری سالدیلار . »

\*\*\*

ای کاش بیرده اونا شاگرد اولثیدیم ،  
قلمیندن یثنی سرمشق آلتیدیم .  
عمروم بوی خدمتینده قالدیدیم ،  
هانی منیم گۆزدن ایتن گونلریم ؟  
خیال کیمی ایتیپ ئوتن گونلریم ؟

\*\*\*

بو داغلانان سهنمدن بیر گول دریم ،  
صبا ، دایان ، اونى سننن گۆندریم ،  
ایله سین او ، اوبالاریم ، ائللریم ،  
بلکه باخیب صونرا کتیری دؤندره  
بیرجه دانه هوو یارپاقی گۆندره .

\*\*\*

تؤ کولوم داش گۆرن هله قالیرسان ؟  
بو کۆرپه‌نی هتچ یادینا سالیرسان ؟  
اوشاقلاردان یازدا خبر آلیرسان ؟  
بیر دئییرسن منیم بالام هاردا در ؟  
نه اولوبدور ، ئولوب ، قالیب ، داردادر ؟

\*\*\*

هفته ده بیر چؤله سئیره چیخاردیق ،  
قویونلاری بیر - بیر توتوب ساغاردیق ،  
سپه لشیب اودونلاداش بیغاردیق ،  
قووردماجی بیشیرردیک ، بیشیردیک ،  
ممی به ده ، چوخ - چوخ - ساغ اول دئییردیک .

\*\*\*

شاهین کیمی فانادیمی آچیرام .  
او داغلارین هاواسیلا اوچورام ،  
روحاً قونوب داشدان داشا - قاچیرام !  
گل - گل دئیر منه گۆزه‌ل گورگوروم  
دائیم سنی آخار گۆروم ، گور گۆروم .

\*\*\*

صونرا دوروب جووجامانی قوراردیق ،  
جووجامانین آرخاسیندان دوراردیق ،  
ککلیک لری خاملایاردیق ، ووراردیق ،  
آی اونلارین قاقیلتیسی ، آهنگی !  
جووجامانین بیر پرده ده مین رنگی ! ...

\*\*\*

آپار منی ئوز کندیمده بنده وور ،  
عصمتیمین زلفونده کمنده وور ،  
اغبار ووردی اسیر گمه سنده وور ،  
بیرجه ساعات ئوز یوردومدا قالدیدیم ،  
ئولنده بیر راحت نفس آلتیدیم .

\*\*\*

نامرد فلک داغی قویور داغ اوسته ،  
یارما یوان یاغی تۆکور یاغ اوسته ،  
بیر چوبانام اوتورموشام داغ اوسته ،  
بلکه آزان قویونلاری قایتارام ،  
قورد الیندن بیر شیر کیمی قورتارام .

\*\*\*

شەنگىل آوا يوردوموزون گلىنى،  
اليم چاتمىر درەم قىزىل گولونى،  
بىردە گۇروم اوباسىنى، ائلىنى،  
آنام گزەن يىرلىرى بىر ئوپمەن،  
بولود كىمى گۇزومدن ياش سېمەن.

\*\*\*

ھاياتىمدا خوش بىر گونوم اولمايىب،  
اولوبسادا ھىچ يادىمدا قالمايىب،  
فلك بىر يول اور گىمى آلمايىب،  
سالىب بىندە قانادىمى آچاندا،  
قانادلانىب مەن بووامدان اوچاندا.

\*\*\*

ئوز قلىمىزى تاكى، قارا تىللەرە وئردىك،  
آتىلارى گىزلىتمەك اوچون گوللەرە وئردىك،

\*\*\*

بىر موج كىمى ساحلە چىخماق دىلەر اىكن!  
ئوز يوردوموزون تورباغىنى يىللەرە وئردىك!

\*\*\*

زولفوندىن اوزاق ھىجر سەمەسەندا گونشەك!  
ياندىقچا لىطافت، بىز او سونبوللەرە وئردىك!

\*\*\*

داشلاردان آخان چىشمە كىمى بىر چۇبوموز يوخ!  
گىت گۇر كى، بو فقربلە نەلەر چۇللەرە وئردىك.

\*\*\*

ھەرچەند اوزوموز گولمەدى دىنباھە بولوت تەك!  
ھەر قەتەدە مەين رەنگە آچىلان گوللەرە وئردىك!

\*\*\*

مەھبوت باخىب داغ كىمى دورساق دا بو گون لال،  
فەرھادلار مەن شەھرىنى دىللەرە وئردىك!

\*\*\*

ھىسرتدە ھىلال تەك بىزى اىنجىتسەدە دۇران!  
شادىق كى، قارانلىقدا شىق ائللەرە وئردىك!..

\*\*\*

غەم ئونوندى داغلار كىمى داياندىم،  
سەللەر كىمى چۇللەر، چايلار دولاندىم،  
پروانە تەك اوددا، آلوودا ياندىم،  
نە وای دىدىم، نە سىمى او جالتىدىم،  
سەكوتوملا دىشمىمى قوجالتىدىم...

\*\*\*

گىتمەز اوزوموزدىن بو گولوش اىزلىرى ھىچ آن!  
طوفان نە قەدر بىرەك اولابىرەك چاغلار بار عمان!

\*\*\*

سۇنمەز اورە گىم شەمە كىمى سەبەح آچىلىنجا!  
ظلمەتدە اونى ياندىراجا قەدر قارا ھىجران!

\*\*\*

ال توتما مەنەم قارشىما، گىل كىچ قاباغىمەدان!  
سەل داشسا يىخار سەدى، اندر عالمى وىران!

\*\*\*



بیر زنگ کیمی سوسما یا جاقدر بو گوژوللر!  
تاچاتمایا ئوز منزلینه یولداکی کاروان!

\*\*\*

حسرتده یانان قلیمیزه دگمه سین اغیار!  
اوینارسا اود ایله یاناجاق بیلسین او نادان!..

\*\*\*

اوتورموشدوم فکرلرده اوزوردوم،  
بهار ایدی، کندیمیزه گزیردیم،  
چیچک دریب من یاخاما دوزوردوم،  
خیال قوشوم چمنلردن کتچیردی،  
هردن دؤنوب بولاقلاردان ایچیردی.

\*\*\*

ناصرخان گیل گتتمیشدی قیز قاچیردا،  
طوی ایله یه کؤهلنلری چاپیردا،  
دعوا دوشدی اورتادا، وورها - ووردا،  
اسکندری ماماندا ئولدور دولر،  
ئوزلرینی عالمه گولدوردولر.

\*\*\*

یازیق داییم اوردان گتندی گودازا،  
حیف دگیل مرد ایگیدلر یول آزا؟  
نیشانلییدی لاله آدلی بیر قیزا،  
یاد ئولکهده یاتاقدان گوللندی،  
باشیمیزا داغ اوچدی، کول الندی...

\*\*\*

مشد آجعلی منیم بیبیم اریدی،  
آخیرینجی گوژه للردن بیری ایدی،  
یاخیناجان یازیق کیشی دیریدی،  
مشدشریف ئولدی بئلی بو کولوی،  
اوغول داغی اونا هاسات دگیلیدی.

\*\*\*

هردن گتدیب خرمنده ول سورردیک،  
ول سورمه یی آخ نه قدر سئوردیک،  
دانالاری ناحق یثره دؤیردیک،  
یادا سالیب آخورونی، طؤیله نی،  
بویون وئریب سیندیراردی زؤوله نی.

\*\*\*

دانادان پیس تاپدا بیرلار انسانی،  
انسانلاردا دانا کیمی حس هانی؟!  
یاخشی تاپیب دانادان پیس نادانی،  
ایشله دیرلر بویوندوروق بوینوندا،  
آغزی باغلی، نعمتلرین قوینوندا.

\*\*\*

سوسما کؤنول، هی داد ائله، فریاد ائله، فریاد ائله!  
عالمیری فریاد ایله بریاد ائله، بریاد ائله!

\*\*\*

باخ حالینا، احوالینا ئوز ایسته یین آمالینا،  
آنجاج ئوزون ئوز حالینا امداد ائله، امداد ائله.

\*\*\*

قیر زنجیری، آج دیللی، یاندیر قیزیل مشعللی،  
گون گورمہین مرد ائللی آزاد ائله، آزاد ائله.

\*\*\*

بیگانہ لر، بیگانہ در، افسانہ لر افسانہ در،  
یوردون اوچوب ویرانہ در، آباد ائله، آباد ائله.

\*\*\*

حسرتله گل فریاد ائله، گل داد ائله، بیداد ائله،  
یا تول، یا قال پاک آدیله، بیر آد ائله، بیر آد ائله!

\*\*\*

ہی دئییرم، سؤزلریمده اثر یوخ!  
دیلم قیلنج، اللریمده کسر یوخ!  
یوخ، یوخ، دئمہ بو کوشنده نمر یوخ!  
اک توخومی، یاغیش یاغار بار وئیر،  
گون گلرہ دونموش تورپاق نار وئیر!..

\*\*\*

عزیز استاد! بوتون سؤزلر یالانمیش!  
ایلان ایله یازیق ائلر تالانمیش!  
ایلردر کی، «غم اوستہ غم قالانمیش!»  
ابلیسلرین چہرہ سیننی گورن یوخ!  
جلادلارین جزاسینی وئرن یوخ!

\*\*\*

هرمظلومون سسی واردی دنیا،  
ہارای چکیر، رد اول دئییر جلا،  
فقط بالیق دیلسیز اولور دریا،  
دیلسیر لیکن مینی بیردن توتولور  
حراج اولوب بازارلاردا ساتیلیر!

\*\*\*

بابانیزیق دئییر بیزہ کشچیر لر!  
بو ساققالار عمر و موزی هئج ایلر!  
دیوان ایلر، آنجاق نییہ گئج ایلر!  
آہلاریمیز نہ وقت دؤنر. طوفانا!  
ووروب یبخار، نہوار قویار ویرانا؟

\*\*\*

طوفانلارین نعرہ سینده گوزوم وار،  
بیر انسانام، دریا قدر سؤزوم وار.  
زمیم، باغیم، داغیم، دہرہم، دوزوم وار!  
ہامیسینین سو آشیدر باشیندان،  
گون اوزونہ حسرت قالب یاشیندان.

\*\*\*

توتوب داغا عظمتله اوزونی،  
شیر اندیرسن سولی یشرین دوزونی.  
دئییرسن کی، «چوبان قایتار قوزونی»،  
سین گلیر ائلرینہ، دور دئییر  
آزغینلارا دوروب، محشر قور دئییر.

\*\*\*

یانان یثردن توستی چیخار مثلدر،  
یثربندہ در، معنالی در، گۆزہ لدر  
شعرلرین سۆز قصرینہ تملدر  
«ایلك کریبجی کج قویمایب معماری،  
چاتدیر اجاق فلک لره دیواری».

\*\*\*

چوخ ستونلی قصرلر دوران ییخیب، برباد ائدیب،  
بیستون ویران ائدیلمز چونکه عشق آباد ائدیب.

\*\*\*

کۆلکه سالماقدر ایشی سروین، چنارین باشلار،  
میوه وثرمکدن طبیعت اونلاری آزاد ائدیب.

\*\*\*

حقی وار کی، سؤیله سین عمر ائیلیمیش انسان کیمی،  
کیم کی، بیر قلبی حیاتدا بیرجه دفعه شاد ائدیب.

\*\*\*

هر آدام بیر ایشده ماهر، هر گولون ئوز حسنی وار.  
سینه یه اود سالماغا خلقت سنی استاد ائدیب.

\*\*\*

سئل کیمی چؤلر کشیب، قارتال کیمی داغلار آشیب،  
آلمایب عکس - صدا قلبیم بو قدری داد ائدیب.

\*\*\*

گاه قویی، گاه زندانا بیز دوشموشوک یوسف کیمی،  
قول ائدیب ساتمیش بازاردا کیم کی، بیر امداد ائدیب.

\*\*\*

کشچلله زلفعلی؟! آد قویورلار،  
گۆزه للزین دریسینی سویورلار،  
تولکولو کدن بیرجه مگر دویورلار؟  
ایش - گوجلری بیر - بیرینه کلک در؟!  
عهد - پیمان یئل ئونونده للکدر...

\*\*\*

تاپدار فلک حیاتدا بیزی مین بلا وثررا!  
سورتدو کجه گوهری اونا زر گر جلا وثررا!

\*\*\*

دویماز بو دردی کؤ کسونه مین داغ چکیلمه یین،  
نی در فقط کی، ناله نی دینلر، نوا وثررا!

\*\*\*

یالنیب بؤیوک اور کلره تأثیر ائدر فغان!  
داغلار همیشه سئلره عکس - صدا وثررا!

\*\*\*

سندن سوی هئج کیمه آچمام بو قلبیمی،  
آنجاق بهار گولره ذوق و صفا وثررا!

\*\*\*

حسرت گئجه م او وقت منیمچون سحر اولور.  
تاکی صبا او زلفی اوزوندن یانا وثررا!

\*\*\*

وصل، هجران هر بيري بير جور ساليب اود جانيم،  
هر دغه بير درد ايله «حسرت» يانيب فرياد ائديب.

\*\*\*

«حب الوطن» معناسيني بيلمه ين.  
ائل ياسينا بير جه دفعه گلمه ين،  
باير اميندا آغيز دولي گولمه ين  
منصب او چون «وطن» ديه قيشقيرير،  
بوغاز بير تير، قول سينديرير، قيچ قيرير.

\*\*\*

تعلقلر رنگي توتوب دنياني،  
لکه له ييب، زده له ييب وجداني،  
پالچيقلاردا چيخسين ايندي قوي جاني!  
قيزيل قالار لحيمده ده پاسلانماز،  
دردانه لر دريادا دا ايسلانماز.

\*\*\*

فلك طاغي ازل گوندن ترسه در،  
اولدوز آخير گوشه يول گؤسترير،  
ميدان گئيش، ايشلر بحثه - بحثه در،  
منجم لر رصدلري باغلاسين،  
دوربين لري بير آز ياخين ساخلاسين.

\*\*\*

بو سينه ده درد آيري، درمان آيري،  
دردی دويان حکمتلی لقمان آيري،  
آزقين آيري، ياد آيري، مهمان آيري،  
اولجه سن قيلنجيني تاپگيلن،  
باراداخلایيب جلالداري چاپگيلن!

\*\*\*

ياخشي دئيپ «هم ثياب في ذئاب»  
ترسه سينه «او ذئاب في ثياب»  
بودر منده نادانلارا صون جواب،  
کاروانيميز قرينه لر کئچه جک،  
يوسفينه توي پالتاري نيچه جک.

\*\*\*

«يوسفی آخر آلالر آغوشه کمنان غم یشمه،  
گول آچار بير گون ينه سولموش گلستان غم یشمه.

\*\*\*

پوزما سن احواليني بو ياره لي مفتون کؤنول،  
ايله ير ئوز دردينه البته، درمان، غم یشمه.

\*\*\*

ميلميزله دؤنمه دي بير کون اگر چرخ فلك،  
دايما بير حالدا قالماز هئچه ده دوران، غم یشمه.

\*\*\*

نااميد اولما کؤنول، مين بير اويون وار پرده ده،  
سرلر چون خودور هله خلقتده پنهان، غم یشمه.

\*\*\*

غم الينده كيم اسيردر يارسيز دلدارسيز ،  
سؤيله كي، غمخوار اولار آخير بيرانسان ، غم يئمه .

\*\*\*

كعبه مقصد دالينجا پا پياده وور قدم،  
مين تيكان توتسا يولون ، يورسا بيابان ، غم يئمه .

\*\*\*

قالميشيق دلداره حسرت ، كام آليز ظالم رقيب،  
عيبی بوخدور ، محو اولار آخرده هجران ، غم يئمه .

\*\*\*

باخما يول دهشتلی در ، مقصد نظرلردن اوزاق ،  
هانسی مشکل اولماييب آخرده آسان ، غم يئمه .

\*\*\*

سؤيلمه حافظ ، منه بسدير دعا قران ايله ،  
صدق ايله اولسان عملده سن سلمان، غم يئمه!

\*\*\*

« مغنی » دن دونن بير بيت آلميشام ،  
قدرتینه دوغروسنی مات قالميشام .  
بونغمه يه فارسجا ادنی سالميشام :  
« شبانی ندارد مگر این رمه ؟  
جهانست بر کام گرگان همه !؟ »

\*\*\*

بونسی دئديم توتدی اليمدن الم ،  
بير مصراع دا عرب دن آلدی قلم :  
« اذافسدالعالم، فسدالعالم »

نغمه بير در . سؤزده بيردر، دليل آیری  
دده بيردر ، غم ده بيردر ، ائل آیری.

\*\*\*

جیرتدان گئديب آغ دئو گيله قوناق در ،  
هامی بيلير جیرتدان دئودن اوياق در ،  
ياتماميشيق ايلك آخشامدان هاچاق در ،  
ائو چاپيليب ، بيرجه دانا قلبير يوخ ،  
دئوی سويآ گؤندر مه يه البير يوخ !

\*\*\*

گون سمانين چميننده سارالدي .  
دومان چؤ كدی ، آل افق لر قارالدي ،  
آی گلمه دي ، حوصله ميز دارالدي ،  
بخت اولدوزوم بولوتلاردا باتيب در ،  
سعادتين داشين بيزدن آتيب در ،

\*\*\*

باجالارين بورولاردي توستوسي ،  
دادلی اولور كرسی لرین ايستی سی ،  
خوروزلارين بانناماسی «بيستی سی»  
قو قولي قوقو ، نه ده ايتی بيچاقدی ،  
آنام دئيبير: کيم ياتيب ، کيم اوياقدی ؟

\*\*\*

رخشنده ایله آنام صیغه باجیدی ،  
کندیمیزده گۆزللرین تاجیدی ،  
هلال اونون بیر قاشینین اوجیدی ،  
میر جبارین ئولمه سی وقت سیز اولدی ،  
یازیق خالا نئجه ده بخت سیز اولدی ،

\*\*\*

دئییرم کی، عمر ایکی اولئیدی ،  
بیرینی بویالان ایشلر آئتیدی ،  
بیری بیزیم ئوزوموزه قائلیدی ،  
اوزاق باشی آلتیمیش ایلدر یاشیمیز  
۲۵ - ده آغاریدر یاشیمیز .

\*\*\*

دیوانه ایم، رؤیا دا در گۆزلریم ،  
مین قاپیدان گللب کئچیر ایزلریم ،  
مین بیر درد دن خبر وئیرر سؤزلریم ،  
بندلریمی زنجیر کیمی قیر میشام ،  
ویران یوردا من قراول دورموشام .

\*\*\*

یشر آلماسی کبابیدر ، ایستیدر ،  
بونه بوغدر ، بونه هیسدر ، توستی در ،  
بورا هارا ؟ سید حمزه اوستی در . ؟  
عباس آقا دئییه سن یول آز میسان ؟  
نه وار ، نه بوخ ، ائوه کاغذ یاز میسان ؟

\*\*\*

گۆزلریمده آچیلیب در پنجره ،  
پنجره ده اورهك یاخان منظره ،  
کیم ایسته ییر قوشولسون بوسؤزلره ،  
قوش تک قونسون حینده بر بوداغا ،  
انسان کیمی باخسین بیزیم اوتاغا .

\*\*\*

آنم دوروب آتاما بیرچای تۆکر ،  
صونرا باخیب آلولو بیر آه چکر ،  
دییه کیشی، کیشی دگیلسن مگر ؟  
بیر سراغ توت ، بیر خبر بیل اوشاقدان ،  
سس لرینی ائشیدیرم اوزاقدان !

\*\*\*

اوزاق دئییر لر عشق دن کی ، جانلارین بلا سیدر ،  
یاخین دئییر اورهك منه حیاتیمین صفاسیدر !

\*\*\*

کؤنول، فرحله وورداها، بودرده حرمت ائیله سن ،  
کی سئوگیلی نگاریمین سنه اولان عطاسیدر .

\*\*\*

آچین - آچین او پرده نی، دورون نوازش ائیله یک ،  
بو ناز ایله گلن قوناق بیزیم یشرین صبا سیدر .

\*\*\*

گل آل بوجانی . بوسه وئر ، نولار سئویملی ساقیمیز !  
سین او اینجه لبلرین خومار لیغین دواسیدر !

\*\*\*

خانیم نھم مزارینی گۆره نلر ،  
جمعه آخشامی گئدیب دعا و تره نلر ،  
ئوز یوردوندا خوشبخت عمر سورہ نلر ،  
عزرائیلہ دئسینلر کی گئج گلکسین ،  
وصال اونا یان باغلا سین کوچ گلکسین .

\*\*\*

یانسین بیزیم قبیلہ نین اوجاغی ،  
کوله دؤنسون قورد - قوشلارین یاتاغی ،  
گونش اولسون شہریارین چراغی ،  
گوزوموزه ایشیق اولسون ، نور اولسون ،  
دشمنلری باخسین اونا کور اولسون !

\*\*\*

دگیرمانچی ہارای چکیر دن دئییر .  
یئر اوزونده بو گون منم ، من دئییر ،  
دن گتیرہن باش اگیر ، احسن دئییر ،  
نیہ گلیر دنلر ، بیلیمیر گلندہ ،  
بشریت آییلاجاق ئولندہ !

\*\*\*

دولاینین اوستونده گون دوغاندا ،  
آغ بولوتلار گوللرہ سود ساغاندا ،  
بھارایی دام - دیواردان یاغاندا ،  
اینکلری آیرئیدیم ناخیردان ،  
قایدئیدیم من اولہ آخیردان ! ...

\*\*\*

دئمه نہ در ، بوسس منہ ، مگر تانیس دگیل سنہ ؟!  
او قیردیغین کمانیمین اوجالتدیغی نواسیدر .

\*\*\*

ھاوایلا دولسا بئنیمیز کؤپوک تک اوزده اویناریق .  
صدف کیمی بو حالیمیز آغیرلیغین بلاسیدر !

\*\*\*

سینمدہ کی بو حسرتی بوتون جھانہ وئرمہ رم !  
جفالی ، غملی گونلرین وفالی آشناسیدر !

\*\*\*

مکتوب آلدیم ، گۆز اوستونده ساخلادیم ،  
اوزده گولدوم ، اورہ کدہ برک آغلادیم ،  
پال - پالتاری ، چمدانی باغلادیم ،  
سینیق قاناد اوچماغا یول وئرمہدی ،  
یقین منیم دردلریمی گۆرمہدی !

\*\*\*

دومان گلیر سمالاردا توز سالیر ،  
افقلردہ زماندان بیر توز قالیر .  
زمان کئچیر ، هر کسدن بیر ایز قالیر ،  
شاعر ، سنین هر ستوزون بیر یول آچدی ،  
کۆرپہ کؤنول آیاق توتدی ، دپل آچدی .

\*\*\*

یازیق آتا ، خسته آتا ، جان آتا !  
ای اوره گی لاله کیمی قان آتا !  
قان ایله دی باغرینی هجران آتا ،  
آتا دئییب، هارای چکیب آغلارام ،  
عمروم بویبی من سنه یاس ساخلارام .

\*\*\*

آتاسیزلیق هر بیر درد دن یاماندر ،  
یتیملرین قدی غمدن کماندر ،  
حیاتینین افق لری دو ماندر ،  
یاخشیلیغی اللریندن آلیرلار ،  
دانیسانی یامان گونه سالیرلار .

\*\*\*

سکته دگیل، آتا ، سنی ییخان وار  
حیاتینا اود ووران وار ، یاخان وار ،  
یانغین سالیب ، صونرا دوروب یاخان وار ،  
گۆز یاشیمیز مرواریدر یادلارا ،  
من نه دئییم وجدانی بر بادلارا !

\*\*\*

قوی سۆز آچیم ئوزوم سنین دیلیندن ،  
توتوم محبوس سۆزلرینین الیندن ،  
کئچیم بو غم چؤلرینین سئلیندن ،  
بیر سس سالیم بوتون دنیا مات قالسین ،  
یا تانلاردا اویانسین، عبرت آلسین .

\*\*\*

کروانچیلار شهره یول آلاندا ،  
زینتروولار چؤلره سس سالاندا ،  
اینانین کی ، یوخودا دا اولاندا ،  
داغی ، داشی اونلارلا بیر کئچیرم ،  
قلبلریندن کئچنلری سئچیرم .

\*\*\*

کلدی بیزی یوخلاماغا شهربار ،  
گۆردی گئدیپ ترک ائله بیب شهری یار،  
ائله مک چین خلقینه بو شهری یار ،  
هاوای چکدی ، داغ دیلیله آغلادی .  
آیلتماق چین اوره کلری داغلادی .

\*\*\*

حیدرآبادا شعریمیزه درس اولوب .  
داغلار ، داشلار هر سۆزونده عکس اولوب،  
قدرتیمیز غریبه بیر بحث اولوب ،  
باغلا بیرام بو باره ده مطلبی ،  
عالم آچیب شهربارین مکتبی .

\*\*\*

سکته ووردی، میراصلان خان ییخیلدی .  
چنارسیندی ، بیر دخمه یه سیخیلدی !  
باتان باتدی ، ایتن ایتدی ، یوخ اولدی !  
حیف اولسون صون نفسده گۆرمه دیم !  
ئوز اوغوللوق بورجومی من وئرمه دیم !

\*\*\*



بشر بوگون کائناتی فتح ائدیر،  
قانا دلانیر - مریخه قوناق گئدیر،  
بیلهن وارسا، دشمن بو درد بس نه در؟؟  
آتا تولور بالاسینی گورمهدن،  
باغچاسینین محصولینی درمهدن؟

\*\*\*

اوج آد دیمدر ائل، اوبانین آراسی،  
سئل آخیدیر اوره گیمین یاراسی،  
گوزلریمین نودی، آغی قاراسی،  
ظلمتلرین ایچینده غرق اولوبدر،  
باغبانسیز بیر چیچک کیمی سولوبدرا!

\*\*\*

یوخو گوردوم، هارداسا بیر مجلس وار،  
اوتوروبدور باشدان - باشا آداملار،  
ایلك دفعه در من تاپمیشام اختیار،  
اوره گیمی ساخلامیشام الیمده،  
میلیونلارین دردی - غمی دیلمده:

\*\*\*

دئین کیمین تورباغیندا ایزیم وار!  
دئین کیمین بیر چؤپونده گوزوم وار!  
دئین کیمین بیر سؤزونه سؤزوم وار!  
توز ائویمده سیز نییه حاکم منه؟  
حکم ائله بیر گلین، گورون کیم منه!!!

\*\*\*

شیخ محمودون اسرار ددلی گلشنی،  
بؤیوک شمسین، شہریارین وطنی،  
صائب لرین، معجزلرین مسکنی  
اولموش ایندی بیگانه لر اویناغی!  
سولوب بوتون عظمتی، نوراغی!

\*\*\*

شیخ صفی نین مقبره سی سویولدی،  
خزینہ میز موزه لره قویولدی،  
بیز آغلادیق دشمنگیلده طوی اولدوی!  
شاه شاعرین شمشیری گل، هارداسان!  
یوخسا منیم قلبیم کیمی دارداسان!؟

\*\*\*

گؤی مسجدین قاپیسینی سؤ کدولر،  
ار کین مین - بیر کریمجینی تؤ کدولر،  
گول یثرینده دار آغاچی اکدی لر،  
ایندی اونون میوه سینی یثیر لر،  
توزوموزه «قولوموزسوز» دئیر لر!

\*\*\*

مرد اوغوللار درد الیندن قوجالدی،  
هجوم چکیب نامرد اوندان باج آلدی،  
بو آلچاقلار بیردن - بیره اوجالدی،  
کسدی، باسدی، آسدی، ییخدی، داغیتدی!  
اور کلردن قارا قانلار آخیتدی!

\*\*\*

وطن ايچون تولن ، ئولمز دنيا دا !  
 ئولر ، آنجاق او باش اگمز جلا دا !  
 انسان اولان عمر سورهر آزادا ،  
 جواهر لعل وطن ديهه كول اولدوي ،  
 اوره كلرده سولوب گئتمز گول اولدوي .

\*\*\*

سايا گلسه ، دئين كيمدن آزيق بيز ؟  
 سايمائينير ديلسيز ، آغيز سيزيق بيز !  
 داها بسدر سايلميشيق يازيق بيز !  
 نظر سالين تاريخلرين فصلينه !  
 بابك لرين ، ختايينين نسلينه !

\*\*\*

كور اوغلونون شير قدرتي قولومدا ،  
 شيخ محمد مشعل كيمي يولومدا ،  
 شهپر كيمي هم ساغيم ، هم سولومدا ،  
 قارتال كيمي قانادلانير اوره كلر ،  
 آراز كيمي جوشوب ، داشير ديلك لر .

\*\*\*

اتم ايله فخر ائتمه يين ، گولمه يين !  
 اود وورماغي بير افتخار بيلمه يين !  
 سيچان اولوب چو وال ديهي دلمه يين !  
 آلوو اولسا هر بير كسين داياغي ،  
 بير كولك له سؤنر اونون اوجاغي .

\*\*\*

جهانگير لر گليب - توتوب هر يثري ،  
 زنجير له ييب ، اسير ائديب ائللري ،  
 زمانه نين ظالم بيخان يئللري ،  
 اسنده بير ميلچك كيمي گئديلر !  
 يثر اوزوندن ابدليك ايتيلر !

\*\*\*

افلاطونلار بو دنيا دان گئديدر ،  
 نوحى زمان تورپاقدا غرق ائديدر ،  
 يثر آلتيندا گميسيله ايتيدر ،  
 آختارديلار يثر اوزونده هر يثري ،  
 تاپان يوخدر «منم» ديهن هينلري .

\*\*\*

بو عصر يميز قطعى قرار عصريدر !  
 انسانليغا تام اختيار عصريدر !  
 الجزاير ، هندوستانلار عصريدر ،  
 بهار ايستر محبوب ساردين مكاني ،  
 گئتمه ليدر اسارتين خزانى .

\*\*\*

ئوزلرينه سيز اي انسان دئيلر !  
 قوردلار كيمي آدام اتى يئيلر !  
 جانا وار كن قويون دونى گئيلر ،  
 دؤندردينيز جهنمه بهشتى !  
 جواب وئرين بونه گوجدى ، نه ايشدى ؟!

\*\*\*

ملت لرین تشکیلاتی تیتره بیر ،  
 آلاهیمن دا کائناتی تیتره بیر ،  
 آزغینلارین پوچ حیاتی تیتره بیر ،  
 دانیشدیقجا اود یاغدیبریر نفسیم ،  
 هارای سالیب یئر اوزونه گور سسیم!  
 \*\*\*

سؤزون وقتی آز تایر اولسون تمام ،  
 وطنمندن آلیرام بیر تلگرام ،  
 دالغالارنیر او مجلسده ازدحام ،  
 اوخویورام احتراملا ، ادب له ،  
 عقله سیغماز دهشتلی بیر غضب له :

\*\*\*

بوتون ئولکه اوروج توتوب حق دئیر ،  
 آزادلیغی گاندی تک مطلق دئیر ،  
 منصور کیمی ئولور «ان الحق» دئیر ،  
 اون میلیون کیم حق وئریر قیرماغا ،  
 کئچیب داها آغیزلاردان وورماغا .

\*\*\*

قانلارلا یازیلیمیش اثریم ، مین واراغیم وار !  
 هر کلمه ده ، هر سؤزده بیر اوددان سراغیم وار !

\*\*\*

قیردیقجا توکنمز بونی بیلین قارا یئلر!  
 من بیر چنارام کی ، سایا گلزمز بوداغیم وار !

\*\*\*

اوتورانلار هامی دوردوی آباغا ،  
 احسن دئییب باشلادی ال وورماغا ،  
 اوچ - دورد نفر آددیملایب قباغا ،  
 اوردان - بوردان بهتان آتیب دانیشدی ،  
 چوخدان بری اونلار بیزه تانیشدی .

\*\*\*

دئدیم ، بسدر! پرگار دؤنوب دؤوره نی ،  
 کئچیب داها جلادلارین دؤورانی!  
 بیرگوز آچین شیر ائله یین دنیانی!  
 خلق حقنی آلمالیدر ، آلمالی!  
 ایستکلری اولمالیدر ، اولمالی!

\*\*\*

یارپاق کیمی اسدی اونلار سؤزومدن ،  
 اود یاغیردی آلولولانان گؤزومدن ،  
 ئوزوم ده من قورخوردوم ئوز ئوزومدن !  
 پلنگ کیمی کورسوده قیشقیریردیم ،  
 قیشقیردیقجا زنجیرلری قیریردیم .

\*\*\*

بیر سانمایین شراب ایله آل قانی ،  
 بیر توتمایین آزغین ایله مهمانی ،  
 اوچ نفره وئرمه ییب لر دنیانی ،  
 ال گؤتورون ، صبیر کاسام داشیدر!  
 دریا کیمی سرحدینی آشییدر !

\*\*\*

سن سیزمنه ظلمت دگیل عالم، گۆزه لیم، بیل !  
سینمه یانار شم کیمی یوزلرله داغیم وار !

\*\*\*

آزاده لیگین عاشیقیه یم من بو جهاندا !  
یوخ باشقا سۆزوم تاکی، دلیلم وار، دوداغیم وار !

\*\*\*

تک سانما منی سن بئله حسرتلر ایچینده !  
تبریز کیمی آرخامدا یئنیلمز دایاغیم وار !

\*\*\*

توزومی ده آیلدانداندا توز سسیم ،  
بیر آنلیغا تنگه دوشدی نفسیم ،  
گۆردوم دوروب باشیم اوسته قسیم ،  
«حیدرآباد» مشعل کیمی الیمده ،  
شهریارین بؤیوک آدی دلیلمده .

\*\*\*

قامت دگیل، قیامتدر او قامت ،  
قیامتدن علامتدر او قامت ،  
شهرتیمدن عبارت در او قامت،  
سمالاردان ثوتنده باخ اوننی گۆر.  
باشی قارلی سهنده باخ اوننی گۆر.

\*\*\*

گولوم سن سن ، باغیم سن سن ، گلستانیم ، بهاریمسان ،  
اگر بیر قوش اولارسام من ، خزانسیز لالمه زاریمسان ،

\*\*\*

منه مریم ، منه عیسا ، منه تورات ، منه قرآن ،  
سنین عشقینده صنعانم ، منیم نازلی خوماریمسان ،

\*\*\*

دلیلم ، آغزیم ، سۆزوم سن سن ، قلبیم ، گیلیم، گۆزوم سن سن .  
منیم جانیم ، تۆزوم سن سن ، منیم صبریم ، قراریمسان .

\*\*\*

منیم دردیم ، منیم چاره م ، هلال ابرولی مه پاره م .  
کدر سندن، سۆنیج سندن، نشاطیمسان ، غباریمسان .

\*\*\*

اورهک هر نه دیلر سن سن ، یگانه بیر دیلک سن سن ،  
جوا بیمسان ، سؤالیمسان ، مقدس بیر شعاریمسان .

\*\*\*

گوجوم ، آرخام ، یاخین دوستوم ، یاخینداندا یاخین دوستوم ،  
پولاد عزمیم و اراده م سن ، توکنمز اقتداریمسان .

\*\*\*

منه بیرمی دولی جام سان ، الهی عالی الهامسان ،  
اثلیم ، طایفام ، یثریم ، یوردوم ، شیرین دوغما دیاریمسان ،

\*\*\*

محبت سن ، صداقت سن ، ملاحت سن ، سعادت سن ،  
خزینهم ، ثروتیم، واریم منیم سن ، هر نه واریمسان .

\*\*\*

دوشونجم ، آرزیم ، امیدیم، خیالیم، ان بؤیوک فیکریم ،  
منیم سرریم ، منیم گیزلین نهانیم ، آشکاریمسان .

\*\*\*

عزیزیم ، بیر دانام ، اینجیم ، ظریفیم ، اینجہ دلداریم ،  
بو یوز بیر سؤزلہ بیر سؤز وارکی ، یعنی شہریاریمسان !

\*\*\*

بیر گون گلر فلک لہر اولدوز لہر ،  
ووروب ییخار ، عالمی دومدوز ائلہر ،  
ایش - گوجوموز ، قامتیمیز دوزہ لہر ،  
سن اگیلمہ ، دوست - دشمن وار ، آماندی ،  
« ہرچند کی ، اورہک غذاسی قاندى » .

\*\*\*

ہمتمیز یئیلہمہ سین ، ائمہ سین ،  
یئلکنیمیز ئوزیولونندان دؤنہ سین ،  
گؤزلرینین قوی ایشینی سؤنہ سین ،  
سؤنوب گئتمز یانار اوجاقسان بیزہ ،  
داغلار کیمی محکم دایاقسان بیزہ ،

\*\*\*

گؤزل قله چیچک آچسین ، گول آچسین !  
شن قیزلارین سفرہ سالسین ، نئل آچسین !  
شاعرلرین بولبول کیمی دبل آچسین !  
سازا سالسین ، سؤزہ سالسین آدینی !  
آغیزلاردان ایتیب گئتمز دادینی !

\*\*\*

متیم گوندوز گونوم سن سن ، گئجہ آییم سمالاردا ،  
جلالیم ، شہرتیم ، شأنیم ، حیاتیم ، افتخاریمسان .

\*\*\*

منہ شیرین ، منہ لیلی ، منیم زہرہ م ، زلیخامسان ،  
منیم اصلیم ، منیم فخریم ، غرورومسان ، وقاریمسان .

\*\*\*

منیم نغمہ ، منیم سازیم ، سازیم ان لطیف تلسن ،  
منہ ان دادلی بیر مجلس ، او مجلسدہ نیگاریمسان .

\*\*\*

یثریم زندان ، ئوزوم محبوس ، منی بیر یوخلایان سن سن .  
گئجہ طوفانلی دریادا ، ایشیقلی بیر کناریمسان .

\*\*\*

نہ اولسون غم قشون چکمیش ، توتوب اطرافیمی دشمن ،  
باشی داغلار قدر یوکسک ، اوچولماز بیر حصاریمسان .

\*\*\*

قاشین طاقی منہ معبد ، اورعنا قامتین مقصد ،  
قیامتہر قیام ائتسہ ، منیم پروردگاریمسان .

\*\*\*

منیم عالی مقامیمسان ، منیم عالی مرامیمسان ،  
حیادتہ ہر نہ ایسترسم ، صونونجی انتظاریمسان .

\*\*\*

سنی قلبیلہ من سئودیم ، اونى چیریندیران سن سن !  
دئمک کی وارلیغیم سن سن ، اورہ کدہ شاہ داماریمسان .

\*\*\*

تبریز سنین شیرین دلین قوربانی !  
عطیر ساچان قیزیل گولون قوربانی !  
اورهك آچان «قره گیله» ن قوربانی !  
آج آغزینی ، اوخوش سسین اوجالین !  
ایسته مهین قوی کور اولسون ، قوجالین !

\*\*\*

شهرباریم ، « سنین کؤنلون شاد اولسون » !  
« دنیا وارکن آغزین دولی داد اولسون » !  
غصه - کدر اوزاق اولسون ، یاد اولسون !  
مکتبینه قلم توتاق ، درس آلاق !  
صحبتیندن ، صنه تیندن حظ آلاق !

\*\*\*

۱۰۹۹